

















Jxxx-k

17

38757/B







Progymnasma primum.

De Hirudinū appositione interne parti  
Vteri in puerperij & mensiū supress: Cart: 9.

Progymnasma Secundū.

De Succo Cici & Limonū virib: & uis  
in febrici tantig: & Puerperis. Cart: 35.

Progymnasma Tertium.

De Vena in febrib: Malignis secunda  
ura utilior ac securior sit uenam infe-  
riorem incisione quā superiore. Cart: 71.

Progymnasma Quartum

Consideratio Salici Tumoris curationis in frontē  
N. N. an scilicet eisdem vicia & ara facta  
fuerit incisio Cart: 152.

De Romana muliere Biennio Viro gēvā.  
Historia Cart: 165.

Progymnasma Sextū.

De Alcanna Arabū Non esse Castā. Cart: 107



42599  
**HIERONYMI**  
**NIGRISOLI**  
*FERRARIENSIS*

In Patria Vniuersitate MEDICINÆ Lectoris Ordinarij,

*ET SERENISSIMI*

**FERDINANDI GONZAGAE**

Guastallæ, Luzzarię, Reggioli Ducis  
Molictę Principis &c.

*MEDICI,*

**PROGYMNASMATA**

In quibus nouum præsidium medicum Appositio videlicet Hirudinum in  
ternæ parti vteri in puerperij, & mensium suppressione exponitur,  
rationibus, auctoritatibus, & experimentis confirmatur;

De Vena in Febribus malignis secanda differitur, & alia Medicis non  
solum, sed omnibus bonarum litterarum cultoribus ytilia  
simul, atque Iucunda expenduntur.



---

GVASTALLÆ, Typis Ioannis de Erasmi, Imprel. Duc.  
*Superiorum Permissu. 1665.*



HIERONYMI  
NIGRISOLI  
FERRARIEVS

In Patris Universitate Medicinæ Lectoris Ordinarij.

ET ZEPHYSSIMI

FERDINANDI GONZAGAE

Guastalla, Lucarar, Reggii Ducis

Molificæ Principis &c

MEDICI


PROGYMNASMATA

3  
7  
In quibus novus periculum medicum Appositis videlicet Hieronymi  
tunc patet vixit in quibus, & mentum superfluum exponitur  
rationibus, anagogibus, & experimentis confirmantur.  
De Venis in Testibus malignis secunda distinctio, & alia in quibus non  
solum, sed etiam deinde in quibus testibus a vena  
simul, & quod inveniatur exponitur.



GVASTALLA, Typis Joannis de Erasmo, Imprii. Duc  
Superiorum Tomis. 1667





SERENISSIMO PRINCIPI


FERDINANDO

GONZAGAE

Guastalla, Luzzaria, Reggioli

DVCI III.

Et Molfetta Principi Ec.



Sal. Fel.



Aboris coniugio; scientiarumque  
fæcundata seminibus suos quo-  
que foetus mens habet humana,  
Serenis. PRINCEPS; Hęc prime-  
uę culpe vitio ignorantie damna-  
ta cruciatibus, fæmellæ confors, non minus  
acerbos interenititur dolores; vrget enim iusta



Sapientum censura , mordet indiscreta Cinico-  
rum rabies , propriè torquet imbecillitatis con-  
scientia ; Hoc habet illa solatij , vt constitutis  
temporum legibus non cogatur ad partum ; fœ-  
tum tamen gestit emittere , qui tandem est pro-  
ferendus , & maximè si humanæ vitæ , & inco-  
lunitati proficiuus non desperatur , ne suo cō-  
mortuus Auctori , eundem sui reum interitus ,  
humano inuidum bono creatoris ingratum mu-  
nificentia ( qui dedit ingenium ) cælestis euocet  
ad iustitiæ tribunal . O si hominis esset delibe-  
randa natiuitas ? & solo Parentum nutu in hunc  
terrarum orbem esset deuoluendus ? nullus pro-  
cul dubio præteriret stellarum inauditus rotatus ,  
nullus , vel furtim , inter astra eiacularetur as-  
pectus , vt humana proles fælicissimis cælorum  
uiuens frueretur influxibus , vnde Astronomia  
scientiarum veluti Regina inaniter exulta , tan-  
quam mortalium sortis moderatrix , & domina  
magis superbiret . Cur igitur , hoc quando no-  
bis est datum , benignioribus inconsultis syde-  
ribus , solidiori inauspicata fêlicitate voluntari-  
um nostræ mentis partum in lucem edamus ?  
& fæliciores vnde , aut splendidiores , quam ex  
præclarissima GONZAGORVM nobilitate ,  
meis



meis hisce PROGYMNASMATIBVS radios exquiram ? quæ regio apud Germanos olim coronata diademate , indeque in Italiam , Galliam , atque Hispaniam translata , dignis vbiq; imperijs , & dominijs aucta , feracissima Heroũ , Principibus semper belli non minus , quam pacis artibus admirandis toto orbe emicauit ; Si te Sereniss. FERDINANDE , verum pietatis , prudentiæ , ac fortitudinis exemplar , ego ipse , cui Celsitudinis tuæ sanitatis , & vitæ custodia iam diũ credita est , meaque familia beneficum adeò experimur , cuiusnam melioris Iouis beneficos aspectus exoptem ? Te habito mihi , meoque huic operi Italico sub cælo fautore , cognata tibi sydera , peregrinis sub cælis , quos splendidissimè irradiant , fausta pariter affutura non dubito ; maleficos non extimescat aspectus , qui tua in domo Te sui exaltatorem agnoscit ; hoc opus tuo nomine immortalitate donabitur . Tuum est , quando ventris naturam sequitur partus , qui sanè , si primogenitus , à me Tibi , quantum fas est , humillimè dicandus ; Oblationis tenuitatem ne dedignere , SERENISSIME PRINCEPS , nec deuotionem erga te meam incorrectis adscribas ausibus , fauit enim legum lator Licurgus , qui munera Dijs ipsis , minima quamuis , offerenda decreuit ,



uit, & qui factis operam à me suscipis medicam, eandem ne scriptis renuas. Vale.

Guaftallæ Idibus      Septembris Anni 1665.

Celsitudinis tuę Sereniss.

Humillimus, & Addictiss. Sernus.

*Hieronymus Nigrisols.*







malle, quam lucum reddere, Flabes, Humanissime  
 mei rationem instituti, in quo utilitatem iuvandi studio  
 me pratulisse placendi, novit scrutator cordium D. O. M.  
 Tu interim meos qualescunque conatus equi, bonique  
 consulte, & quoniam in impressione, cui semper interesse  
 haud potui, errata irrepserunt, eorum que maioris momenti  
 sunt correctiones in fine operis inspicere ne graueris, leui-  
 ora vero tua humanitate corrigere ne venias vale.



# INDEX PRO GYMNASMATVM.

quæ in hoc opere continentur.

**D**E Hirudinum appositione interne parti vteri, in  
 puerperij, & mensium suppressione Progym-  
 nasma prim. page. 10.

De Succo Citri, & Limonum viribus, & vsu in febrili-  
 citantibus, & puerperis, Prog. 2. pag. 36.

De vena in febribus malignis secanda verum scilicet  
 utilior, ac securior sit venarum inferiorum incisione  
 quam superiorum, Prog. 3. pag. 64.

Utrum recte, & ex arte facta fuerit incisione Gallicitu-  
 moris in fronte D. N. Prog. 4. pag. 92.

De Romana Muliere Biennio gerente vtero Pro-  
 gym. 5. pag. 104.

Alcanam Arabum non esse Cassiam, & quid eius no-  
 mine sit intelligendum Prog. 6. pag. 187.

AD



AD PERILLVSTREM, ET EXCELLENTISS.  
D.D. HIERONYMVM  
NIGRISOLVM

FERRARIENSEM PATRITIUM  
In Almo Patrie Gymnasio Medicinæ Lectorem Ordinarium,  
& Sereniss. Ducis Guastallæ Medicum,  
Progymnasmata Medica edentem.

*Vaticinium*

*Anagrammate numerico puro expressum anniq̃*

1665.

*Currentis numerum prorsus explens.*

287	521	595	262
Doctor	Hieronymus	Nigrisolus	à Ferrara

678.	206	640	141
Æsculapius	alter	destinabitur	orbi.

*Explicatio.*

287	<b>E</b> ffera dum cunctis indicis prælia morbis, Gaillia quosq̃, tulit sedulus arte fugas. Conscia te meritò similem prælagia fantur Proles Appolineæ; nominis omen habes. Fallor. Te prodit tua Virtus maior in orbe: Insigni calamo, quos nequis ore, iuuas.	678
521		206
595		640
262.		141.
<u>1665.</u>		<u>1665.</u>



S. P. Q. R.

B

AD

663



*Ad Excellentissimum*  
D. HIERONYMVM NIGRISOLVM

De usu Citri, quod Græcis aureum malum vocatur,  
in Febricitantibus, & Puerperis scribentem.

ELOGIVM.

Mittite Cenas Epulones;  
Parcius Vobis conuiuium Auctor Operis parat.  
Aurea mala gustanda qui porrigit.  
Præciosam amat voluptatem, sed sobriam.  
Sapere incipit Aegritudo,  
Quæ grato hoc succo depellitur.  
Aurea mala rapturo Herculi  
Sternenda prius monstra fuerunt.  
Morborum monstra straturus Auctor  
Aurea mala non rapit, sed porrigit.  
Ditandi Mortales egrotate  
Quod malum, malo prætiosiore depellitur.  
Non pauperat Aegrotum, sed ditat.  
Agat tibi gratias humanum Genus HIERONYME,  
Nempe congruum morbo remedium paras.  
Quæ mala Terris intulit Adami malum,  
Meliori malo fugare tu niteris.

I. B. S. è Soc. Ies.



*Ad*



*Eiusdem Ad Eundem.*

*De Sanguine ab egrotantibus mulieribus extrahendo scribentem.*

**M**Orbosum ut teneris depellas artubus hostem  
Sananda inflicto vulnere membra doces.  
Falleris; est hostis ledendus vulnere; non quæ  
Hostiles subeunt mollia membra dolos.  
Ast ò Artis opus! doctæ ò miracula mentis!  
Post hanc sanabunt vulnere, ledet Amor.

\*\*\*  
*Ad Eundem.*

HIERONIMVS DE NIGRESOLIIS MEDICVS

*Annagramma.*

RIGIDVS CIES MENSES HIRVDINE MOLLI.

*Explicatio.*

**P**allida quid languent suppresso membra cruore  
Femineo, pigra proleq; mæsta iacent? (SES.  
Ecce CIES RIGIDVS MOLLI citò HIRVDINE MEN-  
Lucina & fies fetibus apta nouis.  
Nec senus propriè hac causa dicèris ab ullo,  
Nam rigor est egris vita, fereq; cibus;  
Pascitur hæc feriens vitali sanguinis imbre,  
Sed morbum egroti mox peritura bibit.  
Vulnerat, ast moritur; sanatur vulnere languens;  
Tanta potest docti scripta medela VIRI.

Horat. Formig I. V. D.



*Al' Molt' Illustrè, & Eccellentissimo Sig. Dottore*  
**GIROLAMO NIGRISOLI**  
**MEDICO**  
*dell' Altezze Serenissime di Guastalla.*

*S O N E T T O.*

**P**Er uccider se stesso ogn' hor procura  
Sciocco l'ingegno human nuoue maniere;  
Mentre al pallato suo le selue intere  
Fà tributar con faticosa cura.

Mà 'l NIGRISOLI in carta bianca, e pura  
De le Dottrine tue le reti vere  
Spiega per dar la morte à tante fiere;  
Così 'l viuer del' huom più longo dura.

E s' Apollo vantò primo l'honore  
Di quest' arte acresciuta in Epidauro,  
Ch' Hippocrate vi diede alto splendore;

Porti frà questi Tu ben degno il Lauro,  
Ch' al tuo apparir la gloria altrui si more,  
E scopri de secreti il ver tesoro.

*Eiusdem*  
*Ad Mottem Dialogismus.*

*P. Cur tua consuetam non gèstat dextera falcem?*  
*M. Hanc mihi Hironymus sustulit arte noua.*

Francesco Formigieri.

*Per*



*Per varij Trattati di Medicina dati in luce dall' Molt. Illust.  
& Eccellentiss. Sig. Dott. Girolamo Nigrisoli.*



Aga di partorir strani portenti.  
Per rotar di molt'anni asconda i parti  
Pur natura nel sen, che in dotte carti  
Pingon l'occulte Idee tuoi saggi accenti.  
Di Gallico veleno attri alimenti  
Se nel commun respir beuon le parti;  
Tu del Vecchio di Coò vanti con l'arti  
Render del rio velen l'aure innocenti.  
Torna à tuoi cenni à le Tartaree porte  
Smunto, e pallido il Morbo, e d'Acheronte  
Nuotan nel fosco sen le febri absorte:  
E se dal braccio apri di sangue vn fonte,  
In quell'onda letal corre la Morte  
I naufragi à incontrar cieco Fetonte.

*Gio: Casalecchi Med. Regg.*


*Al Medesimo.*



Arabe zolle, e di Campagne armene  
Cò le scelte radici, e semi, e piante,  
A cui del viuer suo langue la spene  
Curi Gran NIGRISOLI il cor penante.  
Vibra colpo letal falee rotante  
Di Morte, à l'or, che ad assalir se'n viene  
E il trionfo le accetta vn giro errante,  
Che fa gelido il Sangue in calde vene.  
Ma Tu de mali il fier nemico stuolo,  
Cò tuoi (più che d'Ipocrate, d'Galeno)  
Dogmi raffreni, ad ogn'Intermo il duolo.  
Così di nostra vita il dì tereno,  
Ch'Atropo ad eclissar precorre à volo,  
Se eternar Tu non puoi prolonghi almeno.

*Andrelasso Iniltengi.*





*Illustrissimo Viro*  
**D. RAYMVNDIO IO: FORTI**  
In Patauino Lyceo Practico Primo Ordinario,  
ET MEDICO PRÆCLARISSIMO

*Hieronymus Nigrisobus Sal. & Fel.*



*Varum præexcellens fama virtutum, & summa in medendo prudentia orbe toto celeberrima, Illustriss. Raymunde, quæ vel reuientem ad Principem medicine sedem in Patauino lyceo totius Sereniss. Senatus Veneti suffraggijs te euexere, Sereniss. Guastallæ Ducem dominum meum clementissimum ad te quoque vocandum induxerunt, vt Sereniss. Principem Vincentium eius Celsitudinis filium manibus, dirisque morbis iam diu conflictatum tuis consilio, & scientia pristina redonares sanitate, alterum Hippolytum, alter Esculapius ab orci faucibus euocares. Venisti vir Illustriss. Venisti famamque præclarissimam spectabili presentia superasti, et mihi oblatum interea totis ex votis solatium, Te quem ob innumeras, ac celebres animi dotes iam diu suspiciebam procul, & venerabar agnoscendi propè, colendi, & admirandi. ex quo in me nata, & nullis temporum interstitijs adulta cupiditas obsequium erga te meum uperiendi magis, idque apud te firmo aliquo memorię monumento statuendi, illud Ouidij tertio de arte repetens animo, Arte peren-*

perennat amor. mihi porrò bonarum rerum omnium inopia  
presso cogitanti, quanam ope, qua ratione, voti compos eu-  
derem subiit, me tibi de scriptoribus nostri sæculi egregiè  
differenti Zacutum Lusitanum proposuisse, atque de eius  
doctrina, quomodo tibi probata esset, interrogasse, Quid  
presertim de nouo præsidio medico ab eodem proposito, De  
Appositione videlicet Hirudinum internæ parti uteri in  
puerperij suppressione sentiendum arbitrareris, querendo, &  
sciscitando; Teque ipsum licet nouitatem remedij paulò sus-  
pexisses, illud tamen (quod illicò fecerunt alij) non impro-  
basse, immò auditis experimentis à me de eo habitis compro-  
basse; Quocirca cum Medicum de ea re, Progymnasma ad  
Præstantissimum virum D. Mauritium Calanum Præcep-  
torem meum sapientissimum anno presentis sæculi 1658.  
conscripsissem, non ingratum tibi, atque iniucundum futu-  
rum existimaui, si illud in obsequentis animi testimonium ad  
te mitterem, tuoque famatissimo Homini nuncuparem. Spem  
haud fefellit euentus, non solum enim, qua excellis huma-  
nitate leuidentse munusculum benignè excepisti, opusculum,  
& auctorem laudibus decorasti, verum vt illud Orbi com-  
municarem datis ad me litteris 4. idus Augusti 1664. ve-  
hementer hortatus es, ita scribens: nihil itaque, quod ad  
auxilij, tanti profectus administrationem conducere  
possit reticuiisti, & hoc idem orbi communicare am-  
bigis? An quia de vnico tantum agitur remedio? Qui  
fructuosa non qui multa scit, sapit, dicebat Æschylus;  
tuum igitur lumen in aliorum imitte animos præstan-  
tissime Vir, & à tenebrarum iniuria vindicabis, que  
sciri, cognosci que publicè interest, vt optime de repu-  
blica



blica medica merearis, & humane salutis, qualis es  
fatagens videaris; sicque vniuerso cum morali Philo-  
sopho ostendas, quod multum egerunt qui ante nos  
fuerunt, sed non peregerunt. Tuis igitur, & aliorum  
sapientum, & amicorum monitis obtemperans Typis ex-  
cussum, tuoque immortalis nomine obsignatum inuenendum  
fame theatrum prodire sino. Tu illud ab inuidorum, & Zoi-  
lorum tellis protege atque, tuere, & me ineffabili tua huma-  
nitati, & meritis singularibus deuinctissimum amore pro-  
sequi ne desinas.

Dabam Guastalla Kal. Maij 1665.



D E  
HIRVDINVM APPOSITIONE  
INTERNE PARTI VTERI  
*In Puerperij, & Mensium Supressione*  
PROGYMNASMA PRIMVM.

*Ad per Illustr. & Excellentiss. Virum*  
D. MAVRITIVM CALANVM  
*In Ferrariensi Accademia Philosophie*  
*Primarium Professore, & Medicum præstantissimum.*



Agnum quid est in arte Medica nouum inuenire quod admiremur, reperire quod imitemur, MAVRITI Præstantissime, Homo tamen, qui prudens sit, & diligens, & mente exercitatus, Vbi etiam inueniendi viam ab alio traditam ceperit huic facillimum est per eam ultra progredi, dicebat Gal. Lib. xiiij. Meth. c. xvij. huius rei amplum testimonium fuerit, subdens, quod eiusmodi Viri artem maximis operibus illustrarunt, plurrima namque inueniuntur hodie, quæ apud maiores nostros non fuere inuenta. Et ab Hippocrate desumpserat libro de Veteri Medicina num. 13. vbi legitur. Medicina autem iam ab An-

C

tquo



*riquo existit, & principium, & via inuenta, per quam inuenta, & multa, & probè habentia comperta sunt per multum tempus, & reliqua deinceps inuenientur, si quis idoneus sit, & iam inuentorum gnarus ex his ad perquirendum procedat. Versamur circa subiectum quod mutatur assiduè, numquam in eodem statu permanet, haud vna igitur semper terenda est via, eadem non usurpanda remedia, vt morbi deturbentur; Quam multa apud Antiquos celebrantur Pharmaca, quorum vsus iam obsoleuit? Quot nouis è contrà ditescit Medicina præsidij, quæ præcis eius cultorib' ignota extitere? prout variant affectus, immutantur corpora, varia excogitanda, permutanda medicamenta, noua etiam amplectenda, dummodo Artis præceptis consona, ratione fulcita, experientia firmata,*

Huius census, mea sententia, existit quod a Zacuto Lusitano Viro doctissimo exponitur Libr. prim. de Medicorum Principum hist. hist. V. a paucis obseruatum, ab omnibus neglectum; Appositio videlicet hirudinum internæ parti vteri ad euocandam suppressi puerperij euacuationem. Quo tamen Ego felicissime hoc anno iam vsus fui in Illustri muliere primum D. Anna Lolia, mox in Illustrissima D. N. N. Vtraque puerpera, altera pleuritide mali moris, hac seuißima febre maligna laborante, vtraque ob suppressam lochiorum euacuationem iam delirante, miserimè, atque manifestissimè periclitâte; cuius deinde præstantiam admiratus in menstruorum etiam suppressione illud primus experiri sum ausus in honesta Virgine Lucia d. N. N.

. Ancil-

11

Ancilla, diris ob eam causam, varijsque sympto-  
matibus vexata, deinde in alijs pluribus, quæ tamen  
omnes nullis alijs proficientibus auxilijs mirabili hoc  
præsidio, Dei ope, mea autem opera fuerunt curatæ,  
& magna consanguineorum, & adstantium admira-  
tione ob remedij nouitatem pristinæ sanitati perfectè  
restitutæ.

Verùm, etsi curationes secundum vota, & prospe-  
rè successerint, non defuere tamen Viri in Arte Medica  
clari, qui infidam huiusmodi operationem, multisque  
plenam periculis arbitantes, illam non contemnendis  
rationibus damnare non dubitarunt, & validis argu-  
mentis ab vso Medico exploderetentarunt;

Quocirca operæ prætium me facturum putavi, si  
tanti Medicamenti vires (quod primus eius Inuentor  
non præstitit) rationib<sup>9</sup>, & auctoritatib<sup>9</sup> demonstrarè,  
experimentis habitis confirmarem, obiecta dissolue-  
rem, verumque eo vtendi modum patefacere, vt flo-  
rentissimis Ciuitatibus, vbi Medica vigent studia, qui-  
bus adhuc ignotum est, palam iam fiat, & Medicis Ar-  
mamentarijs ad propulsandas mulierû affectiones stre-  
nuissimum hoc tandem addatur præsidium.

Hirudines ergo internæ parti vteri in puerperio sup-  
presso se narrat apposuisse experientis. Zacutus loco  
nuper adducto vbi habet, *Fæminam a partu ex menstruo*  
*retento orta febris inuasit, quæ nec tali sectionibus, tibia-*  
*rum coxarumque, scarificationibus, aut apertis hirudinum*  
*usu mariscis mitescens in phrenitidem abiit, & cum toti-*  
*us curationis cardo in procuranda suppressa euacuatione ver-*



saretur, & omnia reuellentia iam essent celebrata auxilia, nec aliud restaret exequendum nisi oburgens ex inflammatione periculum ex supernis partibus sanguinem extrahere, cum affectus videretur iam esse factus communis, prius ad originem mali, & occasionis principium deuenire consultius indicavi, sicque quattuor Hirudines filo appensas apponere iubeo, ex quarum sucu secuta larga euacuatione rescipiscere Egra capit, atque sedato delirio melius habuit.

Alibi, quod sciam, eiusmodi præsidij haud meminit, immò lib. 3. Praxis historiarum cap. 20. vbi de torminibus a partu agit, si purgatio sit imminuta secandam esse venam in talo asserit, hirudines mariscis affigendas, femora in parte domestica scarificanda, & supra cap. 10. vbi de menstrui suppressione, commodam, & salutiferam esse, inquit, venæ sectionem, cui strenuo auxilio, cæteris non neglectis, palmam deferendam, ait, eamque in infernis partibus semper esse celebrandam acriter pro Galeni tutela contendisse affirmat, Lib. pri. histor. in com. hist. 77. altum vbique tenens silentium de hirudinum appositione, Quare cum illam veluti obiter in allata obseruatione, & languidè proponat, frigidè laudet, alibi, vbi ex professo de vtero euacuando differuit, eius non meminerit, non immeritò suspicandum est cum viro doctissimo, ipsum tale remedium licèt proposuerit, non tamen administrasse, & forte non approbasse, qui enim, inquit ille, frigidè laudat, vituperat.

Alium præterea Medicum de eo loquentem mihi inuenire

uenire haud cōtigit, exceptis Nicolao Fontano lib. pri.  
de morb. mulier. c. 2. vbi scribit, *Zacutus Lusitanus hi-*  
*rudines internæ parti vteri admonet, & se huius auxiliij*  
*primum inuentorem gloriatur, quod vtrum consonum? Iu-*  
*dicij expertorum relinquimus,* & Sennerto lib. pariter pri-  
mo de morbis mulierum cap. 7. qui non ad euocandam  
suppressi puerperij, aut mensium euacuationem, sed ad  
aperiendas vteri hēmorrhoides, & sanguinem quo  
turgent, ac dolent, ab ipsis euacuādum hirudines vtero  
apponit.

Quocirca nouum plane inuentum est; Verūm vali-  
dissimum, ac tutum medicamentum, cum enim mulie-  
rum ex retenta puerperij, vel mensium euacuatione la-  
borantium totius curationis cardo in eo consistat, vt  
suppressa sanguinis fluxio ab vtero excitetur, ad illud  
autem exequendum nullum possit haberi præstantius  
auxilium suctu hirudinū, vt in progressu sum demon-  
straturus, hirudinum appositionem cæteris præferen-  
dam esse nemo non fatebitur.

Vt autem in eius præstantia, atque vtilitate aperien-  
da, & celebranda breuius procedatur, vno, & eodem  
tempore de Puerperij, & Mensium Suppressione ver-  
ba faciam, cum vt Galenus docet lib. 5. Aphorif. com.  
28. eodem nomine appellentur etiam ab Hippocrate ea,  
quæ ex vtero muliebri euacuantur in menstruis purga-  
tionibus, & a partu, easdem habeant causas, eadem-  
que remedia.

Sed, antequam vltius progrediar, illud insuper ani-  
ma duertendum, quod & obseruauit Zacutus vbi de  
men-



menſium ſuppreſſione, non ſemper in talibus affectio-  
nibus ius ſuum habere ſanguinis miſſionem, & quod  
conſequens eſt hirudinum appoſitionem, ſi enim cacho-  
chymum corpus, & ſanguine omnino corrupto, &  
putrido infectum offeratur, tunc fortasſe omni ſangui-  
nis miſſione omiſſa (de quo tamen alibi) purgatio in-  
ſtituēda, ſi, quod Galenus docet lib. 3. de Simph. cauſ.  
cap. 4. & lib. 5. aphoriſmum com. 28. ob vteri duri-  
tiem, aut denſitatem, vel ob Vaſorum anguſtiam, aut  
intemperiem, vel ob materiæ craſſitiem, aut lentorem,  
eiuſdemque paucitatem ob nimiam exercitationem, aut  
victum tenuem menſtrua ſupprimantur, vel vt Hip-  
pocrates monet lib. prim. de morb. mul. n. 3. & alibi,  
ob vteri diſtortionem, eiꝯ cervicem extra pudendum ſi-  
tam, aut eiꝯdem pudendi partis contractionem, alia  
ſumenda medicamenta, quæ duritiem emollire, angu-  
ſtias dilatare, vterum reponere, humores craſſos incide-  
re, & attenuare, & ſanguinis inopiam reparare ſint ap-  
tè nata, & ita non poterit habere locum hirudinum  
appoſitio, ſicut nec habet in talis, ſeu poplitibus vena-  
rum incifio, cum neutra prædictis indicationibus vale-  
at ſatisfacere;

Nec ideo tamen culpandæ hirudines ſunt, ac reicien-  
dæ, vt fuit nonnullorum opinio, cum enim earum  
munus ſit ſanguinem educere, & ſic plenitudinem uni-  
verſalem, aut particularem primò imminuere, deinde  
etiam prout diuerſis partibus affiguntur reuellere, ac de-  
riuare, vltra prædictos effectus non debet extendi earum  
uſus, hoc enim eſſet earum vires dilatare velle ad ea, ad  
quæ

15

que natæ non sunt, quod ab Hippocrate damnatur lib. de arte num. 13. dicente, *Si quis ab Arte potentiam in ea qua non profitetur, aut a natura facultatem in ea ad qua nata non est exigat, is ignorat insaniam dementia potius, quam ignorantia conuenire*; quando præsertim plures remaneant causæ, quas oppugnare hirudines strenuè valent, & inde desumptæ indicationes, quas rectè adimplere, suppressæque hoc pacto euacuationes euocando morbos auertere, hirudines sunt aptissimæ.

His præhabitis, earum Appositionē rationibus firmare aggredior, et Argumētis pro earum tutela pugnare;

Quorum primum est, Ob nimiam sanguinis copiam in utero, ac eius venis congestam supprimuntur muliebria, non valente eodem sanguine præ multitudine exire, vt in vase nimium liquore pleno euenire conspicitur; Ergo illo vtendum præsidio, quod vterum deplere, & exuperantem sanguinis copiam potens est educere; Huiusmodi hirudines sunt internæ parti vteri affixæ, Ergo hirudines internæ parti vteri sunt affigendæ.

Antecædens est Hippocratis lib. de loc. in homine num. 60. dicentis, *Vbi verò vteri impleti intumuerint nihil fluit, & pleni sunt*; Consequens ex methodo medendi ellicitur, & habetur expressum libro eodem hisce verbis, *Sed si humore pleni vteri, osculum tumidum habuerint, & non fluxerint fluxionem facere oportet, & subdititijs pharmacis sanare*. Vbi notandum obiter, Hippocratem dum Subdititijs pharmacis rem peragendam consulit, per vteri venas demendam plenitudinem faciendamque euacuationem manifestè asseuerare.

Sub-



Subsumptum res ipsa probat, & experientia, & Principum confirmat Medicorum auctoritas, qua constat hirudines venas morſu aperire, ſanguinem ſuggendo attrahere, & è corpore educere, ſicque plenitudinem vniuerſalem, & particularem prout diuerſis partibus apponuntur imminuere, atque exhaurire; ita legimus apud Galenum de Hirudinibus cap. prim. Auicennam lib. prim. ſen. 4. cap. 22. Actium tetrabili 4 ſerm. 4. c. 63. Actuarium lib. 3. meth. c. 3. & Aretæum lib. 2. acutorum c. 6. Quod & recentiores declarant, Fernellius ſcilicet lib. 2. meth. med. cap. 19. Mercatus libr. pri. de indicat. med. c. 4. Cappiuaccius lib. 6. ſuæ practicæ cap. 23. vt Augenum lib. 10. de Sang. miſſ. Sennertum lib. 5. Inſtitutionem, & Alios plurimos omittam; Quod pariter in vtero ſucceſſurum, ſi eidem apponantur hirudines, certo certius exiſtit, quum præſertim ea pars tenella ſit, ac ideò poſſit hirudo triſidum vulnus in ea facilius imprimere, vt Fernellius in mollioribus, & tenellis partibus fieri obſeruat, & ita copioſius ſanguinem haurire.

Secundum vero. A copia eadem Sanguinis comprimitur vterus, eius obſtruuntur meatus, & ita conſue- ta ceſſat muliebrium euacuatio Ergo hirudines quibus talis demitur plenitudo in uſum ducendæ;

Antecædens eſt Galeni lib. 5. aphoriſm. com. 57. & a Mercato exponitur lib. prim. de morb. mulier. cap. 9. dicente, ſanguinis multitudinem meatus vteri obſtrui- re, diſtendere, & grauare, vt comprimi ad expulſio- nem non poſſit; Conſequens ex allatis eſt notū Ergo &c.

Ter-

87

Tertium, Sanguine in aliam partem fluente, ad ali-  
um locum conuerso supprimuntur lochia non minus,  
quam menstrua, Ergo sanguis ad vterum ducendus, &  
reuocandus. Id præstant affixæ hirudines, Ergo hiru-  
dines affigendæ.

Antecedens est Hippocratis lib. de Virginum mor-  
bis num. 10. Galeni lib. 3. de Simpr. caus. cap. 4. &  
probatu euentu, dum quotidie obseruatur in puerpe-  
ris, sanguine refluyente ad mammas pro lactis genera-  
tione lochiorum imminui excretionem, Consequens  
ex legibus Medicis est euidens.

Quod autem hirudines sanguinem ducant, & reuo-  
cent ad vterum (quod est subsumptum) ita euidens  
est, vt non possit negari, cum omnibus in confesso sit,  
& supra allati Auctores abundè testentur, hirudines  
veluti cucurbitulas humores attrahere, tanquã siphon-  
ibus earum succtu sanguinem exhauriri.

Quartum. Quies, & immobilitas sanguinis in cau-  
sa existunt mensuum suppressionis, cum ad eorum  
euacuationem Hippocratis testimonio lib. de natura  
pueri num. 6. sit necessaria sanguinis turbatio, &  
motus, vt etiam lib. prim. de morbis mulierum aper-  
te docet, igitur sanguis mouendus, concitandus. Id  
præstant hirudines suo succtu, vt iam est euidens, Ergo  
hirudines vtero apponendæ, in vsum ducendæ.

Quintum, menses mouere nihil aliud est Auicena  
Auctore lib. tertio fen. 2 v. tr. 4. c. 28. quã sanguinem  
cum fortitudine ad menstrua euocare, quod, & à Gal.  
probatu lib. de sanguinis miss. & à recentioribus con-

D

firma-



firmatur Fernellio, Mercato, Sennerto, & alijs, ubi de vena secanda agunt in mensium suppressione. Ergo hirudines vtero appositas, quæ non minus quam cucurbitule iuxta Aetij, Fernelij, Cappiuaccei, & ceterorum sententiam, trahunt ad eam partem sanguinem cui applicantur, immò profundius extrahunt, vt placet Auuicena, libr. prim. alibi adducto, menses absolute mouere statuendum est, & per consequens in eorum suppressione meritò adhibendæ.

Sextum. Quando educendi è corpore humores, per ea loca ducendi sunt, ad quæ natura vergit, dummodo conuenientia, iuxta Hippocratis decretum lib. prim. Aph. aph. 21. Ergo muliebria quando subducenda, per vterum, locum conuenientem, & à natura destinatum sunt educenda; Id præstant optimè hirudines appositæ, vt ex dictis est euident, Ergo &c.

Septimum. Medicus debet semper in suis operationibus naturam rectè operantem imitari; Hæc à venis vteri per anastomosis, vt Medici plerique affirmant, menstruorum molitur euacuationem; Ergo Medicus eodem plane modo menstruum retentum sanguinem debet euacuare; Præstabit id optimè hirudinibus vtero affixis, quæ ora venarum aperiuunt, vt Cappiuaccius, & Sennertus obseruant locis citatis; Ergo illis debet vti Medicus in menstruo retento sanguine euacuando.

Octauum. Quando pars aliqua corporis malè afficitur, ita vt indigeat euacuatione, à parte affecta, præmissis vniuersalibus, si opus sit, facienda euacuatio, Ergo

19  
Ergo vtero malè affecto oblochiorum, vel mensum retentionem ab ipso euacuandum, Id præstant affixæ hirudines, Ergo &c.

Antecedens probatur Hippocratis auctoritate libr. de loc. in hom. Galeni locis infra adducendis in responsione ad argumenta opposita, et vniuersaliter omnium Medicorum consensu, qui in Phernitide, Angina, Ischiade, & alijs affectionibus à vena ischiadica, sub lingua, in fronte, & alijs partibus sic sanguinem exhauriunt, Quod et expressit Fernellius libr. 2. meth. cap. 19 vbi scriptum reliquit, *Quum sanguis aliqua in parte inhaesit, ita ut, nec secta vena, nec medicatione reuelli possit, ab ea potissimum parte, quæ offenditur educendus est remedijs, quæ eidem ipsi parti liberandæ insi- deant.*

Consequens omni caret difficultate.

Subsumptum est Galeni libr. de cucurbit. & scarificatione cap. 22. dicentis. *Hirudines locis affectis applicantur, vel eis qui proximi non pinguibus sunt, & confirmatur ab Auctoribus sæpius citatis, qui ad euacuandas partes affectas hirudinibus vtuntur.* Ita Fernellius loco prædicto subdens, *Eiusmodi sunt hirudo, scarificatio, & cucurbitula, quæ à parte iam laesa sanguinem manifestè exhauriunt,* Ita Capiuaccius in tractatu de febribus de usu hirudinum asserens *ratione partis si applicentur, & varie sunt partes replete, ita varijs partibus applicande.* Sic Mercatus libr. 1. de indic. med. cap. 3. diuersis partibus in diuersis affectionibus apponens, *Quemadmodum Augenius de sang. miss. libr. 10. cap. 7. ex propria*



& aliorum sententia, Saxonia de feb. cap. 15. & Perdulcis Ther. lib. 5. cap. 7. vt Zacut. & reliquos simileam, qui etiam buboni, & Antraci in peste prodeuntibus maxima cum ægrotantium vtilitate eas affigunt. Ergo &c.

Auctoritate tandem Principum Medicorum hirudinum vallatur actio tali pacto. Venarum vteri aperitio, & per easdem menstrui sanguinis, & puerperij extractio Hippocr. & Gal. & Principum Medicorum doctrinæ consona est, ab eis fuit imperata, & in vsum ducta; Ergo hirudinum appositio, quæ mediante ea rectè, et commodè perficiuntur, veluti Principum Medicorum doctrinæ consona admittenda est, & in praxi vsurpanda.

Antecedens Hippocr. auctoritate primùm demonstratur, eius namque opera euoluentibus manifestum apparet, in puerperij, et mensium suppressione, quando sanguinis retenti euacuationem moliri habuit in animo, & menstruas purgationes suppressas euocare, neglecta venarum in talis sectione à Galeno, & alijs adeò celebrata, ad aperiendas vteri venas, & per easdem sanguinem educendum se conuertisse; Cognouit enim illam esse potius ab vtero diuersionem, quam per vterum veram, atque legitimam euacuationem, quæ supplet quidem menstruorum defectui, at menstrua per vterum non prouocat; quod tamen vt magis pateat animaduertendum,

Vel numquam, vel rarò admodum sectione venarum in talis in muliebrium retentione vsum fuisse, & quan-

quando venas inferiores secari iussit, non ad euacuationem suppressę euacuationis, sed ad materię retentionem extra uterum peccantis euacuationem, cuius expurgatio per aliam viam commodius fieri haud potest, seu ad morbum magnum ex ea iam genitum respexisse; cum enim materia in ijs casibus citò petat educi, morbusque magnus celerimum, ac presentaneum postulet auxilium, illi euacuationi, quam aliàs subditijs medicamentis per venas uteri moliri consuevit, & non nisi longo temporis spatio perfici potest, locum non relinquunt;

Hac ratione libro primo de morbis mulierum, numero 66. in puerperij retentione, Vbi humor non euacuatus per corpus diffusus morbum constituit summo periculo plenum, & qui mortem mulieri portendat, & ad venę sectionem, & ad purgationem confugiendum consulit; *nam si plethora adsit vena, ait, procul dubio secanda, si cachochymia, pharmaco purgandum; & lib. de Virginum morbis, tunc solum detrahendum sanguinem, inquit quando non habens effluxum præ multitudine resilit ad cor, & ad septum transversum, quę cum repleta fuerint cor fatuum fit, & cæterę emergunt affectiones ibidem enarata; Secus procurandum esse ut apertis proprijs vijs exeat per uterum, vel ex eo deducitur, quod Virgines quam citissimè viris cohabitare iubeat; ita lib. 2. de morb. popul. Stimargi Ancillam, cui ex conuersione osculorum uteri suppressa fuerant lochia, vena iuxta malleolum incisa à morbo liberauit, sanguinis videlicet multitudine, ut animaduertit*



duertit Gal. lib. de venæ sect. aduers. Erasist. & lib. de rig. cap. 50. (quæ omnium malorum fons, & origo erat) euacuata.

Verum vbi de suppressis vteri purgationibus euocandis, ex professo egit, & morbis, qui ex earum retentione oriri solent occurrere habuit in animo, neque adfuit vrgens affectio ex immodica venarum repletionē subito tollenda, omīssa venarum sectione in talis, seu poplitibus, detractionem sanguinis ab vtero venis eius apertis, aut exesis imperasse, ita euidentis est, & mirum videatur, quomodo Medici Hippocratis doctrinam profitentes illam oscitanter negligant, & Galenum secuti semper in talis, seu poplitibus venā percutiunt, nunquam ab ipso vtero, parte affecta, & loco conuenienti tentata euacuatione; cum tamen Di-  
 Ctator summus illam passim suadeat, vbique extollat, & imperet, in lib. siquidem de nat. mul. vt inde exordiar num. 20. si menses omnino non fiant, inquit, siquidem præ dolore id contingat. primum ventrem infra purgato, deinde medicamentum à quo sanguis ab vtero expurgetur apponito; num. 33. si os Vterorum claudatur spissum sit velut grossus ficus etc. & menses occultantur, & genituram non suscipit; quum sic habuerit pharmacum deorsum purgans bibendum dato &c. quum uicem molle factum fuerit, ea, quæ sanguinem purgant apponito; num. 36. si sanguinis grummi in vtero coierint, os ipsorum velut cruo plenum sit, & si attingas ita habere deprehendes, & menses non fiunt &c. quum igitur ita habuerit corticem tritumini detrahito, & salem, & allium, & sioum, et mellis parum-

iparum terito, ac permisceto, & glandulam hinc efformatum ad uterum os apponito, & alia uteris convenientia & medicamenta addito, & subdito, que videlicet acia sunt, & erodunt, & à quibus sanguis purgatur. libr. autem prim. de morb. mulierum. num. 10. quum menses fuerint occultati dolor habebit inura ventrem, &c. primum igitur ventrem purgare oportet sursum, ac deorsum, deinde uteros subditio medicamento à quo sanguis purgatur.

Num. deinde 8. de puerperis incipit verba facere, et varias earum recenset affectiones ex suppræssis lochijs ortas, cumque multa proponat medicamenta, ne verbum quidem habet de venarum sectione, sed subditicia acia sanguinem educantia adhiberi iubet, et libro tandem 2. nec non de sterilibus eadem habet, quæ omnia recensere, in longum nimis pro traheret orationem.

Secundò Galeni, qui per uteri venas corpus etiam uniuersum euacuari docuit. lib. 9. meth. cap. 5. et medicamenta ad id præstandum apta descripsit, et eam facultatem illis assignauit, lib. etenim 6. de morb. popul. com. 10. num. 4. exasperantia enumerans medicamenta, eiusmodi sunt, inquit, Pelsi per sanguifluas venas purgationes proritantes, & lib. 3. de simp. medic. fac. cap. 20. medicamenta quibus pelsi efformantur ad menses mouendos, facultate agere attractoria, et purgatoria scribit; nec obstat quod ijs neglectis venas in talis ut plurimum aperiendas iusserit, illud enim ideo ab eo factum fuisse censendum est, quod



quod eo modo, & ijs medicamentis à venis vteri  
 opratam sanguinis copiam educi non potuisse fuerit ar-  
 bitratus, vnde ad alias pertundendas venas animum  
 applicuit, idque in cruribus præstandum docuit, quia  
 proximiores, aut maiorem habentes cum vtero com-  
 municationem haud cognouit, vteri namque venas  
 aperiendas profectò iussisset, si modum, & instru-  
 mentum aptum, & idoneum magis animaduertisset.  
 Cognouit quippe differentiam inter deriuationem, &  
 riuationem, vt videre est de deriuatione cap. 18. vbi  
 scribit, *quod riuare est per riuos ducere, deriuare, ad late-  
 ra diuertere;*

Et insuper quod ad hoc, vt non solùm vterus à men-  
 struali materia retenta exinanatur, sed menstrua  
 quoque verè per legitima loca, per vterum scilicet,  
 prouocari dicantur, riuandam esse materiam, non de-  
 riuandam, idque per proprias vteri, non autem per  
 laterales venas. ex quo patet Galenum non latuisse  
 remedium, sed remedij materiam peroptasse.

Tertiò Auuicennæ, quod enim idem senserit Arabū  
 Princeps manifestè habetur expressum lib. 3. tract. 4.  
 fen. 21. cap. 28. vbi factis alijs euacuationibus sup-  
 positoria acria proponit, erodentia, & sanguinem  
 proritantia.

Quartò Pauli, & Actij, quorum non absimilem  
 fuisse sententiam patet apertissimè apud Paulum lib.  
 3. cap. 61. & apud Actium tetrah. 4. serm. 4. cap. 59.  
 et 63. vbi etiam noto, quod hirudines post cucurbitulas  
 scarificatas pectini, & inguinibus imperat apponi non  
 ausus

25

ausus vtero affigere, cum tamen per ea loca factam su-  
ctu hirudinum sanguinis euacuationem vtilissimam  
agnosceret.

Ex his, vt alios antiquos, & receniores præteream,  
venarum vteri aperitionem, & per easdem sanguinis  
eductionem Principum medicorum doctrine consonã  
esse, ab illis fuisse probatam, ac celebratam, sat arbitror  
ellucescere. Sed vt hirudinum præstantia magis efful-  
geat, quibus medicamentis id præstare consueuerint,  
considerandum; Multa ea fuisse, tum simplicia, tum  
composita, calida, vt plurimum, erodentia, ex-  
ulcerantia, ac etiam venenata ex Colocynthide, Elle-  
boro, Scylla, Succo Titimalli, Cantharidibus, et Bu-  
præstis in eorum monumentis legimus, subdititia ex  
Cantharidibus proponit multis in locis Hippocrates,  
& præsertim lib. de natura mulier. num. 2. 18. et 29.  
Vbi hæc apposititia acria sanguinem ducentia scriptis  
prodit, *Cantharides quinque thurri, & myrrhæ admisce-  
to, & glandulam longam magnitudine gallæ efformato, &  
lana obuolutam linteo albo circumdato &c. aliud; bupre-  
stem si parua fuerit totam, si magna dimidiam ad prædi-  
cta admisceto;* eodem pariter in loco Titimalli suc-  
co, et radice Scyllæ vitur; Primo de morb. mul. lib-  
ro num. 100. ad menses promouendos multa pariter  
profert, & subdititia ad sanguinem educendum  
huiusmodi parat, *Cantharides quinque demptis pedibus,  
& capitibus, & myrrham, & thus simul misceto, &  
mel addito, deinde in oleum rosaceum, aut ægyptium tinge,  
& hoc per noctem apponat, & Vbi mordet tollat amplius*

E

sub-



subiungit ibidem, *conducit, & buprestis siquidem parua fuerit sine alis, & pedibus, & capite, si verò magna fuerit non commisceto ea, quæ cantharidibus, sed solam sumito, & similiter apponito*; His, et similibus vsi fuerunt ceteri Medici ad venas vteri aperiendas, vt sanguini pateret exitus; quibus animaduersis pro hirudinū tutela vallidissimum, ni fallor, construitur argumentum in hunc modum.

In omni medica actione illud semper eligendum medicamentum, quod tutius, citius, atque iucundius operatā perficit operationem; huiusmodi hirudines sunt respectu cæterorum in extraendo sanguinem à venis vteri; ergo relictis alijs, hirudines sunt eligendæ, & omnibus præferendæ.

Maior propositio ita euidens est, ut non indigeat probatione, illud enim omnibus in confesso est Medicum suum rectè, atque perfectè munus obire, qui tutò, citò, et iucundè perficit curationem, vt eleganter suo more exponit Hecurnius lib. 12. Insti. cap. 3.

Minor per partium diuisionem probatur, et primò Quod hirudines iucundius venas vteri aperiunt, et sanguinem educant, quam cetera omnia ab Hippo. et reliquis proposita, et descripta medicamenta adeò certū est, vt de eo dubitare sit ipsum sensum negare; quamuis enim dum ore suo tricuspile vulnus infligunt, et oscula venarum aperiunt, aliquem, et ipsæ exhibeant doloris sensum, tamē, et leuissimus est, et breui euanescit, quem admodum affirmant Cappiuacc. et Senert. locis adductis, dicentes *minori cum molestia euacuare, quam cucur-*

*bitis*

*bitulas*, nec non Claudinus lib. pri. de Ingres. ad infirmos cap. 5. asserens; *sine molestia sanguinem educere, ad differentiã cucurbitularum, quæ cum aliquo dolore, et cruciatu, et vno ore mulieres testatur, quæ hirudines vtero appositæ iam fuerunt expertæ: et eò magis si cum doloribus, & cruciatibus, quos erodentia, & exulcerantia medicamenta, præcipuè ex cantharidibus parata, solent inferre, fiat comparatio, qui sanè, & diuturniores sunt, cum non nisi longo temporis spatio suum opus perficiant, ut ex Hippocrate cõstat, qui vel per diem ac noctẽ ea relinquenda in vtero esse monet, & multò intensiores ac seuiore, vt assiduis gemitibus, & querellis testantur Aegri quibus vel partib<sup>9</sup> externis non adeò exquisito sensu predictis ea apponuntur, qui se dilaniari, adurri, & veluti purgatorio igne torqueri assiduè clamitant.*

Quod autẽ citius, res ipsa manifestè testatur, sanguinẽ enim hirudines illicò attrahere, & veluti Siphonibus suctu exhaurire intuentibus illucescit, ita vt vnus, vel alterius horẽ spatio optata sanguinis quantitas possit educi, præsertim si calida, & apta fomenta adhibeantur, aut alia medicamenta quæ præcipit Oribas. lib. 7. collect. c. 17. quemadmodũ vbi apponuntur sedalibus venis fieri solet; hoc etenim modo Iuenculæ ob suppressas mēstruas euacuationes malè habenti breuissimo temporis spatio sanguinem ad lib. vnã, & amplius extractum vidi, quo postea tota diẽ, et sequenti nocte sensim extillante ab vtero, ut in consueta naturali euacuatione fieri consuevit, eius euacuationis ope ab omnibus affectionibus prauis, quibus premebatur libera euasit.



Cum pessière contrà, Virginibus etiã incongrui, vel ab-  
erodentibus, & exulcerantibus parati medicamentis  
tardè, & segnitèr admodum suum opus perficiant,  
adeò vt per multum tempus in vtero sint relinquen-  
di, vt ex Hippocrate nupèr asseribamus.

Quod deniquè tutius, si cum prædictis conferantur  
medicamentis, certius adhuc existit, nullam enim ma-  
lam inferunt, aut imprimunt qualitatem, si rectè para-  
tæ sint, et ritè expurgatæ, vt Augenius, et Claudinus  
locis citatis, et cæteri Medici, confutatis antiquorum  
sententijs, tenent; non exulcerant, non inflàmant, nec  
alia praua Simptiomata inducunt, vnde cuilibet cor-  
poris parti applicari posse, et omnibus mèbris, capiti,  
faciei, naso, linguæ, renibus, et intestinis affirmant Ac-  
tuarius lib. 3. meth. cap. 3. Augenius lib. 10. de sang.  
miss. cap. 7. Mercatus lib. prim. de Indi. medi. cap. 3.  
Zacut. lib. prim. de medico. Princip. histo. histo. 4.  
alijque viri doctissimi pluries adducti, tantumque a-  
best quod noceant, aut lèdant, quin potius semper pro-  
sint, eodem Actuario teste, egros subleuent, multaque  
bona producant; in cuius confirmationem illud obiter  
referam, quod narrauit mihi Mulier, cui primũ meo  
iussu fuerunt appositæ, falsa est illa, se non solum nul-  
lum damnum vel noxam ex illis contraxisse, verũ  
cum antea, & cum adhuc esset virgo tempore men-  
struorum doloribus, & cruciatibus circa regionem  
vteri vexari solita esset, post huius remedij vsũ om-  
nes euanuisse, adeò vt ab eo tempore consueta prospe-  
rè, absque vllò incommodo, aut prauo affectu sem-  
per

per sibi successerit muliebrium euacuatio; Cum ex aliorum è contra vehementia periculum esse inflammationum, vlcerum, ac febrium, & notum sit, & Aetius idem obseruet locis adductis.

At, non solum facta cum prædictis medicamentis hirudinum comparatione, earum vsus turior censendus est, & multò foelicioꝝ, sed absolutè omni carere noxa, & longè præstantiorem esse quocunque alio medicamento ad sanguinem ab vtero extrahendum parato, statuendum arbitror; Quod in solutione argumentorum, quæ contra easdem constructa, & alata fuerit, modò ostendere aggredior, quorum primum fuit;

Hirudines non possunt eas aperire venas, quæ sanguinem educunt menstruum, ac puerperium, cum, vt in Sectionibus anatomicis obseruatur, non eedem sint venæ, quæ nimphis proximè excurrunt, & ab hirudinibus vulnerantur, ac illæ, quæ menstrum proiciunt sanguinem, ac puerperium. Ergo inanis, & nullius ponderis est in horum suppressione ipsarum vsus.

Quod argumentum, licet prima fronte fortasse non contemnendum, nullius est roboris, cum sit ex falsis suppositis perperam concinnatum; supponit enim non posse attingere hirudines illas venas, quæ sanguinem educunt menstruum, ac puerperium, & tamen venæ ad vteri orificium, & vaginam peruenientes eedem sunt cum venis, quæ per corpus vteri excurrunt, ac disseminantur, vt probant Anatomici insignes Valuerdus, Vidus Vidius, Laurentius, Vuislingus, & Bartolinus, vbi de vteri anatome; Et autopsia, quæ

non



non potest decipere patet manifestissimè , ex duabus enim venis ad vteri corpus peruenientibus , sicut spermatica per vteri tubas Falloppianas dispegitur , atque per substantiã inter tunicam , & tunicam ferè deperditur , ita hippogastrica copiosum deferens sanguinem ad vaginam descendit , cuius rami capacitatis non exigue per eandem , etiam infrà hymen vique ad vuluæ orificium disseminantur , per quos tamquam per riuulos , vteri vena magna sanguinem fundit , & extrà mittit , vt in vtero gerentibus menstruatis liquidò apparet , & qui negāt hanc , aliam inueniant , si norint , harum venarum originem ; Quæ cum ita sint , falsum esse argumenti antecedens euidens est , vnde , & corruiit necessario consequens , & obiectio dissoluitur .

Porro , & hìc Obiter animaduertendum , ob eandem rationem neque venatum in talis , aut poplitibus sectionem , ab Aduersarijs maximè probatam , nec femorum scarificationes , in mensium suppressione fore admittendas , vnde contrà se ipsos militat argumentum ; Et ratio clarissima est , cum venas nec ipsæ aperiant muliebria deferentes , & tamen à Galeno , & alijs Medicis probantur , & admittuntur , ea solùm ratione , quod sanguinem ad Inferiores partes trahendo , ducant fortassè ad vterum ; Quod sanè multò felicius præstant affixæ hirudines ; sectio namque venarum in talis , seu poplitibus attrahit quidem sanguinem ad partes infernas , sed non minus ad anī venas quam ad vterum ; Quare Gal. lib. de sang. miss. & alibi easdem secari iubet , quando hæmmorroides velimus

limus prouocare ; at hirudines vtero appositas recto ducere tramite sanguinem ad eam partem nemo non videt, ideòque hac etiam solum ratione prædictæ indicationi melius satisfacere, longèque vtiliorem censendum esse earum vsum, nullus ibit inficias.

Omitto, quod, dato etiam non attingere hirudines illas venas, quæ menstruum deferunt sanguinem, ac puerperiū, quod tamen falsum esse ex dictis constat, illas tamè aperiunt, quæ eisdem proximiores sunt, et cum ipsis cōmunicantes, et illud est quod præcipit Galenus lib. de Sanguinis mis. cap. 19. dicens *si nequeat fieri euacuatio ab affectis partibus fiat ex vicinis, & paulò infra, euacuabitur porro quòd parti infixum est optimè per venas coniunctas cum ijs, quæ in partibus sitæ sunt, & lib. 4. meth. med. cap. 6. de sent. Hippocratis materiam fixam in laborante particula vel educendam ab ipsa, vel à maximè vicina, & tandem lib. de rigore quod si affecta parti succurrendum sit, vena, quæ cum affecta parte communicant sunt incidende.*

Erat huiusmodi secundum ; vel corpus ægrotantis est pletoricum, vel cachochymum, vel medium ; In horum nullo hirudines conueniunt, Ergo &c.

Minoris propositionis singulæ confirmabantur partes ; quocirca singillatim considerandæ, & argumentum per partes dissoluendum.

Dicebatur primò, Quando corpus est pletoricum, è talo hauriendus est sanguis vel Zacuti sententia, igitur hirudines vtero affixæ hîc locum non habent.

Admitto antecedens, qui scio, ita à Galeno edo-

ctus



Etus lib. artis medicinalis cap. 95. quod si corpus vniuersum plus equo pletoricum fuerit, per patientem locum minimè euacuandum, & cōmune præceptum esse ab eodem relatum lib. 3. de locis affectis, quod in omnibus seruare oportet, *uniuersi corporis pramittendam esse euacuationem*, & lib. 4. meth. cap. 4. accusari insitiæ Tessalum, eo quod parti remedia adhibuerit, antequam totum corpus vacuum reddiderit, & ideò pletorico existente corpore ægrotantis, antequam ad vteri euacuationem per hirudines deueniatur vniuersalem plenitudinem secta vel in talis vt placuit Zacuto cum Galeno, vel in brachio, vt voluit Mercat. ex Aetij consilio, vena (vtraque enim vniuersalem plenitudinem demere est apta, eodem Gal. auctore lib. 2. acut. tex. 10. & lib. de Sanguinis miss. cap. 19.) deponere satius existimo;

Nego tamen consequens, nam vniuersæ plenitudinis leuata sarcina, ad vteri depletionem deueniendum esse, veluti ad affectam partem, & docet methodus, & à Gal. declaratur lib. artis medicinalis vbi legitur *uniuersali euacuata plenitudine*, id ipsum quod reliquum est per patientem locum euacuandum; Quod cum præstare valeant omnium optimè hirudines appositæ in nostro casu, eas in supressis menstruis, & puerperio, etiam pletorico existente corpore, locum habere, liquidò constat; ea tantum lege seruata, quod plenitudo vniuersalis per sectam venam prius minuat, deinde affixis hirudinibus vterus euacuetur.

Secundò, Cachochymum corpus medicamento est expur-

expurgandum iuxta Hippocratis, & Galeni placitum  
sect. 5. aphorif. tex. 36. & alibi, Ergo.

Verum hoc antecedens, & si posset admitti, & ita  
concedere in corpore cachochymo non habere locum  
sanguinis missionem, & quod consequens est hirudi-  
num appositionem, vt supra fuit obiter datum; tamen  
cum non sit perpetuò verum, quamuis ex Hippocratis,  
& Galeni doctrina desumptum videatur, libet in præ-  
senti illud negare, & ita hanc etiam argumenti par-  
tem infringere, ac debellare.

Negationis autem ratio ex eo deducitur, quod licet  
verum sit in cacoehymia conueniens esse præsidium  
purgationem, multoties tamen etiam expedit sangui-  
nem mittere, quādo videlicet ex aliqua suppressa men-  
sium, vel hæmorrhoidū euacuatione originem ducat,  
ita docet Hippocrates lib. 4. acutorum tex. 111. vbi  
de anasarca inquires, *si difficulter spirauerit, fuerit an-  
ni tempus æstiuum, vigeat ætas &c. sanguinem è brachio tol-  
les*, Cuius sententiam illustrans eius interpres Gal. in  
comm. subdit *nempe hic solus quum incipit eget interdum  
sanguinis detractiōe, quum scilicet ex retentione hæmmor-  
rhoidum, vel muliebrium, vel ex quappiam pletorica cau-  
sa inceperit*, Ad quæ deinde respiciens lib. de venæ se-  
ctione aduersus Erasistratum scriptum reliquit, *Ego  
autem non solum hæc, sed etiam spasmus, hydropemque san-  
guinis euacuatione sæpius sum medicatus*. Idem affirmat  
Auiicena lib. 3. fen. 14. tr. 4. cap. 12. de cura cache-  
xiæ, *fugiendam esse*, dicens, *quantum possibile est phle-  
botomiam, sed si fuerit necessaria propter repletionem sangui-*  
nis



*nis aude super eam cum timore, & paulò post, & quum plus necessaria est Phlebotomia est quãdo causa est ex retentione sanguinis vel hæmmorrhoidum, vel menstrui. Idem fatentur Paulus lib. 3. cap. 47. Celsus lib. 2. cap. 9. Alijque Viri doctissimi, & apud saniores Medicos hodiè non controuertitur, vt videre est apud practicos, & Io: Baptistam Magatum lib. prim. considerationum medicarum de hoc argumento doctissimè disputantem;*

Ex quibus, pro negatione oppositi argumenti breuiter expositis, vallidissimum eruitur pro hirudinibus in hunc modum; In cacochymia, in qua aliàs non videtur conuenire sanguinis extractio, tunc tamen conuenit, quando suppressa est mensium euacuatio; Igitur ea sanguinis missio celebranda, quæ menstruæ euacuationis defectum valet supplere, & vterum à quo retentus sanguis resiliens ad venas, & iecur calorem natium obruit, & opprimit, vnde cachexia, deplere, & expurgare; huiusmodi ea est, quæ per hirudines habetur vtero affixas, Igitur in Cachochochymia aliquando etiam possunt habere locum hirudines vtero appositæ; Pro cuius confirmatione, liceat mihi casum referre memoria non indignum, Laborabat mense Decembri anni 1659. D. Patientia N.N. Ebrei Guastallensis vxor ætatis annorum xxxiiij. temperamenti pituitosi, cachexia ex mensium suppressione oborta, Quattuor erant menses elapsi, ex quo purgatio consueta fuerat omninò retenta, intumuerunt pedes primùm, mox crura, & coxæ, tandemque manus,

nus, & facies, & malo adeò corporis habitu, & colore erat deturpata, vt in leucophlegmatiam, iam lapsa iudicaretur; accersitus ab eius viro, curationem in casu difficilimo, media licèt hyeme frigidissima, aggredior, medicamentis corpus expurgo, alterantia, deobstruentia, & corroborantia ex arte præscribo, sed perseuerante morbo à calidis vaporibus ab imo ventre, vt aiebat, ascendentibus, cum caput infestaretur, venam in talo aperiri iubeo; pertentat Chyrurgus, sed frustrà, adeò enim tumefacti erant pedes, vt vena non potuerit attingi; duas ergo hirudines filo more solito appensas vtero apponi iubeo, ex quibus sufficienti sanguinis educta quantitate, melius cepit habere, & tandem alijs præscriptis medicamentis perfectè sanata fuit.

Tertiò, mediũ corpus vocatur, quod descripsit Galenus lib. 6. epidem. sect. 3. com. 29. mulieris illius, quæ per octo menses purgationis menstruæ suppressione laborabat, & erat extenuatissima, & habitus melancholici, & cum in eo casu missus fuerit sanguis è talo, vt Galenus testatur, in corpore medio hoc modo, non hirudinibus hauriendum esse sanguinem inde deducitur.

Huic respondetur, medium corpus perperam vocari illud mulieris à Galeno descriptę, quam melancholica cacochymia laborasse ex suppressis mensibus orta potius statuendum, referente Galeno quod *eminebant ipsius venæ sanguinis plene, colore liuide, rescissoque Vasculo liquida pici, colore, & crassitudine similem san-*



*guinem emanasse.* Quo in casu, *cacochymia* videlicet præsertim *melancolica* venas occupante, venarum sectione, quæ illam auferre valet rectè vsum fuisse Galenum, docent adducti Auctores, vbi de *cacochymia*, & factum ab Hippo. legimus lib. 5. epid. in viro in Oeniadis; quare nihil descripta mulier ad argumentum.

Per medium etenim corpus illud potius intelligendum, in quo non boni tantum, aut prauī exuperant succi, sed in quo prauī simul, & boni abundant, & vel *pletoriam*, vel *cacochymiam* à recentioribus notam appellatam constituunt, quo in statu ad euocandos menses, aut puerperium venarum inferiorum sectionem nihil conferre, hirudinum autem appositionem quam maximè prodesse considerantibus fiet manifestum;

Quomodo enim fieri potest, vt puerperium, & menses trahat ad vterum, vt sanguinem in eo præexistentem protrudant, quo pacto menstruas purgationes procedere ex Hippocrate ostensum est, venarum in cruribus incisio, quæ ab vtero deriuat Galeni testimonio lib. 2. de arte curat ad clauconum cap. 2? qui ob eam rationem in vtero inflammationem patiente easdem secari iussit lib. 13. meth. cap. 11. sunt enim diuersæ operationes, & contrarij motus riuare ad vterum, & ab vtero deriuare, trahere ad vterum sanguinem, & illum ab vtero auertere. Riuare enim ipso Gal. auct. lib. de deriu. c. 18. superius adducto est per riuos ducere, deriuare vero à riuīs ad latera diuertere,

tere, nihil autem aliud est menses mouere, quam sanguinem ad uterum riuare, & trahere, & repleri uteri venas; Deriuare verò ab utero retrahere, & inanire eius venas, non per ipsum uterū, sed per scissam venā, & ut idem exponit lib. 5. meth. cap. 3. et alibi, ab utero auertere, cum deriuatio sit auersio ad proxima, non attractio ad partem, ut modò dicebatur.

Quod, idem demonstratur anatome, qua ostenditur quomodo à vena caua, et uteri, & crurum venę diducantur, & quomodo inter se coeant.

Et hinc resultat non leuis difficultas, & contradictio in Galeni dictis, & error fortasse grauior in medicina exercenda, cum omnes ferè Medici Galeni precepto nimis obstinatè addicti semper in mensium suppressione venas in talis fecent, quod quam absurdum sit, à ratione alienum, & egrotantibus foeminis nocuum, patet considerantibus.

Ab ijs, ut se se expedirent Iacchinus, & Mercatus viri doctissimi, hæc scriptis mandarunt, *negari igitur nequit, ita Iacchinus loquitur com. in 9. Ras. cap. 66. quin venæ tali sectæ sanguinem à supernis ad inferna conuertant, & trahant, sed non magis ad uterum, quam ad sedis venas, ut & Gal. docuit cum dixit libro de venę sectione, si prouocare hæmmorhoides voles crurum venas secabis, sed ad crura potius deducant vacui ratione, quam ad uterum; hinc fit, ut in corpore pleno aliquid promouere possint ad venas uteri replendas, at ubi non multus sit sanguis, fortè cohibebunt, quod & apertè experientia*



*tia monstrat. Aliquando enim vidimus cum cepissent secunda vena cohiberi, aliquando verò promoueri; cur igitur hic secantur ad promouendum? an quia obstructione liberant? Unde ex accidenti saltem iuuabunt, tametsi per se trahendo non iuuent, & euacuando ab utero.*

Quibus prorsus similia sunt, quæ habet Mercatus lib. prim. de morb. mul. cap. 9. vnde videtur alter ab altero transcripsisse; an autem prædictas difficultates, & contradictiones ita euadant, & proprium sensum fat explicant, sapientum virorum iudicio decernendum relinquo, ego enim, vt ingenuè fatear, non possum aquiescere; nec multum difficilè agnosco in eorum dictis inuenire contradictiones, ne dicam in medendo errata; quomodo namque potuerit Iacchinus recta seruata meth. in mensium suppressione eo vti præsidio, quod per accidens iuuat, & per se non iuuat, sed potius obest, mente assequi nequeo.

Sed quidquid sit de hoc, exdictis pro mea sententia colligo, vel non conuenire uenarum inferiorum sectiones pro euocandis uteri purgationibus, eo quod ab utero deriuent, uel conuenire solum iuxta earum fautorum sententias, dum copiosior est sanguis, quod idem est ac dicere, dum corpus est pletoricum, ac ideò in casu nostro corpore medio modo se habente, nihil conferre, quinimmo pauco existente in corpore sanguine incipientem alioquin excretionem deriuando suppressere, & ita maximè laedere.

At non solum in corpore medio, sed in quocunq; si Martiano Hippocretis interpreti solertissimo fides habenda.

habenda. Dicebat ille in comm. lib. prim. de morb. mulier. sect. 2. vers. 279. *Verum non minus delinquant Medici, dum in suppressione menstruum venas in talo secant Galenum secuti libro de cur. rat. per sang. miss. contra summi Præceptoris institutum, qui numquam ad menses suppressos vena sectione est usus, idque summa ratione, quia cum vena sectio per se causam suppressionis non respiciat hæc frustra adhibetur, immò dempta per eam plenitudine, ac multitudine, qua vigente, ac impellente natura sponte vterum ad sanam naturam sæpe reducit, indeque via aperitur mensibus, ut apertè testatur lib. de natura pueri Eruptio difficillior redditur, & eo magis quia absque copia non fit turbatio in sanguine, à qua menstruorum periodus dependet, teste Hippocr. lib. nuper educto num. 6. quapropter venæ sectio copiam auferendo, & à partibus potissimum inferioribus, menstrua inhibere potius quam euocare potest, quod experientia ipsa manifestat nullus enim affirmabit vena in maleolis incisa per eam menses erupisse, licet sæpè obseruauerit secta in alium finem cubiti vena aliquando erupisse eadem ipsa die, & ratio est, quia per eam non statim plenitudo tollitur à partibus inferioribus, à qua menstruorum fluxus dependet, ita ut humorum agitatio ex venæ sectione eos facile concitare potuerit.*

Hæc Martianus; ex quibus nihil confere venarum inferiorum incisionem in corpore medio magis adhuc probatur; è contrà vero cum appositio hirudinum trahat ad vterum, motum conciliet sanguini, ut turbetur, & facto impetu erumpat, oscula venarum aperiat, per quæ illi pateat exitus, ut iam satis ostensum



sum est, eam in puerperij, & mensium suppressione vtilissimam esse inficiabitur nemo.

Additur præterea contra hirudines, data etiam particulari vteri pletoria, quæ sicut in ceteris partibus de facto datur, adhuc hirudines inutiles existunt, dicente magistro libro de euacuandi rat. per sanguinis miss. plenitudines omnes ex suppressis mensibus ortas per crura euacuabis, siue scarificare, siue venam secare conueniat, Ergo &c.

Sed facilis est responsio ex his, quæ superius sunt dicta, earum scil. venarum incisionem, seu scarificationem Galenum præcepisse, quia proximiores, & cum vtero magis communicantes non agnouit.

Data namque particulari vteri plenitudine, quam rectè describit Galenus 6. de morbis Vulg. com. prim. num. 20. dicens, *inter omnes corporis partes plurimas grandissimasque venas vteri habent, cumque eas aut menses, aut à partu suppressa purgamenta, aut phlegmone aliqua vtrunque orta malè accipiunt, ipsos sanguine repleri necessum est &c.* ea procul dubio tolenda; At ad illud præstandum nullum haberi posse præstantius, & aptius præsidium hirudinibus ex alatis constat; siue enim consistat sanguis in vteri venis, ab illis immediate euacuant, vt ex Anatome desumpta demonstratione fuit comprobatum, siue in vteri cavitatem collectus sit, & ibi non expellente natura quiescat immobilis, irritata hirudinum suctu eadem natura, & expultrice lacerata facultate; nouoque attracto sanguine fiet expulsio, vt autoritate Hippocratis alata ostendimus

cucini-

euenire, præsertim si alijs adhibitis medicamentis sanguis fluxibilior reddatur, vt monuit Oribasius, et viæ patentiores.

Et ad Galeni auctoritatem, plenitudines omnes ex suppressis mensibus ortas per crura euacuari, determinantem, rursus respondeo, quod si de plenitudine vniuersali corporis tollenda sermo sit, pro nunc cum Galeno non pugno, cum omnis vena sit apta illam exaurire, si de particulari in vtero existente euacuanda, pace viri clarissimi eius auctoritati non possum assentiri, aptiores namque sunt viæ euacuationi vteri venæ, vt sensus, & ratio docent, & summi Dictatoris doctrina suadet, quam in hac parte Galenus non est secutus.

Tertiò dicebatur, multis est obnoxia difficultatibus hirudinum operatio, verendum ne in vteri sinum irrumpat hirudo, aut in meatum vrinarium, hæmorrhagiam excitet, intemperiem inducat, inflammationem, tumorem Scyrrhoticum; quæ singula examinanda, & euertenda.

Conceditur quidem primò, quod si in vterum, aut meatum vrinarium ingrederetur hirudo, multa posset inferre damna, eaque grauissima; quemadmodum si in nares, aut intestina irrepserit euenisse compertum est; verum ob id nequaquam damnanda, & descenda est hæc operatio, cum neque his rationibus omittatur in naribus, & intestinis, ea enim non est hirudinum culpa, sed artificis, & ministri segniter, ac imprudenter eas adhibentis, quod si ad ministro-



rum errores esset respiciendum, cum non minus con-  
tingere possint in venę sectione, vt Hercules Saxonia  
notat tractat. de feb. cap. 25. ea pariter esset relinquen-  
da, quare dum peritus habeatur, ac solers Chirurgus,  
vel Obstetrix, aut alia mulier in operibus artis satis  
versata, hirudines filo appendantur, rectè, & atten-  
tè apponantur, vt suo loco docebitur, earū suctu, &  
motus obseruentur hæc omnia euitari pericula certò  
certiùs existit; præterquamquod, si in vterum pene-  
traret hirudo (quod tamen absit) non esset fortasse  
difficilè eam educere, eisdem medicamentis, quibus  
vel è gutture, & stomacho educi docent Dioscorides  
lib. 6 cap. 32. & Paulus ab Egina lib. 5. cap. 37. &  
ab intestinis etiam euocari Medici norunt; frustra igitur  
timetur hoc malum, quod nec ab hirudinibus per  
se dependet, & operantis artificis solercia tutò auer-  
ritur.

Quod ad hæmorrhagiam spectat, si hoc malum ab  
hirudinis in vterum ingressu quis vereatur, ex dictis  
sublatus est timor; si à suctu hirudinum respondeo,  
sanguinis vt ingenuè fatear, insignem aliquando ema-  
nasse mediante hirudinum suctione ab vtero copiam  
me obseruasse, tamen spontè etiam sua exonerata na-  
tura à copia, qua impellente fluebat, stetisse humo-  
rem, & fuisse cohibitam euacuationem animadu-  
er-  
ti; hocque periculum arceri posse, si plenitudo vni-  
uersalis quando adest, per sectam venam prius minua-  
tur, omninò censeo. Et, vel hæmorrhagia ex con-  
cursu sanguinis imminet, vel à vulneribus hirudinum,

si dicatur, quod ex sanguinis concursu deorsum impetu ad vterum attracto, idem incōmodum impendat ex sectione venarum in talis, seu poplitibus, aut appositione cucurbitularum, quæ non minus rapiunt ad inferiora sanguinem Galeni testimonio; sed nemo est qui dubitet in illis casibus, ergo nec in præsentī ambigere quispiam debet;

Si ex vulneribus, ab hæmmorrhoidibus etiam hoc nomine ableganda esset earum operatio, cum non minus negotij facessat immodica sanguinis fluxio per venas sedales, quam Galenus lib. de sang. miss. cap. 19. periculosam esse, & 4. aphorismi com. 25. nec non lib. 3. de natural. facult. cap. 28. protinus vel interrimere, vel ad cachexiam, aut hydropem perduceret statum reliquit, & tamen maxima cum ægrorum utilitate quotidie celebratur. Nam si sanguinem immodicè effundant vulnuscūla hirudinum, aptis medicamentis à Gal. et alijs præpositis possunt cohiberi, & citò consolidari; quæ eadem vterò applicari posse nemo non videt, quando in immodica menstrui, vel puerperij effusione id passim efficere in praxi soleant Medici.

Inflammationis verò, atque intemperiei nulla potest ex hirudinibus emergere suspicio, nullam enim qualitatem ex se effundunt; tantumque abest quod inflammare queant, ut Gal. et Oribasius eas frigidas statuunt, & partem cui fuerunt appositæ fouendam esse, & calefaciendam, ut frigiditas remoueatur, imparent.

G 2 Quod



Quod si dicatur, id euenire posse ob sanguinis attractionem, animaduertatur, quod modò fuit dictum, deposita videlicet vniuersali plenitudine non esse per timescendam nimiam attractionem sanguinis ad vterum, cumque, qui attrahitur (quidquid Acutor quidam somniauerit) per vulnera etiam exire, vnde non potest inducere inflammationem. Sed non veritus fuit Hippocrates Titimali succum, Cantharides, scyllam, Buprestes, ex quorum vehementia periculum esse inflammationum, vlcerum, & febrium obseruat Aetius, confirmat Mercatus, & est per se notum (tanti erat apud illum ea operatio) & nos hirudines horrebimus? Amplius non ne tumentibus, & inflammatis etiam hæmmorrhoidibus, vniuersalibus præmissis, hirudines maxima cum vtilitate apponunt Medici, vt idem Mercatus, & Sennertus affirmant? frustra igitur inflammationem ab ipsis excitari posse dubitatur.

Idem dicendum est de tumore scyrrotico, non enim tenuem tantum, ac serosum sanguinem, vt fuit Antiquorum opinio, hirudines euacuant, sed crassum, & fæculentū, eiusmodi tumorem producere aptè natum, vt Cappiuaccius, Augenius, Claudinus, & alij viri doctissimi testantur, & in praxi obseruatur.

Insuper sanguinem ad vterum confluentem ab eo pariter egredi euidens est, vnde non potest indurari, aut in trombos concrefcere, vt fuit etiam dubitatum;

Quod si de eius retrocessione, aut retentione in vteri cauitate suspicio insurgeret, fomentis aptis, &  
alijs

alijs ex Oribasij consilio, & methodo medicamentis attenuato, & fluxibiliore reddito humore, vijsque patientioribus discrimen euitabitur; & imminet hoc, non solum in hirudinum suctione, sed in quacunque sanguinis tractione ad vterum, eoque magis, si per sectam in talis venam, cucurbitulas, & alia huiusmodi praesidia fiat, quibus non aperiuntur venarum deinde oscula, ut sanguini confluxo concedatur exitus; & tamen ijs praesidijs absque vlllo discrimine Practici quot die vruntur.

Verabantur deinde, ne hirudinum operatio infecundum vterum redderet; sed qua ratione id contingere posset non explicabant; quare fictus erat timor, inanis formido. Certum est enim, quidquid nonnulli ex Antiquioribus de earum malitia scripserint, eas quibus nos vtimur, omni carere venenositate, nullamque prauam effundere qualitatem, dum proba earum facta electio fuerit, & expurgatio; sed iam experientia omnem dubitandi ansam sustulit, Mulieres enim, quibus meo consilio iam fuerunt appositae, foecundas se ostenderunt, ex eo namque tempore, quo primum haec scriptis traddidi, vsque in praesens, & masculos, & foeminas foelicissimè emisserunt in lucem.

Aiebant praeterea, si sanguis à parte affecta hauriendus, ab ilibus potius educendus, illis siquidem in partibus in antiqua menstruorum suppressione nonnumquam tumor excitatur, & panus exoritur, ut Galenus animaduertit lib. 6. de loc. aff. cap. 5. quocirca si naturam velimus imitari, & quò natura vergit eò  
duce.



ducere, iuxta Hippo. decretum inde sanguis trahendus.

Sed falsæ obiectioni, facilis est responsio; conceditur quidem medicum iubente Hippo. naturam immitari eamque omnes homines tamquam ducem, et Deam debere sequi, teste Cicerone lib. de senectute, sed rectè operantem, ut in 7. nostro argumento fuit explicatum, et idcò dum per vteri venas, vias sibi confectas, et conuenientes molitur euacuationem, et non quando in ilibus abscessu facto aberrat, et panum inducit. Quinimò si proprio muneri nequeat satisfacere auxilium à medico ferendum, et hìcque obseruandum Gal. eo loci asserere *tumorem in ilibus tunc facere naturam, quando longiori tempore supprimuntur menstrua, nullamque medicus mulieri purgationem offert*; ità admonendo Medicos, ut mensruis supprelsis mulieri purgationem adhibeat, ne fiant in ilibus affectus præter naturam tumores, & pani; Nomine autem purgationis sanguinis etiam extractio potest intelligi, iuxta Hippo. morem in lib. de morb. mulic. & hæc vel à toto facienda, vel à parte, & si à parte, ab ea profectò per quam secundum naturam procedere consuevit; eiusmodi sunt venæ vteri, non ilia, igitur non ab ilibus, sed ab vteri venis purgatio est peragenda.

Vteri tandem asseriebant sectiones numquam tentandæ, dicente Magistro loco nuper adducto, vteri sectiones maiori cum difficultate conglutinari; igitur abijciendæ hirudines, quæ vterum vulnerando secant.

At Corruit etiam facillimè postrema obiectio;  
Quem

Quem etenim latet mala quæ timet Galenus in vteri sectionibus in nostro casu locum non habere, cum hirudinum vulnera perexigua sint, sectionibus haud comparanda, & facili negotio ex se occalescentia, quod & fecisse in vtero, experientia ostendit.

Præterquam quod, & obiter sit dictum, vterus etiam tutò secari potest, vt Franciscus Rousetus, & Gaspar Bahuius de partu cæsareo ostendunt, Valleriola lib. 5. obseruationum affirmat, & Laurentius lib. 8. suæ Anatomix quest. 32. ex Pauli ab Ægina sententia scribentis *si processu temporis id vteri quod prolapsum est putredinem fuerit expertum id ipsum auferatur nullius metu periculi, etenim vulua vniuersim oblata vbi computruerat mulierem superuixisse commemorat*. His pro solutione Argumentorum quæ contra hirudinum operationem fuerunt adducta, satis, superque expositis, Reliquum est vt rectus vtendi modus, qui sparsim supra habetur, breuibus perstringatur, clarius explicet.

Vbi igitur mulier se offerat menstruorum, vel puerperij laborans suppressione, & prauis ex ea abortis affectionibus miserè conflictata, præhabita, si opus sit, totius prouidentia in lecto decumbat, ibique retractis paululum, atque diductis cruribus, supina iaceat; Mulier deinde in artis operibus satis instructa, vt solent esse Obstetrices, muliebria loca externè, atque internè optimè detergat, & abluat, omnesque sordes auferat, aqua calida, cui modicum Vini optimi addere, non erit inutile, cum vino delectentur ea animalcula; facta præterea hirudinum quæ rectè,

&



& ex arte paratæ sint, ac expurgatæ, proba ellectione, filo, nec nimis tenui, ne incidantur, nec nimis crasso, vt satis possint adstringi, illas in inferiori parte alliget, filo appendat; diductis mox, & apertis pudendi labijs, interiorē partē linco panno, vel spongiola eadem aqua imbuta fricet, ac foueat, donec quoquo pacto intumescat, atque rubescat, quo peracto hirudines iam filo appensas panno linco inuoluat, ita tamen vt caput extra emineat, & loco interiori rubicundiori reddito, & tumidiori illas vtrinque cautē, & attentē admoueat, earumque iugiter motum, & suctionem obseruet, nec illas deferat, donec vulnus inflixisse, & sanguinem exugere cepisse animaduertat; Quod si recusarent, locum prius detersum vel Aqua frigida tangat, sanguine, vel lacte, aut luto aquoso obliniat; his enim ad sugendum magis prolectantur, & facilius adherent.

Vbi adhæserint, sinantur, vt suo fungantur munere, ad quod præstandum vinculum, quo iam fuerunt adstrictæ non minimum confert, ita enim adligatæ, vt notat Vir doctissimus, arctius adherent, ictum ferociorem infligunt, & vehementius sanguinem sugunt; vt tamen promptius etiā id præstare valeant, & ne frigidior aer, sanguinis confluxum prohibeat, regenda tunc patiens, & locus vbi appositæ sunt hirudines calidus conseruandus, quod pannis lineis calidis sæpius appositis consequi licebit.

Facta suctione sanguinis, repletæ hirudines ex se spontē decident; quod si velimus eas prius retrahere,

re,

re, vel cinere, vel sale super asperso id illicò præstari vel mulierculis est notum.

Porro, cum spontè exciderint, si maiorem quantitatem sanguinis effluere velimus, quam ipsæ suxerint, dupliciter id cōmodè possumus obtinere, vel Ægram super calentem aquam iubendo insidere, ut vaporem, quo dilatantur vię, & sanguis fluxibilior redditur, vtero excipiat, eodem planè modo, quo affixis venis sedalibus hirudinibus fieri consuevit; vel, si non valeat Mulier è lecto surgere, locum lineo panno, aut spongia aqua calida imbuta sæpe, ac sæpius fouendo; ita enim optata sanguinis quantitas extrahetur.

Quo peracto, si adhuc emanare sanguinem expediat, sinendum, donec sponte sua, quod euenire solet ut plurimum, sistatur; si verò vltius non effluere Medentis consilium sit, ea apponenda medicamenta, quæ sanguinem cohibere, & vulnera consolidare sunt apta; quæ pariter, vbi copiosior sanguinis effusio immineat, in vsum ducenda; horum plurima habentur apud Auctores; in vfu frequentius sunt bolus armena, sanguis draconis, & vitriolum vstum, quod ceteris in sistendo sanguine præferendum, quæ oui albumine excepta, vel gossipio (quod solum vstū idem præstare valet) & vulnusculis hirudinum imposita sanguinem sistunt; quodsi largior sequeretur adhuc hæmorrhagia, ad alia etiam medicamenta esset deueniendum, in mensium immodico, aut puerperij fluxu proposita, & commendata. Hic modus administrandi nouum præsidium medicum, hirudi-



nes internę parti vteri admouendi.

Quarum præstantia, vt in apertum magis proferratur, præter superius relata experimenta, noua rursus adducere, nonnullasque ijs mediantibus sæuissimas depulsas affectiones expedit palàm facere; paucis tamen contentus, breuibus me expediam, quoniam Mulieres moroso, quo nescio, pudore detentę sua describi nomina recusant, ac Typis excudi.

Eddidit filium in lucem D. Io: de Carb. Vxor etatis annorum circiter 25. die 9. Martij anni 1659. Prima die, & secunda ritè expurgata fuit, mox cessauit puerperium, ac febris inuasit cū intensissimo capitis dolore, quo diū, noctūque immaniter cruciatur; accessit ad me D. Ioannes Lancius Guastallensis Chirurgus admodum peritus eius cognatus, rogauitque, vt ad eam inuisendam me conferrem, vt an hirudines, quas alijs foelicissimè meo iussu ab eius vxore in artis operibus versatissima, fuisse appositas nouerat, illi conuenirent, inspicerem, ac decernerem; ad Ægram me contuli, & cum non admodum pleno esset corporis habitu, absque alia sanguinis per venarum sectionem euacuatione, illicò quattuor, de more, hirudines internę parti vteri admoueri iussi, quibus larga facta sanguinis euacuatione, febris fuit remissa, capitis dolor euauit, & paucis exactis diebus perfectè conualuit. Adfuit operationi Obstetrix, simplex mulier, & nouum mirata remedium, animaduertant, inquit, in vteri colo esse partem, cui si adhereret hirudo malum succedet irreparabile; quid sibi

5 r

sibi voluerit igitur; opus, licet nouum, præstantis-  
simum esse scio.

Mense Septembri eiusdem anni accessit ad me quæ-  
dam Mulier, & Filiam adduxit prauo deturpatam  
colore, Dyspnæa laborantem, capitis dolore vexatam,  
leui, per interualla, cordis palpitatione afflictam, eo  
quod, vt aiebat ipsa, cum iam decimumseptimum  
attigisset annum, menses tamen adhuc non apparuis-  
sent; purgationem ex arte præscripsi, alterantia, &  
deobstruentia medicamenta, & suo tempore quat-  
tuor hirudines internæ parti vteri apponi iussi; Om-  
nia executioni mandauit, exacto que mense lætabun-  
da ad me redijt gratias plurrimas agens, quod eius  
filiam à tot ærumnis vindicasset, & pristina, vt  
subridens protulit, redonasset pulcritudine.

Luna virgo Hebræa prauo similiter fædata colore se-  
uissimo ob eandem causam dolore capitis premeba-  
tur, adeò vt consueta munia intermittere cogeretur;  
facta tamen sanguinis ab vtero hirudinibus euacua-  
tione dolor euauuit, ac melius habuit, licet intermis-  
sa purgatione, ac ceteris præscriptis medicamētis, non  
fuerit perfectè sanata.

Pulcherrimus fuit casus D. Diam. de Bon. præclare  
virginis, quæ anno 1663. mense februarij ob suppres-  
sas menstruas purgationes in melancoliam primùm,  
mox inualefcente affectu, in maniam delapsa, eos om-  
nes inuadentes patiebatur affectus, quos describit Hip-  
pocrates libello de virginum affectione. ita vt, & de-  
mones se videre assereret, & turba Adstantium igna-



ra à malo spiritu vexari constanter affirmaret. Omnia fuerunt ex arte administrata præsidia, ut à tot ærumnis vindicaretur, sanguis è crurib<sup>9</sup>, & brachio, extractus; sed omnia in cassum; fasci js tandem alligari iussi, ut quattuor hirudines internæ parti vteri de more apponerentur; omnia exequuntur non sinè magno labore assidentes mulieres, factaque hoc pacto larga admodum sanguinis ab vteri venis effusione, illicò, omnium admiratione, melius habere cæpit, ac rescipiscere, & sanguine sequentibus etiam diebus extillante, perfectè conualuit, & se deinde D. O. M. sacrauit.

Alia pariter Virgini non multò post simili affectione correptæ eodem planè modo, eademque methodo nouum præsidium adhibitum; non fuit illicò perfectè sanata, eo quod affectio altius radices egisset, & non minus ab alijs causis, naturali fauente constitutione, quam ex suppressa menstruorum euacuatione duxisset originem. mitior tamen reddita; rescipiscere aliquando visa fuit, adeò ut, vel parentum testimonio leuamen suscepisse potuerit affirmari; progressu que temporis licèt ægrius, & ipsa sanata fuit.

Formosam Mulierè D. Angel. de Bar. anno proxime elapso 1664. mortuam puellam enixam dolor capitis intensissimus suppressis lochijs tertia die à partu immaniter corripuit, cordis ita molesta accedente, ut ipsa aiebat, oppressione, ut se de repente morituram existimaret. Binæ hirudines, me imperante eius internæ parti vteri fuerunt appositæ (nam ob grauissimum

mum morbum, quo tempore gestationis fuerat vexata pauco erat sanguine referta) quarum suctu apertis uteri venis, & sanguinis, & serosę plurrimę humiditatis facta euacuatione, melius habuit; quattuor tamen exactis diebus suppressa rursus euacuatione omnia exacerbat, unde eius mater, me inscio, sola experientia edocta, idem rursus adhibuit remedium, cuius ope intermissa denuò reuocata purgatione, molestijs, vt prius, soluta tandem conualuit.

Gentilis Hebręa annorum xxx. paruum fœlici prædita valetudine elapsis mensibus dolore capitis satis molesto per multos dies fuerat oppressa, qui tempore menstruorum imminutę fluentium, magis exacerbabatur, accedente non leui spirandi difficultate, quibus tandem se adiunxit lenta febris. Vocatus ab eius viro medicamenta ex arte præscripsi, & hirudines vtero apponendas proposui, sed illas constanter renuit, asserens, se illa animalcula semper odisse, sanguinisque euacuationem è pede factam sibi profuturam quam maximę pro certo habere; secari igitur saphenam iussi; sed spem fefellit euentus; perseuerabant morbi, nihil subleuaminis. Rursus consului hirudines, & Ipsa proprijs calamitatibus tandem suasa, eas quamuis ægrę admisit, & tamen earum operatione peracta, illicò melius habere cepit, & paucis exactis diebus integrę sanitati fuit restituta.

Alias quam plures scēminas immanibus eo præsidio morbis solutas possem recensere, quoties enim datur occasio non solum à me sed ab Excellens. D.

Julio



Julio Corgo Ciuitatis Guastallę Medico doctissimo  
fœlicissimè, vt mihi sepius testatus est, in vsum du-  
citur; adeò vt Mulieres, quę ab ea operatione cane-  
peius, & angue prius abhorrebant, illam iam admit-  
tant, & facie alienis periculis prudentiores, laudibus  
extollant. *sed in re nota vltcrius non immorandum.*

Hęc sunt, quę pro tutela hirudinum, pro noui  
pręsidij medici confirmatione, humili quamuis stylo,  
exarare valui, MAVRITI pręstantissime, quę ve-  
lut imperfecta, & mutila tuo sapientissimo iuditio  
lubens submitto.


Cętera contrà eius Auctorem odio vatiniano pro-  
lata consultò prætereo; E perdita namque ludęorum  
Gente sit ortus Zacutus, superstitionem oleat, athe-  
ismum sapiat, ob id tamen summę eruditionis, &  
experientię, quibus humano generi prodesse valuit,  
laus illi non deneganda; quid Scorpione fœdius? Ser-  
pente peius? Vipera nocentius? & tamen suspicien-  
do naturę, & artis opere, è Viperis, è Serpentibus,  
è Scorpionibus in humanę fragilitatis solatium, in sa-  
lutis subsidium elliciuntur alexipharmaca, celebratissi-  
ma elaborantur antidota; quisquis Zacutus fuerit,  
Homo tandem fuit; non pigeat ergo nos ab homine  
medicamentum addiscere, quando Maiores nostros  
in remediorum inuentione à bestijs ipsis non puduit  
emulari;

Gratesque habendę immortales Deo Opt. Max. bo-  
norum omnium dispensatori, qui inenarrabili sua, ac  
prouident benignitate omnia bona Mortalibus effun-  
dens,


55  
dens ad experiendum tantum medicamentum Nos ex-  
citauit, vt Italis saltem Medicis, si fuerit adhuc obs-  
curum, iam innotesceret. Nostro enim experimento  
commoti Viri præclarissimi, & Tu fortasse Medi-  
corum decus, illud sedulo expendentes magis in dies  
expolient, ornabunt, atque perficient, vt omnibus  
noxis euitatis, atque periculis, summa cum ægrotan-  
tium fœminarum utilitate ducatur in vsum. Vale  
Vir doctissime, Patrię nostræ ornamentum, Phi-  
losophici cœli splendidissimum lumen, qui inter Prin-  
cipes nostræ ætatis Medicos effulges

*Velut inter ignes.*

*Luna minores.*







D E

SVCCI CITRI, ET LIMONVM

VIRIBVS, ET VSV

*In Febricitantibus, & Puerperis*

PROGYMNAS. SECVNDVM

*Ad per Illust. & Excellentiss.*

D. IVLIVM CÆSAREM NIGRELLVM

*Medicum Ferrariensum Doctissimum.*

Anti semper apud me fuit res medica IVLI CÆSAR doctissime, vbi de profligandis hominum morbis, & vita seruanda agitur, vt nihil, quod ad artem spectet, præsertim ad praxim, in quo nonnihil subesse difficultatis animaduenterim, absque matura, & debita consideratione ab animo excidere, permittere consueuerim; hinc propositas, etiam nuperrimè à Viris Excellentissimis difficultates de SVCCI CITRI, ET LIMONVM, Viribus, ac eius vsu in FEBRICITANTIBVS, & PVERPERIS mente reuoluens, non iniucundum, atque inutile mihi, & alijs medicinam

cinam facientibus futurum existimaui, quid certi de eo statuendum censeam breuibus exponere, meum igitur qualemcumque laborem, nullo saltem liuore, aut inuidia perfusum ad te mitto, vt præstantissimo, quo polles ingenij acumine, illum sedulò expendens, tuam paritèr sententiam mihi, cui veritas præ omnibus in delicijs est, aperire non dubites.

De Succo autem Limonum dicturo illud in primis monendum, quod animaduertit Manardus libro 15. Epist. Epist. 3. vel de Limonibus Antiquos non meminisse, vel eos sub Citri nomine comprehendisse, adeò vt Citri nomine Limones etiam veniant Brasauoli testimonio in Syruporum examine cap. de Syrupò de Acetosit. Citri; Vnde, quæ in præsentì afferentur de Citri viribus, eadem Limonibus appellatis erunt tribuenda; siue enim ita fuerint à natura geniti Limones, siue humana industria, translatione, & insitione producti, vt Dalencampio, & cæteris historiæ Plantarû à Rouillio editæ Auctoribus placuit, non multum tamen natura, & viribus à Citris differunt eorundem sententia, quam, & confirmat Mattioli in com. in Dioscoridem cap. de Citro scribens, Limones omnino Citris similes existere, & forma, & facultatibus eisdem esse propinquiores.

Varijs fuit olim nominibus Citrum appellatum; malum nonnulli dixerunt Medicum, alij Asirium, & persicum, Græci & helpericum, Auctore Iuba, vt refert Hermol. Barbarus corolar. in Dioscorid. cap. 168. qui ab Hercule translatus in Græciam, & au-



reum vocatum fuisse malum scripsit, ita ut Virgilius de  
ijs intellexisse videatur cum dixit, *Aurea mala decem*  
nec defuere, qui nuptiale pomum intelligi hoc volue-  
rint, quod editum à tellure fabulantur nuntiato Iouis,  
& Iunonis connubio.

Arborem descripsit Theophrastus lib. 4. de histo-  
plantarum sub nomine mali Medicæ, seu persicæ, &  
cuius figuram, & fecunditatē eleganter depinxit; fru-  
ctumque, & folia odoris præcellentia commendans,  
vestes inoffensas hæc conseruare, & utilem illum ef-  
se cum medicinam mortiferam quis biberit, vel ad  
oris suaueolentiam testatum reliquit;

Eandem Citri naturam esse easdem facultates scri-  
pserunt Dioscorides cap. de citro, & Plinius lib. 12.  
histo. cap. 3. verum rem acuratus expendit Medico-  
rum Antesignanus Galenus, ac eius essentiam intimi-  
us perscrutatus pro ut diuersis partibus constat, diuer-  
sis etiam præditum facultatibus affirmavit; *Tres*, in-  
quit, lib. 2. de alimen. fac. *huius fructus, quem malum*  
*Medicum alij appellant, partes habentur, acida quæ in me-*  
*dio ipsius sita est, tum fructus ipsius veluti caro, & tertia,*  
*quæ est tegumentum extrinsecus circumdatum, singulari-*  
*que exponens facultates, & vsum, ad acidam conuer-*  
*sus, parte fructus acida, scribit, & non vesca, quæ semen*  
*continetur, cum ad alia quedam vtuntur, tum sepe in*  
*acetum imbecillum conijciunt, ut ipsum acrius reddant.*

Sed multò plures acidæ Citri, & Limonum parti  
vel ipso Galeno auctore, vires sunt tribuendæ, om-  
nia enim ea, quæ acidis comuniter censuit conuenire,  
eandem

59

eadem acido Limonũ, vel Citri aptanda esse manifestũ  
existit; hæc autem, vt innotescant ad cap. 21. eius-  
dem operis est regrediendum, ibi namque de malis,  
& saporibus, qui in eis sunt exactius differens, diui-  
sis primò saporibus in austerum, acidum, dulcem;  
& ex his multos paulò infrà subiungit, *mala quæ ad-  
stringunt succum habere frigidum, ac terreum, quæ verò  
acida apparent tenuium esse partium; & idem est quod  
docuerat lib. 4. de simpl. medic. fac. cap. 7. dicens,  
acida tenuitate corporis pollere, quæ mediante ab adstrin-  
gentibus distinguuntur, quæ terrena sunt, & crassa cor-  
poris consistentia, & mordicationem participant; legitur  
siquidem eiusdem lib. cap. 17. communisque est mor-  
dicatio tribus istis saporibus, acido, amaro, & acri, ve-  
rum acido quidẽ vt frigido, & subtili, nam, & id sæ-  
pe monstratum est, amaro verò, & acri Vt calidis.*

Vnde constat ad multò plura extendi acidorum  
vsum, quod latè expressum habetur capite superius ad-  
ducto de malis, & eorum saporibus hisce verbis, *his  
igitur vteris pro vincenti in saporibus facultate austeris  
quidem pomis cum ventriculus vel propter calidam intem-  
periem, vel multam humiditatem fuerit imbecillus, acer-  
bis cum hæc duo aucta admodum fuerint, acidis quando  
succum crassum, qui non magnopere frigidus sit, suspicabe-  
ris in ipso esse colectũ, quandoquidem succus frigidus non  
acida, sed acria postulat. Vtraque certè acida, & acria  
succos crassos incidunt, in eo tamen differunt; quod hæc  
quidem cum calefactione, illa autem cum refrigeratione id  
præstant.*



Et paulò post, *Perspicuum* porrò est, ex his, quæ iam sepè diximus, quod adstringentia quidem quantum in ipsis est alui deiectiones semper cohibent; acida verò cum succum crassum in ventre inuenerint ipsum incidunt, ac deorsum subducunt, ob idque deiectiones humectant. Hæc Galenus, quibus planè consentiunt, ea quæ habentur apud Auicenam lib. 2. suæ med. tract. 1. cap. 3. ubi generationem saporum, ac eorum differentias exponens, & dicunt, ait, quod substantia ferens saporem, aut est spissa terrea, aut est subtilis, aut media, & eius virtus est calida, aut frigida, aut equalis; spissa igitur terrea si est calida, tunc est amara; & si est frigida, est pontica; & si equalis, tunc est dulcis; & subtilis si est calida, tunc est acuta, & si est frigida, tunc est acetosa. propterea, subdit, acetosum quamuis sit minus frigidum, quam ponticum in pluribus est pluris infrigidationis, & propter sui subtilitatem, & penetrationem suam. & paulò inferiùs saporum operationes enumerans, & operationis acetositatis, addit, sunt refrigeratio, & incisio.

Quod quidem suadet, & ratio, cum enim acida, & succi Citri, & Limonum in specie, tenuium sint partiũ, ea quæ crassa sunt, & viscida melius penetrare posse, & per illa se se insinuando diuellere, atque idcò incidere, etiam si frigida sint, nemo non fatebitur.

Hinc assererat Sener. lib. 5. institut part. 1. sect. 1. cap. 6. dari etiam attenuantia frigida, ut sunt succus Limonum, acetum, & oximel. Et lib. 4. eiusdem operis ubi de alimentorum facultatibus acidis vtendum quo-

quoties lentos humores incidere optamus ; & Auctor libri de dissolutione continua inter Galeni opera repositi quicumque ille sit, & quarta differentia, inquit, est eorum quæ incidunt, & tenuant cum acetositate sua, sicut acetum, & sechaniabin, & acetositas Citri ; Ita apud Isaacum Iudeum, non ignobilem inter Arabes Medicum in sanitatis thesauro lib. 7. legimus cap. de pom. Citr. Medullæ Citri acetosa pars frigida est, & sicca in secundo gradu, & virtutem habet incidentem, extenuantem, & refrigerantem ; Cui planè consentit Heurnius, & alij viri clarissimi subscribunt, quos breuitatis ergo prætereo, lib. 3. meth. ad prax. cap. 7. abstergerendi præterea facultatem eidem tribuens hisce verbis, *Absterfus est inanitio locorum viscidis succis obfessorum facta a siccitate tenui cum moderato calore, vel frigore, cuiusmodi sunt Succus Limonum, Ordeum, & similia.*

Quod, & confirmat experientia, si enim capiantur duo oua, vnumque in Succo Citri, vel Limonum, alterum verò ponatur in aceto, obseruabitur per ouum plus penetrare succum Citri, quam acetum, & rursum si ponatur succus agrestæ in vno vitro, in alio succus Limonum, vel Citri, & in vtroque ponatur ouum ; cera, vel lapillus, succus Limonum, vel Citri emoliet ouum, ceram, & lapillum, succus autem agrestæ nequaquam ; & ratio est, quia succus Citri tenuissimæ substantiæ est, adstrictionis expers, ideoque penetrat, & incidit ; Agrestæ verò propter partes terrestres, & crassas quibus componitur, non po-  
rest



test id facere; Quibus rationibus in renum frangendo calculo, meatus abstergendo, maculas auferendo, ac detergendo non vltimas tenere partes omnibus est in confesso;

Tot, & tantis pollet facultatibus succus Limonum, vel Citri, idcirco in febribus præcipuè biliosis, vbi præsertim crassior bilis abundet, vrgeat sitis, ad sint obstructiones, prauæ, & venenatæ qualitatis vigeat suspicio, præstantissimum fore illius vsum inficiari non potest, sua enim frigiditate febrilem compescet calorem, sitim exstinguet, partium tenuitate bilem crassam incidet, attenuabit, obstructiones aperiet, cum ipso Galeno Auctore lib. 10. meth. cap. 2. obstructio ex qualitate humorum attenuantibus indigeat; & excellenti, qua pollet, aduersus venena facultate, quemadmodum fatentur Antiqui, Semini, Succo, Cortici, & toto denique pomo hanc dotem elargientes, putredinem malignâ inhibere, venenosam qualitatem oppugnare, & cordi contra febriles impetus robur addere, omnino potens erit, cum etiam Arabum Principis testimonio tract. de Viribus cor. cap. de Citro, *eius acetositas sit ex confortantibus cor calidæ, & siccæ complexionis, & in eo sit theriacalitas unde confert reptilium, & Serpentum morsibus*, quemadmodum Clarissimis historijs ex Athenæo, & Theopompo desumptis confirmat Mattioli lib. prim. in Dioscor. cap. 132. Vnde, & Dalencamp. cap. de Citro, succum eius refrigerare testatus est, ac putredini aduersari, atque his nominibus febricitatibus conuenire, ex Limono-

monumque succo, sicuti ex Citrorum serapium fieri docuit ad extinguendum bilis feruorem, ad pestilentes febres, & eas quæ contagionis vitio inficiunt, & ingruunt arcendas, & opugnandas; Hinc est, dicebat Brasauolus in exam. syrup. quod in omnibus ferè egritudinibus in quibus postea prodelle syrupum ex eo paratum rettulit Mesues, acido Citri succo olim utebantur Medici, qui nondum syrupum saccharo confecerant, in inflammatione scilicet viscerum, ac febribus, non solum ex flaua bile ortis, sed pestilentibus, nec non in venenosa, & pestilenti aeris constitutione;

Quibus planè rationibus vel iusculis, vel alijs ferulis commixtum, ita vt sua aciditate, à qua partes nervosas offendi, scripsit Galen. lib. 2. acutorum tex. 39. vterum non ledat, succum Limonum, & Citri Puerperis etiam concedi posse, ac tutò exhiberi patet considerantibus, tantum enim abest quod possit lochiorum fluxum adstringendo compescere, vt malè opinatur Vulgus, quin potius sua vi incisua, attenuante, & aperitiua eorum faciliorem reddere expurgationem, ac vberiore aptus existat;

His non obstantibus, à multis adhuc refellitur, ac eius vsus in febribus, nonnullis contrà allatis rationibus, improbatur, quæ in presenti expendendæ sunt, ac diluendæ, vt inde magis eius præstantia effulgeat, ac clucescat.

Obijcitur primò auctoritas Gal. lib. prim. acut. tex. 18. vbi proponens medicamenta in febribus administranda, *acida*, scribit, *omnia dimittere oportet; nec*  
non



non. 5. de loc. aff. cap. 5. vbi acida adstringete manifestè asserit;

Verùm, omisso quod Galeno Galenus potest opponi locis superius adductis, ne in eius scriptis appareat contradictio; Ad primam auctoritatem respondeo, acidorum alia simpliciter talia esse, alia simul austera, eoque loci habuisse proposita Galenum acida austera, quæ prorsus adstrictione non carent esse censendum, & est responsio etiam ab Hercule Saxonia allata in tract. de febribus cap. 26. Ita succus agrestæ, qui acidus simul, & austerus est, eo quia terrestribus constat partibus, vna cum aciditate vim adstringentem possidet, vt optimè notat Montanus de febr. pestil. cap. 26. quamuis Martianus aliter sentire videatur com. in lib. Hipp. de dieta versic. 326. Secus autem se habet succus Limonum, & Citri, qui cum substantiæ tenuissimæ sit, & idè austeritate carens, adstringendi simpliciter facultate per se destitutus censendus est;

Ad secundam verò ex libris de loc. affect. patet in textu responsio, non enim scribit Galenus acida absolute adstringere, sed gulam adstringere; Quod, vt apertiùs pateat affert doctissimus Saxonia quandam distinctionem, & rationem, & inquit, quod acida possunt comparari vel ad humores, qui sunt insensibiles, vel ad partes corporis, quæ sunt sensibiles, si ad humores insensibiles habent vim attenuandi, incidendi, penetrandi omnes partes humorum, quia tenuium sunt partium; Si cum sentientibus partibus ratione sensus tactus dicuntur habere

habere adstrictionem; & ratio est quoniam quæ acida sunt mordicant, partes sentientes sentiunt mordicationem, quæ sentiunt mordicationem statim contrahuntur, & adstringuntur, igitur ex acidis prouenit adstrictio, quæ fit ex mordacitate, quæ non solum prouenit à materia frigida sed etiam ex calida.

Sed non sequitur illud medicamentum mordax est causa adstrictionis, ergo est adstringens, nam ignis hac ratione est causa adstrictionis, ut experiuntur ij, qui manum igni apponunt, nec tamen adstringens est; Itaque si dixit Galenus acida adstringere, & gulam etiam constringere in hoc sensu, verum dixit, sed ex hoc non sequitur esse vera adstringentia, quia cum sint tenuium partium, possunt attenuare, incidere, & penetrare, ut lib. de simp. medic. facult. & alibi habetur expressum, hæc Saxonia, quibus aliam placet addere rationem, quæ mihi magis arripet, & est, quod hæc acida, veluti acetum idcirco videntur constringere, quia ressoluitur ab eorum siccitate illud humidum, quod est infra cutem, unde ressoluata cute concidunt eius partes, indeque sequitur corrugatio, & adstrictio, ut aparet manifestè in cute eorum, qui aceto, lixiuio, & similibus lauantur; non adstringunt igitur, quæ acida sunt gulam, quia propriè adstringenti facultate donata sint, sed quia ressoluitur ab eorum siccitate humiditas in parte, hoc est in gula existens, quare ex eo non potest inferri quod acida per se adstringant.

Secundò, Auicennæ lib. 2. dicentis, & aqua acetositate eius sedat vomitum, & ipsius acetositas retinet ventrem,



trem, & confert solutioni colericæ; cui adstipulatur Galenus lib. 2. de alim. facul. scribens, quod acida si ventrem purum inuenerint ipsum magis sistunt; Quibus, & alij experientiam addunt lactis nempe coagulationem, quam præstant succi Limonum, & Citri, vt notum est, quæ omnia cum adstringentis videantur effectus, & opera facultatis, eadem præditos esse succos prædictos videtur concludendum.

Quibus rationibus vt rectè satisfiat, & vt effectuum, qui à Succis propositis dicuntur provenire vera reddatur ratio; Primò animaduertendum, idem medicamentum respectu diuersorum subiectorum in quibus operatur, diuersas etiam præstare posse, ac edere operationes; Secundò obseruandum illud, quod docuit Gal. lib. 4. de simpl. med. facult. cap. 7. multas inesse medicamenti multoties facultates, non diuersas tantum, sed & repugnantes, atque interim etiam omnino subcontrarias, vnde varios, & forte contrarios effectus producere nonnumquam sunt apta, vt de ferro, seu Chalybe, Rhabarbaro, & alijs est Medicis notissimum;

Quod succis Limonum, & Citri pariter euenire considerantibus illucescet, cum enim diuersis facultatibus præditi, & donati sint, pro vt diuersas possident qualitates, tenuitatem nimirum, frigiditatem, & siccitatem, diuersos etiam posse producere effectus haud repugnat, nec est à ratione alienum; prout enim tenuis sunt substantiæ humores crassos incidunt, attenuant, aperiunt, ac detergant, & ità deiectiones humecta-

medtare possunt, ac ventrem subducere, vt docuit Galenus; prout frigidi, ac sicci sunt vomitum sedare, ventrem retinere, ac solutioni colericę mederi potentes existunt, vt placuit Auicennę, sua enim frigiditate calorem biliosi humoris edomant, atque restringunt, vnde vis eius actiua, qua naturam stimulat ad excretionem, frangitur, et obtunditur, concurrente presertim vi incisiva; quod voluit fortasse exprimere Princeps eod loci scribens, *¶ acetositas eius frangit coleram rubram*; prout ventriculum tanquam partem sentientem tangunt, ~~con~~stringendo, & contrahendo roborant, quemadmodum notauit Gal. lib. 5. de vsu part. cap. 4. & innuit Auicenna lib. 2. tract. 2. cap. 77. vbi de aceto loquitur;

Prout rursus tanquam frigidi, & sicci ipsum afficiunt, calidam, & humidam eius corrigendo intemperiem, vt ibidem obseruat Princeps, magis adhuc confirmant, & siccitate tandem retentricem eiusdem, ac intestinorum facultatem sistendo, vel superfluas humiditates absumendo fortiolem reddunt, vnde sedatur vomitus biliosus, atque secessus.

Hac eadem ratione si purum ventrem inuenerint illum magis sistere Galenum affirmasse censendum est, cum enim ventre puro existente vis incisiva non habeat in quod agat, crassos nempe humores, omne siquidem agens in tantum agit in quantum habet contrarietatem ex Aristotele lib. de sensu, & sensili cap. 4. vires suas exerentibus refrigerandi, & siccandi potestate venter magis sistitur.



Idcirco neq; prædictis nominibus deneganda videtur omninò succis Limonum, & Citri aliqua adstringendi facultas, siue ratione obiecti, partium nempe sentientium dum in illas agunt, vt fuit explicatum, siue ratione frigiditatis, & siccitatis, qua sunt donati, cum ex Galeno lib. 4. de simpl. med. fac. cap. 7. *frigida adstringant, & dessicantia alui deiectiones sistant*, lib. 10. eiusdem operis; quæ tamen moderata adstringendi potentia eorum penetrationū, vimque incisiuam, atque aperitiuam, & adiuuat, & magis promouet, vt docuit apertè Galen. lib. 13. de simpl. medicamen. facult. cap. 17. inquit, *quibus verò humiditas inest tenuis pariter, ac tepida, hæc per essentię quidem tenuitatem promptè mobilia corporum quæ contingunt meatus subire nihil prohibet, si verò præterquamquod sint eiusmodi, insuper exiguam adstrictionem possideant, quæ tenues particulas meatus iam ingressas in profundum propellere valeat, ipsamque extrinsecus superficiem quadamtenus constringere, ac densare, ea inter omnia humectantia efficacissimè humectant*; quod et confirmauit Montanus lib. consil. de febr. consil. 40. & illud est, quod passim Medici inchalybe experiuntur, cuius vim adstrictoriam non parum facere ad resserandas obstructions fatetur Claudinus lib. de Ingressu ad infirmos, vbi de remedijs generos. cap. 3.

Aperiunt ergo, attenuant, & incidunt succi Limonum, & Citri, quamuis relatos etiam effectus diuersis nempe rationibus valeant producere, vnde nihil officit alatum argumentum nostrę assertioni.

Et

Et eò minus quod Auicennę auctoritatem pro nostra pariter stare sententia manifestè elucescit, nam præter ea, quę superius attulimus de acidorum facultatibus, illud est euidens, quod, capite eodem, acetositati Citri, vim abstergendi colorem tribuit, & panum auferendi, vnde, & impetigini conferre affirmat, & aquam acetositatis eius valere icteritię; quę omnia non adstringentia præstare, sed incidentia, attenuantia, & detergentia luce clarius existit.

Ita planè ad ea, quę de lactis coagulatione afferuntur patet responsio, cum enim iuxta Aristotilis sententiam lib. 4. meteor. cap. 3. *Aquea à frigore concrecant, terrea à calido, quę simul terrea, & aquea sunt à calido, & à frigore, veluti lac, à calore videlicet exurgente, à frigore terrenum condensante, & ab aqueis partibus segregante, vt exponit doctissimè Mercurialis lib. 2. varium lect. cap. 2. Succum Limonum, & Citri sua frigiditate lac coagulare, partes nimirum terrenas condensando asserendum est; Cui tamen operationi non parum conducit eius substantiæ tenuitas, hac enim mediante acidus ille spiritus per omnes lactis partes diffunditur, suaque acrimonia, & vi incisiva crassiores partes ressecat, & à tenuioribus separat, vnde facilius emergit coagulatio, quemadmodum ostendit doctissimus P. Nicolaus Cabeus e Soclesu conciuis, & Præceptor meus felicissimæ recollectionis lib. prim. Meteor. tex. § 6. quest. prim.*

Coagulat ergo Succus Limonum, & Citri lac, sicuti, & acetum, vt notum est, verum non vt adstringens,




gens, sed pro vt frigidus est, ac tenuium partium; idcirco adstringenti pollere facultate nequaquam asserendum.

Abeant itaque Massaria, & Reliqui, qui Succi Limonum, & Citri vsum ob adstringendi facultatem in febribus reiiciunt, Puerperis ob eandem rationem prohibent, ac interdiciunt, cum tot, & adeò validis rationibus, & omnium sapientum calculo iam constet, non solum non adstringere sed aperire, incidere, ac deobstruere, ac ideò ex eo paratum Syrupum maxima cum egrotantium vtilitate vbi illis operationibus opus est pro morbis expurgandis assidue in vsum duci quemadmodum parum sibi constans, & ipse affirmat lib. 4. de med. purgantibus vbi de Syrupis.

Concedant iam miseris Febricitantibus, defessis, ac languidis Puerperis siti, vt plurimum, & nau-sea vexatis iucundum hoc saltem ciborum condimentum Medici nimium formidolosi, ac Vetularum cantilenis addicti, vt sustinuerint reddito alimento, quod, & meliori præferendum est iuxta diuini Hippocratis oraculum, melius nutriantur, iuxta illud, quod Sapit, nutrit, & fractas, ac deperditas vires restaurando alacriores euadant. Vale Vir doctissimè, & me ama.

Dabam Guastalle &c.





DE  
VENA IN FEBRIBVS MALIGNIS SECANDA  
VTRVM SCILICET  
*Vtilior, ac securior sit Venarum Inferiorum  
Incisio, quam superiorum.*

PROGIMNASMA TERTIVM.

*Ad Illustrissimum Virum*  
D. MARCVM ANTONIVM GEMINELLVM  
*Serenissimi Ducis Mutinæ &c.*  
Archiatrum Meritissimum.



BI in administrandis medicis auxilijs,  
magnis præsertim, ac præstantiori-  
bus, atque in morbis sæuissimis, ac  
difficillimis, variæ, ac diuersæ, im-  
mò inter se pugnantes inueniuntur  
illustrium virorù sententiæ, MAR-  
CE ANTONI clarissimè, ancæps meritò hæret me-  
dentis animus, & quò se vertat dubius ignorat; quo-  
circa acri tum iudicio est opus, exercitata considera-  
tione, vt rectam procedendi methodum cogitet, ne  
à recta declinet via, vt fugiat diuerticula, quæ incau-

tos



tos plerumque ducunt in præcept, Ægros miserè per-  
dunt, & Medici famam, atque honorem pessundant.

Quod sanè in vena eligenda pro sanguinis detra-  
ctione in malignis febribus euenire conspicitur, pos-  
to namque quod sanguinem educere expediat, & ve-  
nam incidere, de quo tamen fuit olim acriter dispu-  
tatum, & nostra hac etiam tempestate digladiantur  
viri famatissimi, in dubium adhuc vertitur, quæ ve-  
na sit pertundenda; nonnulli enim ex recentioribus  
Medici doctissimi, contrà comunem omnium ferè  
Antiquorum sententiam constanter asserunt, in feбри-  
bus malignis longè semper vtiliorem esse, ac securio-  
rem venarum inferiorum sectionem, ac ideò venas,  
quæ in talis, seu poplitibus sitæ sunt, perpetuò finden-  
das affirmant; Alij è contrà, venis superioribus sectis  
factam euacuationem magis præstare, ex methodo,  
& secundum rationem esse, statuere non dubitant;

Non tantum mihi assumo, vt possim sedere Iudex  
huius litis, eorum tamen rationes, & argumenta pau-  
lò diligentius (quod nondum video factum) libet  
considerare, ad medicam, vt dici solet, trutinam re-  
uocare, et quid certi in re tanti momenti iuxta, Princi-  
pum Medicorum doctrinam, ac veram medendi me-  
thodum statuendum censeam, candidè aperire; vt sal-  
tem Medicinæ studiosis ad veritatem indagandam sti-  
mulus addatur, ad sublimiores speculationes animi  
excitentur, quibus nominibus, & mihi testari gra-  
tias decebit, iuxta Aristotelis sensum in Methaphisi-  
cis.

Vena-

Venarum inferiorum sectionem qui in febribus malignis semper moliendam asserunt, Horatij Augenij Medici Clarissimi doctrinam in primis, & auctoritatem sequi videntur, & amplexari; Is enim tom. prim. epist. lib. 5. epist. prim. multis de venæ sectione in maligna febre, & cucurbitularum usu satis doctè prolatis in hunc modum scribit, *Ex his ipsis colligo sanguinis euacuationem ex inferioribus longè præstantiorem, quam ex superioribus, præsertim si aut menstrua retenta sit purgatio, aut hæmorrhoidum solita euacuatio fuerit suppressa, in posterioribus enim hisce casibus nullam habet difficultatem, verùm etiam si deffuerint, in eiusmodi febribus obseruavi longè tutiorem esse poplitem, aut malleolum incidendo euacuationem, quia si à corde præstat venenum reuellere, si attrahere ad infernas partes, nihil tutius excogitari potest.* & tomo 2. lib. 3. epist. 4. de venæ poplitis, & malleoli sectione cum Vitellesco ex professo disputans, & suæ opinionis fundamenta latius expandens, hæc scriptis tradidit, *Putavi ex inferioribus venis mitti oportere sanguinem multis de causis, primum ut à corde, & cerebro reuellerem, deinde ut naturæ motum imitarer, ac postremò ut plenitudinis affectum vacuarem; Nemo nescit febres pestilentes à putridis differre ob excellentiam putredinis, qua scilicet humores à propria natura ita alieni enaserunt, ut restituere illos in integrum ferè impossibile sit; Basis corruptionis huius in humoribus aliquando consistit, & aliquando in ipsius cordis corpore, ut dicebat Gal. 3. de præfag. ex puls.*

Addens præterea, *Certissimum est semper ad focum*

L

putre-



putredinis confluere sanguinem, ex eoque motu augeri fe-  
 brem, quod materiei putrefactæ incrementum non medio-  
 criter fiat, Ut idem auctor est lib. 2. de diff. febr. cap.  
 ult. multò magis ad cor tanquam ad fontem influentis ca-  
 loris, spiritus, & sanguinis perpetuò confluentes augere  
 non mediocriter febrem, & corruptionem possunt, præ-  
 sertim in corpore pletorico; Hec si vera sunt, quemadmo-  
 dum verissima esse te Virum doctissimum ambigere non ar-  
 bitror, duplex se offert indicatio executioni mandanda,  
 una ut multitudinem à qua corrupta materia fouetur va-  
 cuemus, alia ut fluentem sanguinem reuellamus; quæ duo  
 simul, ac statim debent fieri in morbo acutissimo, fientque  
 citra laborem secta vena poplitis aut malleoli; Postulat  
 reuulsionis ratio, ut nosti, fieri illam in contraria parte,  
 & motu instituto ad contrarium, quam humor ipse moue-  
 tur, quamobrem statuere oportet à toto corpore, maximè  
 ex venis, qualis est caua, & illi adiacentes, proximè  
 que sanguinem ad cordis moueri substantiam; qui ergo de-  
 orsum trahit illum contrarium motum, & contrariam ra-  
 tione situs partem elligit. Porro vacuari multitudinem  
 sectis venis superioribus, ac inferioribus adeò certum, ut  
 neminem dubitare putem; Vrgere præterea videtur mihi  
 natura morbi, quam venenatam esse traddidistis, at ubi  
 venenum cor obsidet, nihil inueniri potest præstantius,  
 quam attrahere illud ad partes maximè distantes, & quæ  
 ignobiles existunt; fieri posse attractionem venenati humo-  
 ris à venis inferioribus vacuatione facta, multòque tutio-  
 rem esse quam si quis cubiti venam incideret, non est meo  
 quidem iuditio ambigendum; motus etiam nature in pe-  
 stife-

*stiferis hisce febribus indicat nobis quid agendum sit, solet enim materiam Venenatam in inguinibus expellere, à quibus repellere non licet, & ad quæ trahere semper expedit. Cur igitur nos illius imitatione non ducemus humores malos ad infernas partes?*

*Quibus ita expositis concludit, meæ opinionis rationem dixi, quam firmissimam putabo tamdiu, donec pro tua eruditione meliorem docueris.*

*Hæc Augenij argumenta, hæ rationes pro vena in partibus inferioribus perpetuò secanda; similibusq; prorsus eandem opinionem tuentur, qui illum sequuntur; quare singula exactè pendenda sunt, attentè examinanda;*

*Putavi, inquit, ex inferiorib<sup>9</sup> venis mitti debere sanguinem multis de causis, primum ut à corde, et cerebro reuellerem; cuius reddens rationem, subiungit, nemo nescit febres pestilentes à putridis differre ob excellentiam putredinis; postea addit, basis corruptionis huius in humoribus consistit aliquando, & aliquando in ipsius cordis corpore: ex quibus verbis apparet Virum doctissimum supponere in febribus malignis putredinem excellentem semper esse in corde, & modò in humoribus, modò in ipsius corpore, & ad illud ea ratione sanguinem confluere, vnde arguit ab eo reuellendum; quod etiam apertè asserit lib. 6. de febr. cap. 11. vbi de pestilentis febris differentijs disputans inquit, amplius id quod putrescit perpetuò est aliqua cordis substantia, in alijs verò febribus ex humorum putredine ortis admodum raro hoc accidit, sed alijs*



*in locis humores putredinem saepe suscipiunt ; &c.*

Verùm, parcant Augenij manes, primum eius suppositum falsum est, & à veritate, ni melius explicetur, penitus alienum; duplex enim pestilentium febrium, ex communi omnium consensu, vt optimè ostendunt Fracastorius de contag. morb. cur. cap. 6. Fernellius lib. 4. de feb. cap. 17. & Mercatus lib. 7. cap. 11. genus existit, vnum illarum, quæ ab extrinseca aeris corruptione, seu pestilenti aeris statu, & contagione proficiscuntur, vel citra aliquem affecti corporis apparatus; alterum earum, quæ in nobis primò, & spontè fiunt, & ex communibus aliarum febrium causis, vt plenitudine, obstructione, & humorum putredine, sordidiori tamen, profundiori, & excellenti, vt ipse etiam vocat Augenius, originem fortiuntur, quæ malignæ, mali moris (quod tamen doctissimo non probatur Salio) lenticulares, seu peticulares communiter appellantur de quibus locutus fuit Galen. lib. 3. de prælag. ex puls. cap. 4. vbi de pestilentibus habito sermone, *sciendum*, inquit, *inuadere nonnumquam sine peste has ipsas febres*, quod & agnouisse videtur Augenius in alatis epistolis, ac in secundo præsertim loco citata, vbi illustr. admodum Antistitis casum describit, qui absque peste, seu aeris contagione ob errores in victu, & maximè in potu vini generosi in febrem inciderat malignam, ac pestilentem; quò supposito, sicuti in primo febrium genere, quæ verè pestilentes sunt, & in pestilenti aeris statu eueniunt, humores in corde putrescere tanquam

quam in foco, immò ipsam cordis substantiam aliquando pati, Montano, Mercato, & alijs Viris doctis conceditur, ita in secundo, vbi febres verè pestilentes non sunt, & maligne vocantur, de quibus & nobis, & Augenio est sermò, illud absolutè negatur; cū enim huiusmodi febres easdem à loco, & à materia habeant differentias, quas simpliciter putridæ, quamuis ob excellentiam putredinis, & venenatam qualitatem ab illis differant; sicuti in simpliciter putridis humores non in corde, sed in locis à corde remotis, & separatis putredine coinquantur, vbi focus putredinis à Medicis appellatus, meritò constituitur, ita prorsus in malignis, & non verè pestilentibus euenire statuendum esse manifestum existit.

Et qui contrariam tuerentur opinionem in Iouerti paradoxum labere viderentur, quo asserit proximam omnium febrium causam, seu materiam in corde contineri; quod nec ipse admittit Augen. loco citato, & lib. 3. & 4. de feb. cap. 7. & 13. & à veritate longè abhorre ostendit doctissimè Mercatus lib. 3. de feb. & clamât vniuersa Medicorum scola cum Galeno, qui lib. primo de cris. apertè asserit *febres venosi generis esse passiones*, & lib. 2. eiusdem operis, nec non 2. de diff feb. cap. vlt. & alibi *in continuis febribus humorem in venis contineri inclusum, intermittentes fieri ex humoribus per sentientes corporis partes delatis, aut detrusis* affirmat,

Quamuis enim cor primùm lædi, & esse principaliter affectum in febribus dicatur, non ob id sequitur



tur in eo semper, & necessario putrescere humores febrem efficientes, quod vel in verè pestilentibus fieri negat Salius citatus, & multis probat rationibus c. 8. non enim febris essentia consistit in putredine, ita ut febris subiectum putredinis pariter subiectum, & focus debeat esse, sed in calore extraneo, ut docuit Galenus 6. de morb. vulgar. comm. primo tex. 29. & Arabum Princeps lib. 4. trat. primo ubi febris definitionem tradens ab omnibus receptam scribit, *febris est calor extraneus accensus in corde &c.*

Quomodo autem putrefactis humoribus in locis à corde remotis, & separatis calor præter naturam in ipsum inducatur, & febris fiat, perbellè idem Gal. expressit lib. de sang. miss. cap. 5. scribens ergo si pars quæ hoc pacto incaluerit, idest propter humorum, & sanguinis putrefactionem, insignis sit, & calorem suum in corde protendere valeat. siue quod ex principalibus, siue quod calida, una & ipsum accendet, ut quod natura calidissimum sit; quod si semel illud accensum fuerit, facile totum ipsius iam corpus calefit, quemadmodum ab ingenti in foco flamma, quæ illam continet domus, vocant autem id pathema Græci, pyretòn, Latini febrem, & lib. primo de feb. cap. 5. dicens differunt autem quæ ex bubonibus febres oriuntur ab ijs, quæ ex putredine humorum eueniunt, quæ vel in aliquo viscerum, aut in canis, & maximis vasis ortum habent, quoniam quæ ex bubonibus fiunt concalefaciunt semper partes continuas vsque ad cor calor febrilis attingat, non peruenit autem ad ipsum putrida fuligo; in putredine autem, quæ aut in visceribus, aut in magnis

*magnis fit vasis, quidam veluti fumus ex putrescentibus humoribus ad cordis ventriculos peruenit, vnde febris. cui consentit Augenius lib. 4. de feb. cap. 7. vbi putridā febrem deffiniens, inquit, febris simpliciter putrida est, qua vapores putridi cordi vel continuo, vel ex interuallis quibusdam molesti sunt.*

Tantumque abest, quod debeant humores putridi ad cor defferri, vel ibi necessariò contineri, vt fiat febris, quod vel ij, qui motum circularem sanguinis in animalium corporibus nuper obseruarunt, quo mediante sanguinem totum corpus peruadere, immò, & cor ipsum breuissimò temporis spatio affirmant, & quasi in orbem reddere, illud etiam negent, Ioannes enim Vualleus in priori epistola de motu sanguinis ad Thomam Bartolinum dubitationem proponens, an periculosum futurum sit, si omnis qui in nostro corpore prauus humor semper ad cor penetrare, & transire debeat, ita respondet, *sciendum est ita corpus nostrum conditum, vt nobis sanis sit commodissimum, non vt nobis egrotantibus, deinde humor, qui ab obstructione putrescit, & pessimus est huc non venit, quòd obstructa via impediatur; neque cor ita tenerum est, vt ab humore prauo, qui longas ibi moras non trahit statim corrumpatur.*

Ex quibus verbis apparet vel non admittere hunc Virum transitum humorum putridorum ad cor, eo quod obstructa via impediatur, vel si id eueniat, ab illis tamen cor nequaquam ledi, quoniam in illo moras non trahunt, arbitrari; quod etiam explicauit apertius



tius paulò infrà , vbi quèrenti rursus, quare si verum est breuiori tempore quam hora sanguinem circuitum suum à corde , & iterum ad cor absoluere , singulis horis febres non redeunt, cum futurus paroxysmus videatur, quum corrupta materia ad cor venit, ita respondet, *Equidem non negauerim id posse contingere, ut corrupta materia ad cor accedente paroxysmus eueniat, ut eius exemplum habet Harueius libelli sui cap. 16. non putem tamen id necessarium esse, potest enim elleuari fuligo, cor petere, & febrem accendere à qua fuligine videntur plerèque febres ab inflammatione partium oriri, quæ aperta Vomica euacuato pure desinunt; & ut tales Symptomaticæ febres, ita & fieri quædam intermittentes febres possunt, à materia vel in vasis, vel extra vasa conclusa, quæ per putredinem vel quotidie, vel tertio, vel quarto die effumans paroxysmum faciat, subditque præterea in continuis fateor, quarum materia in venis maioribus hærrere putatur, difficilius est causam dicere, quare singulis horis paroxysmus non fiat, videmur tamen eandem dare posse, quam vulgo dant causam, quare continue non continenter æquales videantur, quod etiam si materia cordi satis propinqua sit, tamen citius paroxysmum non faciat, quam certum putredinis gradum acquisierit, & eum paroxysmum tandiù durare, usque dum putrida ea materia sit euacuata, quæ cor tangit, aut ei suos fumos mittit. negat igitur Vualleus humores necessariò, & semper ad cor fluere, ibique trahendo moram putredinem nancisci, ut fiat febris, etsi perpetuum sanguinis motum, & circulum admittat; quomodo verò materia cordi pro-*

propinqua existens singulis horis paroxysmum non faciat, gratis videtur inquirere, constat enim quod ex materia in vasis maioribus hærente, ac putrescente, continua, atque assidua in cor fit effumatio, quæ iugiter illud laceßit, vnde febris continua continens appellata exoritur, quæ paroxysmos non habet, sed unica accessione inuadens, à principio vsque ad finem nulla intermissione affligit, vt ostendit Galenus 2. de diff. feb. cap. vlt.

Non ergo in febribus etiam malignis, de quibus in præsentì differitur, humores prauis, aut sanguis semper, & necessariò putrescunt in corde (esto quod aliquando id possit euenire) ita vt basis excellentis putredinis semper in humoribus cordis sit statuenda;

Sed multò minus in cordis ipsius corpore, per hoc enim etiam differre malignam febrem à verè pestilentibus obseruat Mercatus, quod in verè pestilentibus contagium primò obsideat cordis substantiam, aut contenta, quo fit, vt his febribus laborantium anhelitus malè oleat; in maligna verò non nisi humores vasorum, maiorum tamen, & eorum, quæ viciniora sunt cordi; cui & aliam addunt differentiam Sennertus, & alij Medici, quod scilicet pestis, & pestilentes febres non solum plurimos passim inuadunt, sed etiam maximam partem eorum quos inuaserunt interimunt; Malignæ autem febres licet plurimos inficiant, non plurimos tamen, quos ledunt, è medio tollunt, sed plerique eorum conualescunt, quod eue-

M

nire



nire profectò non posset; si venenosa qualitas excellens, & maligna putredo cordis substantiam, & corpus obsideret, omnes enim irreparabiliter fato cederent, nec vllum possent ab arte medica percipere subleuamen, ità testante Gal. lib. 3. de prælag. ex puls. cap. 3. hisce verbis, *quam enim medicinam excogites ad putredinem, quæ in corde sit;*

Quibus ità se habentibus, quantum primum Viri doctissimi suppositum à veritate abhorreat sat arbitrator elucescere; quocirca ea opinio, quæ huic primariò inhæret fundamento manifestè labascit.

Subiungit deinde, certissimum est semper ad focum putredinis confluere sanguinem, ex eoque motu augeri febrem; quod probat Gal. auctoritate lib. 2. de diff. febr. cap. ult.

Verùm etsi Galenus asserat, ubicunque accenditur, atque augetur caliditas, istuc ab alijs partibus sanguinem solere confluere, vnde earum sequitur refrigeratio, ac ideo sanguinem eundem in febrium accessionibus ad focum, seu locum putredinis concurrere, quemadmodum, & calorem, vt com. prim. in lib. Hippo. de rat. vict. in morb. acut. habetur, tex. 46. & libro 4. aph. tex. 44. tamen id semper, & necessariò fieri, atque in omnibus febribus, vel iuxta Galeni assertionem, non potest asseuerari; quemadmodum inferius latius explicabitur.

Vbi namque partium frigus nequaquam accedat, aut se non exerat, ibi sanguinis, & caloris ad interiora fieri recursum potest rationabiliter negari; &

eo magis, quod eò loci Galenum de febribus, quæ circuitus habent, & earum accessioneibus, non de continuis continentibus, quæ periodos, & accessiones manifestè non habent, sermonem habere patet intuentibus, & motum illum sanguinis in earum accessioneibus fieri asseuerare, quemadmodum & lib. 2. aph. in com. prim. aph. ubi scribit, *in ijs præcipuè fieri, in quibus vel rigor, vel fortis horror, vel partium externarum contingit refrigeratio*, quæ in solis intermittentibus cuenire, testatur doctissimus Brasauolus in com.

Præterquamquod siue fluat sanguis ad focum putredinis, siue non fluat, inde per lectam venam reuelendū, aut non desumi indicationem, aut si desumitur, non tamen necessariò, & semper venas in partibus inferioribus ea ratione esse scindendas, suo loco demonstrabitur.

Sed, vt commodius, & clariùs præstari possit, & vt inceptæ disputationi iam recta sternatur via, nonnulla de febrium, & reuulsionis natura, rursus sunt delibanda, & in memoriam denuò reuocanda, quorum primum est,

Febres, malignas appellatas, quæ medio modo se habent inter verè pestilentes, & simpliciter putridas, & in nobis ex sordida, & excellenti putredine humorum, et venenata qualitate (siue venenum à putredine, siue ex veneno putredo producat) trahunt originem, easdem suscipere differentias tum à materia, tum à loco, quas simpliciter putridæ; id satis diffusè explicant doctissimus Petrus Salius Diuersus,



fus, Saxonia, Mercurialis, Meniotius, & alij Viri Clarissimi, quare in eo probando diutiùs non laboro; Hincque fit, quod febrium malignarum alię continuę continentes sint, alię continuę proportionatę, alię intermittentes, pro vt materia cui praua, & venenosa qualitas adiungitur, vel in omnibus vasis, aut in maximis, vel in medijs, aut in minoribus, vel circa viscera, aut extra venas, stabulatur, putrescit, atque, accenditur; Quamuis enim Galeno aliter visum sit lib. 4. Apphoris. tex. 43. Hippocrates tamen in constitutione pestilenti, quam lib. 3. Epidem. describit sect. 3. febres tertianas memorat, quartanas, & quotidianas, quas nocturnas vocat, quod noctũ inuadant; cuius auctoritati adstipulatur experientia, qua constat interuallatas febres, præsertimque tertianas, & magis adhuc erraticas, malignitatis caracterismo signatas in praxi non ita infrequenter obuias fieri; nec non et ratio, quemadmodum apud Salium doctissimum, ac disertissimum Meniotium licet animaduertere;

Secundum, in putridis non solum, sed & in malignis febribus dari focum putredinis, idest locum in quo materia putrescit, & primũ accenditur, & mineram, locum nempè, in quo humores generantur, vel colliguntur, & postea ad focum vel permeant, vel attrahuntur, vel trãsmittuntur, & aliquando diuersa esse loca focum, & mineram, nonnunquam simul coexistere, & in eadem parte reperiri, & illud est, quod sibi voluit Galenus vbi scripsit,

*quod*

*quod nonnullæ partes ex ipsis in se ipsis genitis superfluitatibus principium febricitandi trahunt;*

Tertium, febrium earundem alias cum motu, & fluxu materiæ fieri, vt sunt intermittentes, vt plurimum, & continuæ proportionatæ, alias sine motu, & fluxu, cuius census habentur continuæ continentes, & ex intermittentibus nonnullæ; & hæc est doctrina communis, quam omnes Medici tenent, ita à Galeno edocti lib. prim. de diff. feb. pluribus in locis, & 2. eiusdem operis cap. vlt. vbi legitur; *Quacunque per circuitus aliquos aegritudinum accessiones fiunt ex membrorum dispositionibus ortum habent, quæ scilicet vel mittunt, vel attrahunt, vel generant, vel suscipiunt superfluitates; sed quæ circuitum non habent, in his nulla est pars corporis, quæ præcipuè sit offensa, sed qui in venis, & arterijs omnibus continentur humores, atque ij præsertim, qui in maximis, & plurimo calore abundantibus febrem Unam accendunt synocham appellatam; nec non lib. 10. meth. cap. 6. & 11. eiusdem operis lib. locis Medicis notis.*

Quartum, reuulsionem esse auersionem humoris in aliquam partem fluentis in contrarium, Antispasim Græci vocant, vt notat Galenus lib. 5. meth. c. 3. qua mediante in fontem, hoc est fluxionis originem humor fluens arte retrahitur, & in partem ab ea ad quam fluebat distantissimam auertitur;

Quintum, non quemlibet tamen materiæ motum, aut fluxum esse auertendum, aut humorem quancumque in partem fluentem semper reuellendum, sed cum  
solum.



solummodo, quo materia, & humores feruntur quò non conuenit, ita Dictator imperat lib. 6. de morb. vulgar. part. 2. tex. 29. hisce verbis, *Reuellere si quò non oportet vergant, si autem quò oportet, his oportet aperire*, & alterum medicinæ lumen confirmat in com. scribens, *aliàs iam & hæc didicisti, ducenda planè esse, quò vergunt per conuenientes regiones, auertenda autem, quæ nen benè vergunt*; vbi insuper obseruandum, quod si pars vnde fluit materia ægra sit, phlegmone nimirum obfessa, aut nimium calens, aut dolens, ad ipsam pariter non est retrahendus, ac reuellendus humor, vt optimè animaduertit Augenius lib. 7. de sang. miss. capir. 9.

Sextum, quod, vt reuulsio rectè instituat, tempus eius, ac modum decet considerare, tempus reuulsionis nos admonet quando sit facienda reuulsio, tunc nimirum quando materia fluit, vel iam est fluxura; quando enim partim fluxa est, at nondum in parte firmata tunc conuenit deriuatio, sicuti quando in parte firmata est, euacuatio; modus verò hanc præ ceteris exhibet cautionem, ne scilicet reuellendo materiam prauam, & contaminatam illam trahamus per partem, aut membrum nobile, vnde in bubone, exempli gratia, pestifero, qui inguina inuasit, non secanda basilica, sed saphæna, in eo qui in axilla confedit, in brachio vena aperienda, ne scilicet materia pestifera, & venenata per cor, membrum nobilissimū, ac vitæ præcipuum domicillium perducatur;

His iactis fundamentis, Augenij indicationes primū

mū, alię deinde rationes sunt expendendę; duplex se offert inquit, indicatio executioni mandanda, vna vt multitudinem à qua corrupta materia fouetur, vacuemus, alia vt fluentem sanguinē reuellamus. Quasi corruptę, & venenatę materię, toto genere præter naturam, atquæ insensibilis, idè que citissimè eiciendę, nulla habenda sit ratio, non sit facienda primò, & illicò euacuatio; & tamen tantę molis esse id præstare alibi agnouit, vt lib. 8. Epist. tom. 2. Epist. ad Ludouicum Pichinum, si in puerpera ob malam humorum præparationē occasione partus putrefactorum putrida accendatur febris, cuius minera non in vtero sit, sed in venis maioribus, vel minoribus, vel extra venas, *non expedire* asserat, *venam incidere in poplite, aut malleolis, quia mali fomes in vtero non est; sed si postulare morbus videatur, utique sanguinem mitendum esse ex cubiti venis* statuatur; & reddit rationem. *Quia proximè ab affecta particula vacuabunt.* quod obiter sit dictum.

Illā etenim propositio antequam admittatur, paulò diligentius venit consideranda; cum enim nomine multitudinis non minus possit intelligi plenitudo vniuersalis, quam particularis, hoc est, vt habet Gal. lib. de plenit. cap. 4. *vel per vniuersum corpus, vel in vna quappiam, vel etiam pluribus partibus consistens,* naturæ quoque pacto infensa, atque molesta; si nomine multitudinis solam vniuersalem plenitudinem velit intelligendam, nequaquam est audiendus, quoniam in illis tantum posset admitti, & habere

locum



locum phlebotomia in quibus vniuersalis illa reperiretur sanguinis plenitudo; Quæ sententia, in qua fuerunt olim Medici præclari, quos refert, et confutat Massaria in disp. de scop. mittendi sanguinem part. 2. iam satis oppugnata est, & expugnata, et ipse aliter loquitur Augenius in lib. de sang. miss. vt alibi ostendemus, Hinc omnes saniores Medici famatissimum Galeni præceptum, lib. 11. meth. cap. 15. expositum vnanimiter amplectuntur, & tamquam firmum, ac stabile sequuntur, saluberimum esse in febribus venam incidere, non continentibus modo, verum etiam alijs omnibus, quas putrescens humor concitat; quod sanè, vt idem notat, partim ineptum esset, partim deficiens, si ad detrahendum sanguinem in febricitantibus requireretur semper communis, & vniuersalis plenitudo, cum sine dubio febre soleant putrida laborare quæuis corpora, & cuiuscunque habitus, tam cum plenitudine, quam sine plenitudine prædicta, in quibus tamen, cæteris consentientibus, sanguinem per sectam venam extrahere Galeni sententiæ innixi nequaquam dubitant.

Si verò nomine multitudinis non solum vniuersalem, sed etiam particularem habeat propositam plenitudinem, quomodo in hoc sensu eius fauere possit opinioni, per arduum est demonstrare; sicuti namque vacuari vniuersalem plenitudinē sectis venis superioribus æquè, ac inferioribus neminem dubitare, vt ipse ait, conceditur, ita dictante Galeno lib. de sang. miss. cap. 18. vnde non minus inferiores, quam superiores

superiores venas licet elligere, ita pro multitudine seu plenitudine particulari auferenda idem fieri posse absolute negatur, à loco namque affecto, & in quo particularis consistit plenitudo, desumitur, & indicatur locus à quo mittendus est sanguis, vt docet expressè Magister lib. 13. meth. cap. 11. vbi de euacuatione per sanguinis missionē sermonē habens in hunc modum scribit, *siquidem quod euacuandum sit, id communis indicatio est, unde autem, & quomodo facienda euacuatio sit, id eger ipse docet locus*, & lib. de sang. miss. cap. 19. & alibi, vbi cum Hippocrate statuit, partibus superioribus affectis, venas superiores secandas, inferioribus afflictis, tundendas inferiores; quare particulari data plenitudine in maligna febre, non quamlibet licebit venam elligere pro sanguinis detractione, & falsum per consequens erit, quod assumit Augenius, pro demenda in febribus multitudine equaliter semper fore aptas venas inferiores, ac superiores;

Amplius, si venę sectione sanguinem tantum imputrem, & inculpatum educendum censeat, intacto putrescente, & alijs succis commixto, & coinquinato, vt addita illa particula, à qua corrupta materia fouetur, exprimere videtur; nec sibi ipsi constat, & est pariter refelendus, vt paulò suprà obiter adnotabamus; siue enim sanguis solus exuperet in venis, & incorruptus, siue putrescens, & alijs succis commixtus ibidem reperiatur, conuenit ea, quæ per venarum sectionem perficitur euacuatio, qua omnium humo-



rum æqualiter, quæ quidem exquisitissima est, fieri euacuationem, probat Galen. com. 2. in lib. aphorism. tex. 17. & qua mediante prauorum humorum non minus, quam sanguinis, in venis, siue vniuersis, siue particularibus existentium, à quibus febris producit, fieri optimè expurgationem, suo loco ex principum Medicorum consensu palam fiet, pro curatione febrium putridarum omninò necessaria.

Secunda indicatio est, vt sanguinis, quem ad cor perpetuò fluere existimat, reuulsio instituat, seu humorum, quos ad focum putredinis, vbicunque ille sit, necessariò concurrere, vt fiat febris, alij docti viri, qui eius sequuntur sententiam arbitrantur, ad inferiores partes retractio fiat, auersio promoueat; verùm neque sanguinis, neque humorum ad cor seu ad focum putredinis confluxum in febribus necessariò fieri, iam supra ostensum est: quod autem neque ad alias partes, vbi focus putredinis consistit vel semper, vel in omnibus febribus, fiat eorum motus, facile admodum erit demonstrare, quocirca hanc pariter indicationem in omnium febrium malignarum curatione, nec semper locum habere, nec esse vniuersaliter admittendam, apertè demonstrabitur;

Præstantiorum consensu Medicorum statutum iam fuit malignam, & venenosam qualitatem, quæ febrem mali moris, & pestilentem non veram constituit, & à reliquis simpliciter putridis distinguit, ac leparat cum omni putrescente materia, & in quocunque loco vbi fiat putredo, posse coniungi, & febrem

brem per consequens malignam continuam continen-  
tem, continuam proportionatam, ac etiam intermit-  
tentem posse generari; vt igitur disputatio clarius, &  
ordinate procedat, ordo enim, vt notat Excell. D.  
Mauritius Calanus Præceptor meus humanissimus lib.  
prim. de propriet. indiuid. part. prim. cap. 2. *est ora-  
tionis anima*, In quibusnam febribus humorum, &  
sanguinis motus, & fluxus, & quando, reperiatur  
inuestigandum est, & declarandum, & vno, ac eo-  
dem tempore, an ab ijs reuellendi per sectam venam  
dessumenda sit indicatio, rursusque an per venarum  
inferiorum perpetuò sectionem, manifestandum.

A febre igitur maligna Synocha, seu continente,  
quæ homines acrius inuadit, & in maiora pericula  
deducit traham exordium;

Fit huiusmodi febris ex putredine sanguinis, & hu-  
morum, vel in omnibus vasis, vel in maximis circa  
cor, seu inter alas, & inguina locatis, vnde conti-  
nua, & equalis ob partium consensum, & affinita-  
tem putrida fit in cor effusio, qua mediante præ-  
ter naturali calore afficitur, atque maligno; Quod  
itaque in tali febre non fiat humorum motus, & per  
consequens non sint in gratiam reuulsionis venæ in-  
feriores secandæ, tali constructo argumento ostendo,

Ideò in maligna febre venæ inferiores in talis, seu  
poplitibus sitæ primò dicuntur incidendæ, vt sangui-  
nis, & humorum putrescibilium, vel putrescentium,  
qui ad cor, seu ad aliam partem, vbi focus est, ma-  
lignæ putredinis mouentur, & confluunt fiat reu-



ulſio; Sed in maligna febre, quę Synocha, & continens eſt, non datur motus ille, atque confluxus; Ergo in huiusmodi febre venę inferiores reuulſionis gratia non ſunt incidendę.

Maior propositio conſtat ex his, quę in alatis epiſtolis habet Augenius, & eſt præcipuum, ac valliſſimum fundamentum ſententię illorum, qui eius opinionem ſequuntur, vt notum eſt.

Minor tali pacto probatur, febris maligna synocha, vel continens appellata, ex humoribus vel in toto venoſo genere, vel in maximis vaſis, & plurimo calore abundantibus, aut genitis, aut coaceruatis, ibidemque conſiſtis, & malignę putreſcentibus, producit, & generatur; Ergo in ipſa non ſit humorum motus, atque confluxus.

Antecedens habetur apud Galenum lib. 2. de diff. febr. ſuperius adducto, vbi Synochas febres pro cauſa, inquit, habere humores in vena caua, aut in venis, & arterijs omnibus, maximis præſertim, & plurimo calore abundantibus, contentos, & putreſactos, & lib. 11. meth. cap. 4. vbi legitur, Quoniam putredo vel in omnibus conſiſtit vaſis, vel quam maximis &c. primò eam tractandam proponemus, quę vel in maximis vaſis, vel in omnibus conſiſtit, quę igitur ex tali affectu febris oritur, neceſſe eſt Synochum, ideſt continentem eſſe, et confirmatur lib. 2. de criſ. cap. 12. vbi ait, manentibus igitur in venis humoribus continuę ex ipſis generantur febres, ſi verò moueantur, ac per totum corpus ſcrantur, hę quę cum rigore, atque horrore incipiunt, vehementi verò cum ſudore ad

*te ad infabricitationem desinentes, ex quibus Galeni ver-*  
*bis ab humoribus in venis contentis, ibidemque ma-*  
*nentibus synochas generari febres manifestè elluce-*  
*scit, & per consequens absque motu sanguinis, &*  
*humorum fluxu fieri exactè deducitur; ita pariter*  
*consent Fernellius lib. 4. de feb. cap. 7. qui idcò eam*  
*febrem conclusam, sicuti Arabum Princeps, ac eius*  
*Interpretes, appellat, quod ex materia in venis maio-*  
*ribus coercita, & putrescente producitur: Mercatus*  
*lib. 3. de feb. vbi de continentibus; & vt omittam*  
*reliquos Sennertus lib. 2. de feb. cap. 17. vbi febrium*  
*putridarum assignans differentias, inquit, nam ratio-*  
*ne loci, in quo materia paroxismi, & exacerbationis causa*  
*generatur, quem focum appellant, Synocha à periodicis dif-*  
*ferunt, Synocha enim tali loco destituuntur, nec aliunde*  
*ijs materia febrilis subministratur, sed tota in Venis con-*  
*tinetur; in periodicis verò in singulis paroxismis noua*  
*materia suggeritur; id ipsum fatetur Augenius lib. 3.*  
*de feb. cap. 13. & in Epist. ad Pichinum suprà citata;*  
*& est denique omnium Medicorum sententia, qui*  
*nec aliam assignare causam norunt, cur accessionibus*  
*Synocha destituta sit, nisi quia in ea non fit motus,*  
*atque confluxus, ac proinde non ex partita, sed tota*  
*sui materia constat, vt optimè expressit Claudinus in*  
*suis respons. med. resp. prim.*

Præterquamquod, siuè sit sanguis, qui prauè, &  
 malignè putrescens febrem producat, quòd, vt obser-  
 uat Mercatus, vt plurimum contingit eò quod vene-  
 nosa qualitas maiorem cum sanguine habeat analo-  
 giam



giam, siue alij humores cum sanguine commixti, cum in venis consistant, tamquam in loco proprio, vt constat ex Galeno lib. 2. de decret. Hippocr. & Platonis, cap. 8. ibique detenti putrescant, & febrem pariant, frustra ad venas, ceu ad focum putredinis, eorum supponitur motus, atque confluxus;

Consequens alia non indiget probatione; Ergo &c.

Sed obijcient, iam scio, Aduersarij, humores in toto venoso genere, vel in maximis vasis contentos, ibiq; tamquam in foco malignè putrescentes, ab aliqua minera, veluti hepate, ventriculo, liene, vel alia parte eò fuisse transmissos, vel transmitti, nisi enim, dicebat Vir doctus, materia à minera ad focum transmittatur, vel translata sit, non potest oriri febris, vnde hoc pacto ad febris generationem videtur necessarius motus, atque confluxus.

Ast eorum obiectio facillimè dissoluitur, si humorum febres malignas efficientium natura, & generatio attentè considerentur, constabit siquidem primò, humores quoscumque siue naturales, siue non naturales, siue præter naturam, putridarum, & malignarum febrium generationi materiam esse aptos subministrare, eorumque plurimos, & præsertim deterioris conditionis, non in determinata corporis parte, sed in diuersis, & pluribus locis fieri consueuisse, quod de bile porracea, flaua, æruginosa, & atra euidens est, quarum aliam in Ventriculo fieri, aliam in Iecore, & toto venoso genere, docet Gal. 3. de sympt. caus. cap. 2. & pro certo habendum esse affirmat Mercurius,

tus, ita à Gal. eodem edoctus lib. 2. de diff. feb. cap. ult.; qui neque partes carnosas, & solidas ab excrementitiorum humorum generatione relinquit immunes; & ita manifestè apparebit, quomodo vel in omnibus vasis, vel in maximis, & circa cor, materia praua colligi possit, atque coaceruari, vnde nascatur febris, absque eo, quod semper ab hepate. Ventriculo, Liene, aut alia parte transmittatur; expressit id Gal. loco nuper adducto dicens *quod nonnullę partes ex ipsis in se ipsis genitis superfluitatibus principium febricitandi trahunt*; sed diffusè magis, & optimè lib. 2. de aliment. facult. cap. 6. in fine, vbi hanc auream sententiam scriptam reliquit *Ob eam igitur causam omnibus prauis succi edulij. censeo abstinendum, etiam si aliquibus concoctu facilia videantur, nobis enim non aduertentibus prauus succus ex ipsis in venis colligitur post longum tempus, qui postea exiguum ad putredinem occasionem nactus, febres malignas accendit.*

Secundò, quod, etsi pars non generauerit humores, aut excrementa, sed aliunde ea receperit, & postea non eiecerit, putredineque suborta febris inuasit, dicenda adhuc erit humorum non minus minera, quam putredinis focus, ita enim affirmat Claudinus Respons. prim. & reddit rationem, quia tamen per motū fuerint ante excrementa collecta, fuerunt enim vel transmissa, vel attracta, non tamen ratione febris fuere mota, aut ea instante fluxere, sed præextiterunt, & quando putredine fuerunt coinquinata, iam in venis contenta, & conclusa quiescebant,

non



non valente natura vel propter sui imbecillitatem, vel eorum copiam, crassitiem, aut lentorem, aut, malam qualitatem, vel ob viarum angustiam illa à se expellere.

Et rursus fortasse insurgent dicētes, dari febres continentes epacmasticas, quę semper augentur; igitur in his fieri nouam materię aggregationem, & per consequens nouum, & assiduum humorum motum, atque confluxum, esse necessarium; Verū nullius etiam momenti censenda hęc difficultas, ratio enim propter quam epacmastice febres augentur in eo posita est, ipso Galeno auctore lib. 9. meth. cap. 3. quod plus materię accendatur, quam traspiret; quod, & confirmant Fernellius lib. 4. de feb. cap. 4. Augenius lib. 3. de feb. cap. 13. Sennertus vbi de Synocha febre, & ceteri omnes Medici; non enim vel sanguis ipse, vel alij humores Synocham febrem malignam producere valentes in toto venoso genere, vel in maximis vasis contenti, & conclusi, simul omnes semper, & in eodem instanti putrescunt, & accenduntur, alioquin febres acutissimę fierent, & omnino lethales, sed pars, quę magis est apta putrescere, & accendi, id primū patitur, deinde etiam reliquę, quod optimē exposuit Fernellius lib. cit. de febr. cap. 6. ita scribens *quę in venas omnes pariter inuadit putredo, licet earum sanguinem, non tamen eius omnes equę partes occupat, cum enim non omnino simplex sit sanguis, sed ex multorum permixtione compositus, & sero multo perfusus, primum quidem illius portionem putredini magis*  
*obno-*

obnoxiam præhendit ab hac deinde aliam ipsi permixtam, atque confusam, quæ minus, quam illa sit vitiosa; hocque modo sensim obrepens simul calore præter naturam augetur, & inualefcit, nec ante desinit quam partes omnes sanguinis putredini obnoxias absumpserit; & alibi clarius ostendit exemplo phlegmonis, & ignis, qui in lignis accenditur, quò primum stipulæ aridiores, deinde virgulta, postremò ligni materia suo quæque cremantur ordine; quod idem prius expresserat Galenus lib. prim. de diff. feb. cap. 1. exemplo fimi in campo.

Non fiunt igitur malignæ febres, quæ continentes propriè, & primariò sunt, de quibus in præsentì est sermo, cum motu, & materiæ fluxu, non enim materia mouetur iam in venis existens, & hac fortasse ratione promptius putrescit; Quare indicatio reuellendi per venæ incisionem in illis locum non habet; constat enim tunc solùm materiam esse reuellendam, quando vel actu mouetur, & fluit, vel proximè est fluxura, quemadmodum in quarto, quinto, & sexto supposito fuit ex Hippocr. & Gal. mente declaratum: sicque patet falsum esse in omnibus malignis febribus venæ sectionem in gratiam reuulsionis esse instituendâ, quemadmodum supponebant Augenius, & eius sequaces.

A febribus continuis continentibus ad continuas proportionatas progredior, quæ nempè continuæ sunt, quia numquam ad intermissionem, seu infeblicitationem perueniunt, proportionatæ, ac periodicæ, quia plures habent periodos, & accessiones, vel singula,



vel tertia, vel quarta quaque die, iuxta humoris ideam, à quo producuntur; habetur in istis motus materiae, vnde videtur in quidem posse locum habere ea reuulsio, quæ à continuis continentibus fuit meritò abdicata; fit namque eius transmissio, vel attractio, meritò cuius non ex tota, sed ex partita sui materia constant, & quæ singulam facit accessione in singula accessione mouetur, iuxta humoris naturam, qui motu ciatur; non perueniunt ad intermissionem, seu infabricitationem, tum quia materia, vel humor, qui singulam accessione facit non excernitur totus, aut absumitur, sed retinetur, vel ob crassitiem, & visciditatem, vel ob facultatis expultricis imbecillitatem, & viarum angustiam; tum quia ascendit continua in cor effusio, quamuis non ita subita, nec facilis, aut æqualiter, sicut in continentibus, quoniam eleuatur à materia, quæ diffusa est in venas, quæ mediæ sunt, quæ cum sint à corde magis remotæ, non ita subito, aut æqualiter progredi potest ad cor fuligo, & nequit per consequens illud semper æqualiter calefacere, sed nunc magis, nunc minus id agit, prout putredo intenditur, aut remittitur.

Porro materia, quæ continuarum periodicarum causa est, in secunda coctione, quæ fit in hepate, & liene generatur, & proinde sanguini perfecto, & alimentario in venis permiscetur, siue chyli causa, cuius in prima coctione contractum vitium in secunda non corrigitur, siue hepatis vitio, quod malè dispositum ex bono etiam chylo malum sanguinem generat, id contingat,

tingat, atque cacochymia in venis originem præbet, cum autem in venis maioribus maxima pars eius contineatur ab illis deinde, veluti quandoque ab hepate, & liene, vbi genita fuit, in venas medias progreditur, ibique putrefacta, & accensa fuligines, & fumos ad cor mittendo febrem producit, vnde optima ratione scripsit Galenus libro 2. de diff. febr. *sepius autem hepatis, aut lienis affectio causam attulit febri*, & lib. prim. de arte curat. ad Glauc. quotidianam patiente ventriculo fieri, quartanam ex malè affectò splene, & tertianam à iecore laborante.

Fir verò eius motus, vel ob partiū transmittentium robur, vel recipientium imbecillitatem, calorem, aut dolorem, vt secundo de diff. feb. cap. vlt. satis explicatur, idque contingit vel inaccessione, vel paulò ante accessionem, vt ibidem testatur Galenus scribens, quo tempore ad locum concalescentum fluit ab alijs partibus sanguis accessionis principium nuncupari, & rursus, vbi febris principium, ascensum, consistentiam describit, & declinationem.

Hinc apparet materiam, quæ in febribus continuis proportionatis venæ sectione videtur reuellenda, aut in venis cum sanguine consistere, aut in iecore humorum officina (ita enim sentiendum est, donec nouum Io: Pecqueti experimentum, quo nouum chyli receptaculum, & eius ductus ad cor, se inuenisse gloriatur, vnde asserit, appositè admodum Peripateticorum Principem, & venarum cor esse principium, & sanguinis officinam iandiū affirmasse, aliter de facto rem,



se habere docuerit) aut liene, & motū, per consequens auertendum à venis maioribus esse, iccore, aut liene ad venas medias.

Omitto enim, pro nunc, sanguinis ab alijs partibus, præsertim exterioribus, ad locum obincoatam putredinem concalescentum, motum, atque confluxum in febrium accessionibus, quoniam febris causa primaria non est, licet febrē adaugeat; de eo namque paulò inferius, vbi de febribus intermittentibus, in quibus clarius apparet agemus, sermo habebitur.

Igitur, etsi motum humorum compescere in febrium curatione vtile esse non eo inficias, id tamen reuulsione præstandum non esse affirmare non dubito, ac ideo reuulsione gratia, venas inferiores etiam in hisce febribus secandas non esse, in hunc modum ostendo.

Si humores ad venas medias fluentes sint reuulsione auertendi, & coercendi, ad loca contraria, ad principia videlicet à quibus fluunt, erunt retrahendi, sed hoc absurdum est, & inconueniens, & egrotantibus quammaximè perniciosum, ergo reuulsione non auertendi, & coercendi.

Connexum euidentis est ex his, quæ de natura reuulsione sunt alibi prolata, & ab Augenio eodem confirmatur vbi scribit, *postulat reuulsione ratio fieri illam in contrariam partem, & motu instituto ad contrarium, quam humor ipse mouetur.*

Assumptum sic ostenditur; Si sanguis, & humores ad partes vnde discedunt, seu à quibus transmittuntur

tuneur sunt retrahendi, ad venas maiores, siue ad iecur, aut lienem sunt reducendi; at longè maiora damna, seuiora mala ibi possunt inducere, quam in venas medias detrusi, aut delati; Ergo absurdum, & inconueniens est, egrisque perniciosius illos reuelleres.

Connexum omnibus medicam artem profitentibus notum existit, constat enim, quod si humores in venas maiores retrahantur, ibique putrescant, & accendantur, febres continuas continentes producere valebunt, quas multò grauiores esse, & periculosiores proportionatis luce clarius existit; si in iecur, aut lienem Typhodem, & alias immanes non minus affectiones infligere erunt apti, vt frequentissimè in libris de Symptomatum causis ostenditur à Gal. & prius de febribus pronunciauerat Hippocrates lib. pri. prorreth. tex. 21. scribens *febres ab hippocondrijs maligne;*

Neque dicatur, quod venas inferiores secādo, trahuntur deorsum humores, & ad partes ignobiles, vnde ea cuitantur incommoda, atque pericula; certum namque est, non posse fieri eam humorū attractionem, nisi per venas, quocirca antequā ad partes inferiores perueniant, per venas maiores progredi, & remeare omninò est necessarium; cum autem venas maiores rursus fuerint ingressi, non ad eò facili negotio, sectis in cruribus venis ab illis poterunt extrahi, & è corpore educi, necesse siquidem fuerit magnam fieri sanguinis effusionem, quam vires in maligna febre fortasse non ferent, antequam humor ille, qui in maxi-

mis



mis venis, puta venæ Caudæ trunco, aut iecore continetur, ad partem distantissimam, vbi vulnus inflictū est descendat, et è corpore erumpat.

Amplius, humores à venis maioribus in medias defluentes, fluunt quò conuenit; ergo non reuellendi; consequens euidentis est ex ijs, quæ de natura reuulsio- nis superius ex Hippocrate sunt relata;

Antecedens probatur, quoniam tunc materia fluit quò conuenit, quando à parte nobiliori ad minus nobilem delabatur, quando in locum vbi concoqui potest, absumi, & euacuari; quod sanè in fluxione humorum à venis maioribus, aut iecore ad venas medias contingere discurrentibus illucescet, sunt enim partes illæ minus prioribus nobiles, & in illis fit humorum concoctio ex Gal. lib. 3. de sympt. caus. cap. 2. vnde ad vrinas respiciendum est, eodem auctore lib. prim. de cris. cap. 7. nec non absumptio, & euacuatio; si fuerint enim humores tenuiores, potentia robusta, corpus rarum, maximam eorum partem resolui in sudorem, vel insensibiliter euacuari idem testatur lib. 2. de diff. feb. cap. vlt.

Addamus, quod si facienda sit decantata reuulsio, tunc maximè facienda, quando humores fluunt, vel proximè sunt fluxuri; quod cum contingat in accessione, vel paulò ante, in accessione pariter, vel paulò ante vena erit secanda; quod quam absurdum sit, & per se est euidentis, & latius infra à nobis explicabitur.

Non expedit igitur humores cum sanguine à venis maioribus, aut iecore ad venas medias fluentes retra-  
here

here, ac reuellere, sed è venis, à iecore, & à corpore abducere; ita namque subtracta materia fluxura, fluxio rectè compescitur, vt alibi declaratur; vnde malè ex eo inferebatur, venę sectionem in partibus inferioribus reuulsionis gratia in febribus malignis etiā continuis proportionatis esse instituendam.

Quod si tamen adhuc reuellere opportunum esse quis mordicus contendat, animaduertat non ideò semper in partibus inferioribus celebrandam fore phlebotomiam, cum enim materia è partibus superioribus effluat non minus, quam ab inferioribus, et ad venas medias similiter, quę per partes tam infrà, quàm supra iecur, disseminatur, irruat, si venę reuulsionis ergo tundendę sint, superiores equè incidere expediet, ac inferiores.

Ad febres tandem intermittentes sermonem conuerto: harum nomine febres intelligendę, quę manifestè aliquando desinunt, tempusque aliquod habent per se accessione vacuum, quod infebricitationem, seu intermissionem vocamus, ad differentiam Antiquorū, qui omnes febres, synochis exceptis, intermittentes appellabant, eo quia in ipsis fieret caloris modò incrementum, modò remissio, vt explicat Galenus lib. 4. epid. com. 3. tex. 2.

Sunt huiusmodi, quoniam vapores putridi à quibus in corde calor febrilis accenditur, non continuè, sed per interualla quędam ad illud feruntur, & per certas periodos illud affligunt.

Nonnullę ex illis fiunt cum motu materię, alię sine motu, vnde in aliquibus idem locus minera simul,

& fo-



& focus putredinis existit, in alijs diuersa habentur loca focus, & minera.

Porro materiam febrium intermittentium in prima corporis regione, vt plurimum produci, & cumulari, ventriculo scilicet, mesenterio, caua iccoris, & alijs circa præcordia visceribus, cõmunis est omnium ferè Medicorum sententia. De loco autem in quo putrescit, & accenditur variæ, ac diuersę habentur opinioniones, quas omnes recensere, & expendere non est huius loci; Nobis enim sat est in præsentī assumere cum Augenio lib. 5. de feb. cap. 4. quod vel putrescit materia in prima corporis regione, vt censuit Fernelius, vbi genita fuit, & cumulata, absque eo quod moueatur, & vapores in cor transmittens febrem inducit; vel per motum, aut in venas communes detruditur, & expellitur, vt placuit Argentorio & Sennerto; aut in capillares, vt arbitrati sunt Claudinus, & alij, vel in ambitum corporis, vt cum Gal. Alcimarus & cæteri senserunt, ibique putredine concepta eodem planè modo febrem producit, si simplici labefactata putredine, simpliciter putridam, si excellenti, sordida, & venenata etiam malignam; hinc enim sat elucescet, an ea reuulsio in illis admittenda sit, quæ ab Augenio, & alijs in febrium curatione adco expetitur.

Quod in febre, quæ ex materię putredine in primis vis absque fluxione, & motu generatur, reuulsio locū non habeat, non indiget probatione, vbi enim non adest materię motus, ibi non est inducenda reuulsio.

Quod

Quod verò in alijs etiam, quæ cum materiæ motu fiunt, idem sit statuendum, superius allatis rationibus manifestè conuincitur; Primò enim si materia aliena à sanguine, & extrà venas sit (loquimur enim de reuulsione per sectam venam) hæc phlebotomia non est mouenda, sed pharmaco. Secundò cum non fluat ad cor, aut aliam principem partem, non est pariter retrahenda; Tertiò, & eò minus quod fluit, & defertur quò maximè conuenit, cum ad partes exteriores, à corde magis distantes, minus nobiles, & à quibus potest facilius depelli, & euacuari, vel per insensibilem transpirationem, vel per sudorem, decurrat, & propellatur.

Omitto quod vel singula, vel tertia, vel quarta, quaque die prout in singulis fiunt accessiones, esset instituenda reuulsio, & vena incidenda, & vel in ipso paroxismo, vel paulò ante, quo nihil absurdius;

Et tandem quod sic haberetur ratio solius paroxismi particularis, & materiæ quæ singulam facit accessionem, quod non est ad rem; materiam enim, quæ ad paroxysmum particularem efficiendum defertur, & confluit naturæ incumbit absumere, & expellere, & illud de facto præstat; in hoc enim consistit ratio, cur febris intermittat, vt docuit Gal. 2. de diff. feb. cap. vlt. Quare non eius materiæ, quæ præsentem producit accessionem, sed eius, quæ nouos factura est paroxysmos à Medico habenda est ratio; & hoc non solùm in intermittentibus, sed & in continuis proportionatis locum habet, & illud est quod dicebat magister lib.



2. aph. tex. 22. huiusmodi opus esse quoddam mixtum ex præseruatione, et curatione; licet tamen prædictæ causæ ablatio, curatio sit, vt habet lib. 11. meth. cap. 2. cum impossibile sit curare morbum talem, non sublata causa; ea autem in casu nostro cum in parte contineatur, non reuellenda est, sed euacuanda.

Reliquum est vt motus, & fluxus sanguinis ab exterioribus ad interiora, seu ad focum putredinis in februm accessionibus contingens, continuis proportionatis non minus fortasse, quam intermittentibus communis, de quo locutus fuit Gal. loco ab Augen. cit. iam expendatur; ex quo quam malè deducat idem vir doctus secandas perpetuò esse inferiores venas, vnico patet intuitu, considerantibus; Cum enim moueatur sanguis tunc temporis ab extra, ad intra, postulat reuulsionis ratio fieri eius retractionē ab intra, ad extra; quod cum non minus præstent venarum superiorum sectiones, quam inferiorum, aperto in errore versari, qui ob illum motum semper inferiores venas tundendas statuunt, manifestè conuincitur.

Quæ igitur dicturi sumus pro ea sententia expugnanda non sunt necessaria; placet tamen in ea, & Gal. verbis considerandis paulò digredi, vt saltem multorum errores melius deregantur, & vera in hisce difficultatibus procedendi methodus palàm fiat.

Exponebat Vir ille Clariss. quomodo febres, quæ circuitus habent, ac periodos producantur, & multis suo more doctissimè exaratis, docebat tandem, euenire aliquando, vt vna pars superfluitates generet,

neret, & postea cum robustior sit ad aliam imbecilliore[m] eas detrudat, atque principium illi febricitandi afferat; contingere aliàs, quod cum easdem nequeat expellere, aut propter sui imbecillitatē, aut viarum obstructionem, tale iisdem contentis sibi constituat febricitandi principium, quale alteri, dum illas ad eam transmittit afferre solet; putrescunt quippè in ea ipsa superfuitates, & fluxionis rursum aliarum in eundem locum causa fiunt, quæ postea cum diffuari, aut euacuari nequeant, una cum prioribus putrescunt, & simul omnes febrilem caliditatem in membro, & parte producant.

Hoc expósito subiungit, sed & retro ostendimus ubique accenditur, atque augetur caliditas istuc ab alijs partibus sanguinem solere confluere, quo verò tempore confluit, illas quidem priuatas sanguine refrigerari est necessarium, quod verò patitur membrum grauari, ac distendi, ac sanguinem ipsum confluentem alterari, hocque duplici ex causa, & quia alijs, quæ putrescant superfuitatibus admiscetur, & quoniam intrusum diffuari non potest, quo fit, ut instar lignorum humidorum, quæ paucam vniuersim super flammam proiciantur, succendantur, atque hoc tempus accessionis principium nuncupatur; cum verò iam caliditas materiam conuicerit, tunc huiusmodi tempus, & augmentum, & ascensus vocatur; in hoc verò usque adeò calor augetur, ut non modò locum exurat, qui est quodammodo putredinis focus, sed & continuatim per totum corpus dispergitur;

At cum iam ad summum feruoris deuenerint humores ac-



*censi, id accessionis tempus consistentia appellatur, tunc verò uniuersum laborantis corpus igneum videtur, extensa per totum animalis corpus caliditate; hinc verò si humores fuerint tenuiores, potentia robusta, corpus rarum, maxima humorum putrescentium pars in sudorem reffoluta euacuatur; si verò hi crassi fuerint, vis autem expultrix imbecillis, & viæ angustæ, nihil quidem effluit sensui manifestum, sed id solum, quod ita est extenuatum ut in subtilioris humoris naturã transferit, tunc huiusmodi tempus declinatio appellatur, quidam feruescentium humorum difflatus existens; sed cum in parte remaneat affectus, necessarium est in ipsa superfluitatem aliam generari, cum id quod denuò ad ipsam alimentum attrahitur, non totum conuincatur, quæ rursus, ut antea dictum est, a putridis superfluitatibus in parte relictis, & proprio vitio putredinis principium accipit, & cum satis caluerit, rursus ad eam influit; quemadmodum antea ex alijs animalis partibus sanguis, atque eodem modo rursus principium, ascensus, consistentia, declinatio alterius fit accessionis. ita Gal. cuius singula uerba placuit adducere, quia multa continent consideratione digna, & ad præsentis quæstionis elucidationem, quammaximè facientia; quorum primum est;*

*Solere quidem fluere sanguinem ad locum, seu focum putredinis, quo tempore febris oritur, sed in tantum moueri, in quantum prius in eo accensa est febrilis caliditas, qua mediante pars est calefacta; quare ille sanguinis motus, atque confluxus nõ est causa primaria febris, licèt, eo mediante, eidem postea incrementum*

mentum accedat, vnde sanguis confluens per se non producit febrem, quamuis illam adaugeat.

Secundum, quod, fluente à partibus alijs sanguine partes à quibus discedit, refrigerantur; vnde etsi videatur vniuersaliter verum dictum illud, vbi cumque accenditur, aut augetur caliditas, illuc ab alijs partibus sanguinem solere confluere, in febribus tamē videtur coarctandum; cum enim afferat signum Galenus, quo cognoscitur, quando ab alijs partibus ad locum concalescentem sanguis refluit, dicens, partes illas necessariò refrigerari priuatas sanguine, non absque ratione infertur, non semper, & in omni febre ad focum putredinis talem fieri confluxum, quia neque semper, neque in omni febre talis apparet partium refrigeratio; quæ tamen sanguine, & calore ad interiora recurrente manifestè se exerit, vt patet in Lypiria; quare vel non apparente, vel cessante partium refrigeratione, sanguinis similiter refluxum, vel non fieri, vel remitti licet argumentari.

Tertium, fieri huiusmodi motum, & fluxum in accessione, immò tempus quo refluit sanguis præcisè accessionem vocari, vt sonant manifestè verba contextus, & explicat Augenius lib. 5. de feb. cap. 4. dicens, *nam quotidie obseruamus calorem naturalem, & sanguinem retrahi ad viscera accessione inchoante, sic Galenus testatur lib. de rigore, & conuulsione cap. 7. scribens, inclinare, in corporis altum sanguinem, ac ideò eius exteriora refrigerari.*

Quartum, sanguinem in partes penitiores corporis



ris defluxum in accessione, in augmento ad exteriores rursus regredi, & in declinatione cum alijs superfluitatibus, vel per insensibilem transpirationem, vel per sudorem absumi, & euacuari.

Quibus animaduersis dicendum cum Sennerto lib. 2. de feb. cap. 4. eorum opinionem, qui sanguinem mittendum censent, quatenus peccat ratione causę adiuuantis (quatenus scilicet in periodo febrium ad focum confluit) vix locum habere, addo ipse, nullo modo admittendam; Primum, quia sublata sanguinis abundantia, non facile fiet aliquis talis confluxus, quod statuit magister eodem loco scribens, *illud enim competum habetur, quod semper in corporibus plenis, aut in quibus inutilis materia redundat, magna portio ad eas defluit partes, quę vehementius incaluerint, in ijs autem, quę superfluitatibus vacant, admodum pauca, & ex ijs, quę libro 11. metho. habet cap. 10. manifestę ellicitur, vbi affluxum affluentium humorum euacuata multitudine compescendum precipit; & sanę euacuata humorum abundantia, fluxum cohiberi, ita certum est, vt & ipse Augenius illud non negauerit, lib. namque 7. de sang. miss. cap. 9. ita scriptū reliquit, at si vitio totius contingat fluxio propter affectum pletoricum, vel malam aliquampiam qualitatem irritantem, aut ob affectum distantium partium, tunc à totius vacuatione exordiri curationē expediet, & Thurrinus Aduersatio suo Montisiano, cum quo pugnat accerrimē illud etiam concesserit, nulla, exactius, asserens, compesci posse humorum affluxum ratione, quam euacuatione, & quod de sanguine dici-*

dicatur; de alijs pariter humoribus statuendum est, si enim eorum fiat à locis, in quibus continentur, antequam fluant, euacuatio, cohibebitur absque dubio eorum fluxus, & ita alia reuulsione non erit opus;

Secundò, quia non semel tantum, sed sæpius venam incidere esset opus, idest quotiescunque fieret febris inuasio; tunc enim fit sanguinis, & humorum motus, atque confluxus; atque in tantum reucllitur venę sectione sanguis, in quantum eius loco, qui à vena incisa prodit, alius succedit, quare clausa vena, cessat reuulsio, vt cum Cornelio Celso, & alijs doctis viris alibi declarabitur.

Præterquamquod in ipsa accessione, vt patet, vel paulò ante, illud esset peragendum, quod expressè Galenus prohibet in præfatio exper. confirm. & in sola declinatione faciendum consulit lib. de sang. miss. cap. 22. cuius rationem reddit doctissimè Fernellius lib. 2. meth. med. cap. 13. scribens, *vacuatio non ex-candescenti, sed mitescenti morbo afferenda; natura quidem plerumque febriū maximèque intermittentium inuasionibus vomitus, & declinationibus sudores commodè ciet, quo tempore nobis etiam licet utiliter promouere, at non vel alui deiectionem, aut venę sectionem; in accessionibus ab his omninò temperandum est, vt quas neque natura tum molitur, sed si quæ fortè incidunt, solius morbi feruore, impetuque fiunt; nulla huiusmodi euacuatio, quæ vires supra modum lacescit, in tanta accessionum, quasi fluctuum agitatione tutò obiri posset. quibus ijsdem rationibus ab ea operatione tunc temporis abstinendum esse omnes faci-*  
*centur*



tentur Medici, quos recensere nimis esset longum.

Quartò quia absque necessitate id fieret, & esset superfluum, cum humores, qui in principio mouentur à circumferentia ad centrum, in augmento, & statu à centro ad circumferentiam regrediantur, in declinatione per insensibilem transpirationem, vel sudorem euacuentur, & discutiantur.

Et sanè, si ex eo sanguinis motu desumenda esset pro febrium curatione reuellendi indicatio, Galenus, qui in omnibus artis operibus fuit præstantissimus, & in traddenda methodo medendi omnium acuratissimus, huiusmodi indicationem nequaquam omisisset, quod tamen ab eo factum, eius opera euoluentibus fiet manifestum, neque enim in libris methodi, ubi exactè pro febribus curandis indicationes exposuit, neque de arte cur. ad Glauc. neque alibi eius meminisse indicationis, compertum est;

Et summa quidem ratione, quoniam ex eo sanguinis motu non producitur primariò febris, sed ex superfluitatum putredine, & in tantum concitatur sanguinis confluxus, in quantum à superfluitatibus eisdem putrefactis augetur in parte caliditas.

Denique, vel consideratur sanguis ut fluxurus, vel ut fluens, vel ut fluxus; si primum cum in partibus sibi à natura destinatis contineatur, & ibi quiescat immobilis, ab illis est euacuandus; materię siquidem in parte existenti competit euacuatio, & facta educatione materię fluxibilis, & fluxurę fluxionem commodissime, & optimè inhiberi demonstratum est; si  
secun-

secundum, in accessione facienda esset reuulsio, & vena incidenda, quo nihil absurdius; si tertium, vel rursus eius facienda euacuatio, vel opus naturæ comittendum, & relinquendum, naturæ enim incumbit, sicuti cæteras superfluitates, ita & sanguinem cum eisdem commixtum, & putrefactum discutere, et euacuare, quod & de facto præstat, vt supra cum Galeno asseribamus.

Præterquamquod cum idè fluat, quia à calore in parte à putredine accenso fit eius attractio, habita humorum putrescibilium euacuatione, et putredinis curatione, calor in parte non amplius excitabitur, aut augebitur, sed extinguetur, & cessabit per consequens sanguinis fluxus eius remota causa.

Sed demus, vt aliquid etiam contrarię sententię Auctoribus concedamus, quod sanguinis ille motus sit reuellendus; postulat reuulsionis ratio, ipso asserente Augenio, fieri illam in contrariam partem, & motu instituto ad contrarium, quam humor ipse cõfluit; igitur ab intrà, ad extrà erit auuertendus; hoc autem non minus fiet sectis superioribus venis, quam inferioribus; quando præsertim non minus, immò fortasse magis, à partibus supernis refluat, in quibus magis abundat, quam ab infernis, qua ratione in dolore nephritico, licèt sanguinem non minus in cubito, quam in poplite vena incisa liceat extrahere reuulsionis ergo, expedire nihilominus sanguinem mittere magis ex cubito statuit idem Augenius lib. 7. de sang. miss. cap. 6. in fine; ratione igitur motus sanguinis

Q

in fe-



in febrium accessioneibus, aut non est instituenda reuulsio, aut ea ratione vena in partibus inferioribus non est perpetuò secanda.

Multò minus ratione caloris; tantum enim abest quod ex caloris, & spiritus ad interiora recursu faciendi reuulsionem emergat indicatio, quin potius, si ita loqui liceat, motus ille sit promouendus, & adiuuandus; reuocantur enim tunc tēporis ab exterioribus ad interiora calor, & spiritus à natura, vt notat Fernelius lib. 4. de feb. cap. 10. quasi in sui opem, atque subsidium, *sagax enim natura*, vt eleganter exponit doctiss. meus Sigismundus Nigris solus Medicus sua tempestate clarissimus decis. 4. *cum persentiat humores in profundum vergi, timens nocumentum, quod ex motu humorum in profundum versorum potest accidere, & de inflammatione, vel eius augmento, vel alijs symptomatibus, reuocat naturalem calorem totum simul unitum ad profundum, vt sibi opituletur, & humoribus ressiſtat, eos preparando ad digestionem, si vis valida fuerit, vt vult Galenus, vel ipsis digestis, eosdem sensibiliter, vel etiam insensibiliter expellendo, vel ressoluendo, vel saltem prohibendo, ne humores ipsi ad intra corpus effreniter ad membra nobilia suo libitu vagando percurrant; quare impium tunc esset calorem, & spiritus ad exteriora euocando, tantum præsidium strenuissimæ morborum debellatrici furari, atque abripere, vnde humorum sibi infensorum pondere oppressa, corrueret, atque succumberet; & hæc, quo ad expositas, pro statuēda reuclendi indicatione, ab Augenio rationes, dicta sufficiant.*  
Subiun-

Subiungit deinde, *urgere præterea mihi videtur mor-  
bi natura, quam venenatam esse traddidistis; at ubi ve-  
nenum cor obsidet, nihil potest inueniri præstantius, quam  
attrahere illud ad partes maximè distantes, & quæ igno-  
biles existunt; fieri posse attractionem venenati humoris  
à venis inferioribus vacuatione facta, multòque tutiorem  
esse, quam si quis cubiti venam incideret, non est meo qui-  
dem iudicio ambigendum;*

En alia ratio, ob quam secandas venas inferiores  
autumat, in qua maximè fidunt, qui eam sequuntur  
opinionem, ut scilicet eò trahatur venefica qualitas;  
vnde, & anam arguendi venarum superiorum sectio-  
nem arripuerunt, dicentes, celebrata in brachijs phle-  
botomia trahi fursum materiam, & ad cor duci, quod  
ijs, qui artem medicam non calant, eam operationem  
non parum suspectam reddidit.

Verùm in eo primùm, mea sententia, aberrat vir  
doctissimus quod asserit, ubi venenum cor obsidet  
nihil posse inueniri præstantius, quam attrahere illud  
ad partes maximè distantes, & quæ ignobiles exi-  
stunt; multò namque præstantius, ut reor, videbitur  
vnicuique, etiam artis ignaro, illud è corpore expel-  
lere, & deturbare, vel aptis alexipharmacis infrin-  
gere, ac edomare; cum enim venenum sit toto genere  
præter naturam, indicatio, quæ ab illo desumitur,  
est eius euacuatio, & eradicatio, non ab vna in ali-  
am partem retractio; id enim quod omninò alienum est,  
nulla ratione fieri potest, ut nature gratiam recipiat, sed  
educere quamprimum est tentandum inquit Magister lib.



4. de tuenda sanit. cap. 3. & 2. aphor. tex. 17. nec non 9. meth. cap. 10. quare venenata qualitas etiam in febribus malignis è corpore protinus est educenda, ac eliminanda, vel contrarijs medicamentis nempe alexipharmacis infringenda, & debellanda iuxta eiusdem præceptum lib. 13. meth. cap. 6. & lib. 6. epi. tex. 5. & quoniam ea in sanguine, & humoribus putrescentibus residet, & stabulatur, peccantibus humoribus euacuatis, & ipsa educetur, & illud est quod doctiss. Mercatus aiebat, *quod minus superest veneni sanguine misso*, quod & confirmat Mercurialis trac. de pestil. cap. 26. ubi docens in febribus etiam pestilentibus veris sanguinem mittendum, allata Auicennæ auctoritate, subiungit, *facit*, & ratio, *quia si venenum citissimè, citra omnium controuersiam est à corpore tollendum, atque ipsum venenum residet in sanguine putrescente, planè si auferatur sanguis, consequenter fomes, & fundamentum veneni auferetur.*

Magis igitur expedit malignam, & venenatam qualitatem è corpore educere, quam ad inferiores partes attrahere; quocirca cum in sanguine, & putrescentibus humoribus resideat, illi verò modo in venis superioribus, modo in inferioribus magis abundare soleant atque consistere, desumpta à loco in quo insunt, & ideo malè affecto, euacuandi indicatione, & venam secandi, si id cetera permittant, modò in vna, modò in altera parte id erit exequendum, prout videlicet facilius, & promptius futura est vitiosi, & venenati succi euacuatio, exhausta enim hoc pacto  
minera

minera, à qua putridus eleuatur vapor, qui cor la-  
cescit, fumosa, & fuliginosa desinet effumatio, vt  
animaduertit Galenus lib. 8. meth. cap. 4. adaucta ex-  
tinguetur caliditas, & febris euanesceat; an verò secta  
in brachio vena, materia praua, & maligna sursum  
ad cor, vel ad alias principes partes trahatur, & per-  
ducatur, suo loco manifestabitur.

*Tandem subdit, motus etiam naturæ in pestiferis hisce  
febris indicat nobis quid agendum sit, solet enim na-  
tura materiam venenosam in inguinibus, expellere &c.  
cur igitur nos illius imitatione non ducemus humores ma-  
los ad infernas partes?*

At nos concedimus quidem, si natura transmittat  
humores ad infernas partes, eius imitatione debere  
medicum eò pariter ducere, & à partibus inferio-  
ribus tunc temporis sanguinem exhaurire; non ne-  
gamus enim dari etiam casus, in quibus venas in ta-  
lis, seu poplitibus sitas, expedit incidere, vt sumus po-  
stremo exactè explicaturi.

Monitos tamen viros doctos volumus, qui Aug.  
sequuntur, in febribus malignis, & pestilentibus non  
semper naturam humores prauos, & venenatos ad  
inguina expellere, sed ad axillas quandoque, & alias  
superiores partes eos detrudere, quo in casu à venis  
inferioribus non esse educendum sanguinem, ne pra-  
ua, & venenata materia ad cor trahatur, seu per il-  
lud perducatur, alibi adnotauimus, ita consulunt me-  
dici clarissimi, Manardus Patriæ meæ splendor lib. 5.  
Epist. Epist. 3. vbi scribit, *quæ autem vena secanda sit,*  
his co.



his cognoscendum, si tumor, vel dolor in collo, vel supra apparet, vena cephalica secanda est, quae supra cubitum in parte exteriori inuenitur; si à collo usque ad pudenda, vena iecoraria, si in inguinibus, vel infra, vena, quae est supra talum interior, quam saphenam vocant; Mercurialis lib. de pestil. cap. cit. asserens, si malum se prodatur in partibus superioribus, à basilica sanguis mittatur, si in inguinibus, coxis, &c. subtus iecur, potius elligenda erit vena poplitis, ut quemadmodum in illis partibus se exonerare natura tentat, ita ei auxiliemini. Iulianus Palmarius de feb. pestil. cap. 23. vbi exposito quod in febre pestilenti mittendus sit sanguis, mittendus, inquit, è pede quidè, aut poplite, si bubo protuberet in inguine, aliaue parte infra lumbos sita, è brachio verò, si in faucibus, aut axillis, aut alijs partibus, quae renes superant; si nec bubo, nec carbunculus inerit, basilica pertundatur. & denique ut alios omittam, Zacutus lib. 4. de medic. prin. hist. hist. 48. de phlegmone pestifero asserens, si dolor, aut tumor in collo, aut iuxta aures existat, humeraria secanda, si sub alis, iecoraria, aut media, si inguina, aut inferiores partes occupet, secanda saphena; hancque esse omnium medicorum methodum affirmat;

Ex quibus constat errare Augenum, & alios hoc etiam in loco triplici ratione, primùm, quia melius existimant attrahere venenum ad infernas partes, quàm è corpore extrahere, quod quam ineptum sit modò supra ostendimus. secundò quia semper facere naturam in partibus inferioribus abscessus supponunt, quod est manifeste falsum; tertio quoniam ex particulari

ticulari dedducere nituntur propositionem vniuersalē, quod maxima reprehensione dignum esse, scolastici norunt.

Expenſis hoc pacto Augenij, & aliorum rationibus pro venę ſectiōe in partibus inferioribus perpetuò in malignis febribus moliendā, cum tamen generoſum hoc præſidium ab earum curatione non ſit penitus excludendum, atque eliminandum, vtpotè quod à viris ſamatiffimis maxima cum ægrotantium vtilitate multoties ſuo loco, & tempore in vſum ducitur;

Quibus rationibus, & in quibus caſibus eo ex arte, & methodo vtendum ſit, reſtat conſiderandum, omiſſis pro nunc ſuppreſſis vel hæmmorroidum, vel menſium euacuationibus, de quibus nemo ambigit, vt ſaltem ſciant, & valeant qui illud indifcriminatim, vno, vt inquit Gal. calopodio omnes calceando, & ſemper in omnibus malignis febribus adminiſtrant, præter decantatam reuellendi humores fluentes à corde indicationem, alias reddere cauſas, quibus in curatione febrium malignarum locus illi ſuperſit, & ſit concedendus.

Non diſputabimus, an in malignis febribus conueniat miſſio ſanguinis, & an per venę ſectiōem, aut per hirrudines, aut cucurbitulas ea ſit molienda; de his enim diſfuſè, atque doctiſſimè fuit actum à viris ſapientiſſimis, quos poteſt vnusquisque conſulere ſuo libitu. ſed eorum ſubſcribentes ſententię, qui in febribus malignis reperiri vt plurimum indicantia, & per-



& permittentia generosum illud, & magnum auxilium, venę sectionem, cum prohibentium absentia, statuunt, quam pariter admittunt Augenius, & qui cum sequuntur, venam si non semper, frequentissimè tamen esse scindendam, asserere non dubitamus.

Porro, cum multa sint, quę venam esse incidendam in febribus malignis possunt suadere, præcipua tamē ratio, quę illud videtur demonstrare, est materię peccantis, à qua febris producitur, vel fouetur euacuatio; Est enim venę sectio præsidium per se, & primariò euacuatiuum, & euacuandi gratia primò adhibetur, vt docet Gal. lib. 9. meth. cap. 11. cui consentit Augenius lib. 2. de sang. miss. cap. 17. licet non contemnenda sit tamquā reuulsorium etiam præsidium, vt idem notat magister lib. de cur. rat. per sang. miss. c. 11.

Hinc est, quod eius indicans proprium, & primum sit materia peccans minuenda, & euacuanda; idcirco in febribus, tum putridis simpliciter, tum etiam malignis, nec non pestilentibus primò & per se instituitur phlebothomia, vt materia, quę exuperat & ita nature infensa est vacuetur, è corpore educatur; & si aliquando etiam, vbi opus fuerit, & deriuandi, & reuellendi gratia adhibeatur.

Quę cōmunissima ratio pro venę sectione celebranda ab omnibus admittitur, nec audent eam negare, qui venam in partibus inferioribus semper tundendam autumant; & habetur expressa à Gal. lib. 11. meth. cap. 10. & alibi, vbi indicationes exponit pro febrium curatione, & apertissimè ellicitur ex famosissimo

tissimo eius decreto alibi expresso *saluberrimum esse mittere sanguinem in omni febre putrida &c.* eius enim assignans rationem, inquit, *levata namque natura, quæ corpus nostrum regit, exonerataque eo, quo veluti sarcina premitur, haud egrè quod reliquum est vincet &c.* constat etenim quod, si levanda, & exoneranda natura sit à premente sarcina, materia illam grauians & opprimens è corpore est educenda.

Quoniam verò materia naturæ infensa potest esse vel sanguis, vel alius humor, & sanguis vel inculpatus, & sola peccans copia, vel praua qualitate affectus, atque putrescens, hinc orta olim dissensio inter artis medicæ Proceres, & qui prius vnanimes fuerunt, atque concordēs, in varias ac dissidentes sententias abierunt; nonnulli enim sanguinem solum venæ sectionem exposcere mordicus tenuerunt, alij cæteros etiam humores, dummodo mixti cum sanguine in venis reperiuntur, eandem admittere constanter affirmarunt; & rursus non defuerunt, qui sanguinem tantum extrahendum assererent quando sola copia peccat, nō qualitate, eoque putrescente venæ sectione mouere nefas existimarunt, Galeni sententiæ perperam inherentes lib. 11. meth. med. cap. 14. qua videtur statuere venæ sectionem putredinem non curare: Oppositum tenuerunt alij, & putredine sanguinem adhuc coinquinante conueniens esse præsidium phlebotomiam assue-rare non dubitarunt.

Quas omnes opiniones exactè expendere, & argumenta, quæ pro vnaquaque asseruntur attentius con-



siderare non est huius loci, & nimis in longum produceret orationem, quare disputationibus omiſſis, quarum plena exſtant volumina, veriori principum medicorum ſententię inherentes, dicimus, venę ſectiōnem indicari quidem à copia, & multitudine minuenda, & euacuanda; verū nomine multitudinis non ſolam ſanguinis puri, & ſinceri, prout ab alijs humoribus diſtinguitur, & ſeparatur, exuperantiam eſſe intelligendam, aut etiam maſſę ſanguineę, quę ex omnibus conſtat humoribus proportionaliter mixtis, nondum putredine coinquinatę adauctam multitudinem, à qua pletoria vera à Medicis hodię vocata exoritur, & conſtituitur, ſed ſanguinis quamcumque, & reliquorum etiam humorum abundantiam cum ſanguine commixtam, dummodo in venis conſiſtat, quam deſcribit Gal. lib. 2. de comp. med. ſec. loc. cap. prim. ſiue putredine labefaſtata ſit, ſiue nondum putrida, vt eidem probari com. 2. aph. t: 17. euident eſt vbi legitur *nunc verò hoc tantum ſufficiet adiungere ijs, quę à nobis prius ſunt enarrata, quod incipere quidem poteſt ea, quę ad vires refertur multitudo abſque corruptione, verū non poteſt bona permanere, nam omnino neceſſe eſt, vt ſecundum qualitatem tranſmutetur, & proceſſu temporis corrumpatur, verū etſi iſtud fiat, interim multitudinem ipſam nominabimus, donec ex ſuperflui euacuatione reſſiduum bonum fieri poſſit; ex ea enim pletoria notha, & non pura producitur, & conſtituitur, quam venę pariter ſectiōne tollendam eſſe habetur expreſſè ex eodem, loco cit. & cap.*

11. lib. 9. met. ubi legitur *venę sectionem euacuandi sanguinem gratia institui prout inutilis est nature, fieri autem inutilem vel cum propriam qualitatem ad unguem non seruat, vel cum ita multitudine creuit, vt vires premat, & est illud quod intelligebat Auicena lib. prim. fen. 4. cap. 20. scribens phlebotomia est euacuatio vniuersalis, quę multitudinem euacuat, multitudo autem est augmentum humorum super equalitatem ipsorum in venis, & paulò post unusquisque autem eorum, aut phlebotomatur propter sanguinis multitudinem, aut propter ipsius malitiam, aut prpter utrumque.*

Quamuis enim phlebothomia sanguinem primariò respiciat multitudine peccantem, & pro demenda pura plethoria primariò instituatur, non minus tamen utilis est, & ex arte instituitur in ea, quę notha est, & non pura; ita omnes clariores Medici in presenti statuunt, quibus plenis votis assentitur Aug. l. 4. de sang. mis. c. 2. scribens, in cachochymia exquisita siue in venis, siue extra venas, non conuenire venę sectionē, at in ea, quę non ita sit exquisita, (quam etiam haud immeritò plenitudinem secundum quid vocare possumus) inutile non esse remedium; nō minus enim educi venę sectione alios humores in venis existentes, quam ipsum sanguinem, ita euident est, vel ipsa autopsia, vt illud negare, sit ipsum sensum fallere.

Quoniam autem clarissimam hanc veritatem non desunt, qui in dubium reuocant, & vel suis ipsismet oculis fidem non habent, principum adhuc medico-



rum testimonia, & auctoritates in eorum gratiam placet adducere.

Quod igitur sanguis, non solum qualitate peccans, & alijs humoribus foedatus, sed & putrescens, per venam sectam commodè extrahatur, habetur expressè ex Hippocrate lib. 2. acut. tex. 10. vbi in Pleuritide ascendente sanguinem vsque ad coloris mutationem incisa vena imperat educi, donec scilicet multò rubicundior fluxerit, aut pro rubicundo liuidus, quæ mutatio coloris ex rubicundo in liuidum, indicat apertè hauriri venæ sectione sanguinem non solum purum, ac sincerum, sed alteratum, transmutatum, ac etiam semiputridum; & à Gal. asseritur lib. 4. de sanit. tuend. cap. 4. vbi proponens iuuenem præter alia etià in cruditates sæpe incidisse, & ita corpore affectum esse, vt totum malis succis refertum suspiciatur, si curatione præscripta adhibita malum adhuc perseueret, ac persistat, *de Valentiore inquit remedio est cogitandum*, & si lassitudo adhuc infestet, *estimandum est*, ait, *cum sanguinis copia, an per se solus consistat vitiosus humor, qui lassitudinem creet, nam si cum sanguinis copia aut vena incidenda, aut aliud quod tantundè valeat agendum.* & paulò infra, pone igitur talem hominem ex mala victus ratione lassitudine affectum, deinde ex his, quæ retulimus notis in venoso genere apparere, subesse illi copiam semicrudorum humorum, in reliquo autem corpore toto multitudinem humorum sanè mordacium, quos lassitudo secuta sit, auctus præterea illi quodammodo, & sanguis esto, maxime ergo, vt dictum est detrahere primò de sanguine oportet.

*ret, deinde succum illum qui superat educere. nec non lib. 8. meth. cap. pariter 4. vbi methodum traddens curandę febris diarię ab obstructione pendentis, ne transeat in putridam in corporibus naturę calidę, & siccę, ac proinde vitiosis succis pręditis, hæc prorsus habet, sed quę ex praua oritur obstructione, ea ut dictum est, saltem inter initia diarijs similis est, protracta tamen inclinatione suspecta redditur, quamuis putredinis indicia in pulsū adhuc non appareant, quippe nisi vitiosus succus penitus transpiret, necesse est ut putrescat, ergo ut transpiret maiori auxilio est opus, ac siquidem vel puer, vel senex sit sanguinem extrahere non licet, inter has etates, ubi robur agro non deest, secunda vena, etiam si plenitudinis signa non adsint, præstat enim vitiosi succi maiori parte emissā ad detergendas obstructiones accedere.*

Omitto quod synochum putridam in iuvene curauerit Gal. 9. meth. lib. cap. 4. venę sectione vsque ad animi deliquium, ut ibi expressit his verbis *Is cum toto die multum laborasset, deinde lauatus pauca comedisset, cepit nocte febricitare, totum etiam continuans sequentem diem, hunc* & nos post secundam noctem vidimus in ceteris quidem omnibus iam dicto iuveni similiter affectum, verum putrescentium humorum euidentes præbentem notas, itaque vena quoque huic protinus incisa vsque ad animi defectum vacuauimus; Silentio etiam prætereo simili plane modo curandam docuisse cap. sequenti; Quod pariter in eadē febrē, continente scilicet, ex putredine humorum, si vires valentes sint, statim mittendum esse sanguinem imperauerit lib. 11. eiusdem op. cap.



op. cap. 14. hac sola addita cautione, vt tantum sanguinis relinquatur, quātum ad nutriendū egrum sufficiat, tēpore curationis, quę putredini, & obstructiōni, alijs pręterea medicamentis debet adhiberi, quoniam, nec obstructio, nec putredo per solam sanguinis missionem curari potest;

Vbi addidi verbum illud, solam, vt verum pręceptoris sensum manifestum facerem, qui talis est, non quod in febribus à putredine humorum obortis reicienda sit venę sectio, eo quod putredinem, & obstructiōnem non tollat, vt malè interpretantur ij, qui venę sectionem solam sanguinis abundantiam, & nondum putrefacti respicere arbitrantur, sed quod sicuti illas febres, quę sunt absque putredine ex toto possumus auferre absque phlebotomia, illas tamen quę cum putredine humorum existunt, hoc solo pręsidio euellere non possumus, sed pręter venę sectionem alia requiruntur remedia alibi expressa, vt alterantia, deobstruentia, expurgantia, & huiusmodi; & hanc interpretationem me docuit primū res ipsa, & ratio, cum paulò attentius ipsas animo expenderem, sed postea confirmarunt Thadęus Florentinus, etiam à Thurrino relatus in defensione contra Montisianum, & Zacutus lib. 2. de Medicum Princ. hist. quest. 57. ita scribens, *phrasis hac est usitata Galeno, sic etenim loquitur in lib. 11. meth. cap. 14. neque putredo, neque obstructio sanguinis missione curatur, hoc est, non sola, quoniam vacuantia, & abstergentia exposculant, alias enim esset contradictio, cum lib. 8. meth. cap. 4. & lib. 11. eiusdem.*

eiusdem op. cap. 4. libentissimè in febre orta ex obstructio-  
ne, & putredine sanguinem emittat; quod pariter apertè  
exprimitur l. 9. meth. cap. 10. vbi scribit, porro in ijs  
continentibus febribus quæ ex stipatione meatuum accen-  
duntur, quoniam valida plerumque virtus est, citra peri-  
culum euacuatio adhibetur, in alijs verò morbis maximè est  
periculosa, veluti si fortè incidat in corruptellâ humorum,  
de qua tempestiuum iam est mentionem facere, quò omnes  
mittendi sanguinem indicationes in hoc libro decidamus; er-  
go quod corruptum est, id alienum à natura est, quod tale  
est, id se auferendū indicat; si igitur cum viribus imbecil-  
lis corruptella incidit, utique quod affectus remedium est  
id cum virtutis custodia pugnat, siquidem affectus vacu-  
andum esse præcipit, idque vel vena incisa, vel purgatione.

Idque ipsum confirmant Fernellius lib. 2. meth. c.  
4. & alij viri doctissimi, quos consulto omitto nec  
ipse negat Augenius, sed exactissimè probat loco cit.  
vbi habet, putrescens verò sanguis duppliciter potest esse  
affectus, aut putredine incipiente, leui quidem illa, qua  
cum adhuc bonitas naturæ constitit, hæcque adhuc dicitur  
plenitudo inquit Gal. 2. aphorif. tex. 17. aut putredine  
sordida, & consummata, hæc amplius non dici potest ple-  
nitude, ut pote quæ in exquisitam cachochymiam dege-  
nerauerit; igitur hæc plenitudo secundum quid, siue cacho-  
chymia non exquisita, sanguinis missione tutò admodum cor-  
rigitur; causa est huius rei, quod venæ sectio alia de ratione  
instituta non est, nisi ut vacuetur sanguis, & vacuan-  
dus, cum redditus est naturæ inutilis, fit inutilis duplici-  
ter, uno modo cum putrescit, alio modo cum augetur ut  
Gall.



*Gal. docuit lib. 9. meth. 11. ars ipsa, subdens, cum sanguinis partes in venis adaugentur, aut à natura sua mutari iam incipiunt, non inuenit aliud oportunius presidium vacuationis ipsa sectione venę, non enim datur pharmacum sanguinem purgans &c. Et idem est quod docebat doctils. Sancta Cruz. lib. 3. de impedim. magnorum auxil. l. 3. cap. 8. scribens, putrefactionem sanguinis cõmune vitium non impedire sanguinis detractiõnem, sed poscere, non tamen ita largiter, ac cum sine putrefactione incalescit, nam materia peccans est sanguis per venas euacuandus nullo modo subditus medicamento expurganti, neque alterantibus cohibendus, ideoque optima ratione fit, putrescentis sanguinis euacuatio, quia tantam quantitatem non potest natura vnire, & coquere, cum sit ab ea grauata, & oppressa, leuata tamen potest, vt docuit Gal. ubi sanguinis missionem in febribus putridis mittere saluberimum esse pronunciauit.*

Sed iam claudamus riuos, cum nimium fortasse digressi simus, quod tamen libetissime factũ, vt à nonnullorum animis falsa illa propositio eruat, ac euellatur, venę sectionem sanguini putrescenti, & alijs prauis succis coinquinato minimè conuenire.

Constat itaque materiam in febribus, etiam malignis (quod enim in simpliciter putridis dictum est in illis pariter locum habet) venę sectione euacuandam, non esse solum sanguinem, eumque imputrem, & sola copia peccantem, sed & putrescentem, & cum alijs humoribus in venis commixtum; quoniam autem, vt ex dictis constat, in tantum est facienda sanguinis

guinis, & humorum euacuatio, in quantum naturam grauant, ac illi infensi, & molesti sunt, Tales autem redduntur vel quando in vniuerso corpore, & toto venoso genere exuperant, vel in aliqua particulari, & determinata corporis parte abundant, & sic vel plenitudinem vniuersalem, vel particularem procreant, & constituunt, quemadmodum docet Gal. lib. de plenitud. cap. 4. & confirmat Augenius lib. 2. de sang. miss. cap. 6. scribens, *postremo conueniunt (de plenitudinibus loquitur) quod aliquando totum corpus afficiunt, aliquando determinatam eius particulam, illam quidem vniuersalem plenitudinem, hanc verò particularem, & localem nuncupamus*, nec non Mercurialis de feb. & alij omnes medici; manifestum hinc est non ab vniuersali tantum plenitudine, sed etiam à particulari desumendam esse indicationem pro vena secanda, vnde optima ratione asserbat idem ad sang. miss. semper requiri aliquam plenitudinem, vel vniuersalem vel particularem, vel factam, vel futuram, & ita non à quacunque vena, sed ab ea, in qua vel sanguis, vel alij cum eo mixti humores abundant, vel ab illa, quæ eidem proximior est, & maiorem habet communicationem, faciendam per sectam venam esse euacuationem, Quemadmodum expressè imperauit Gal. lib. 13. meth. adueto dicens, *siquidem quod vacuandum sit, id communis indicatio est, unde autem, & quomodo vacuatio sit facienda, id eger ipse docet locus*, & lib. de sang. miss. & alibi, vbi partibus superioribus affectis venas superiores tundendas affirmat, inferioribus inferiores.



Quod, & ratio manifestè conuincit, cum enim omnis euacuatio culpabilem humorem respiciat, clarissimum est, quod qualis est locus in quo exuperat, & oberrat, talis debet esse locus à quo eiusdem fiat euacuatio; vnde absque vlla dubitatione inferitur non quamlibet venam esse indistinctè incidendam, sed illam, quæ à loco affecto, & in quo morbosus consistit apparatus, suggeritur, & indicatur.

Quibus sic se habentibus, quæ vena in febribus malignis incidenda sit, non erit admodum difficile determinare, quod tamen vt commodius, & apertius fiat, cum febrium malignarum plures, sicuti & putridarum habeantur differentiæ, vt fuit explicatum, ne latum quidem vnguem ab ordine præscripto discedamus, quid in singula agendum sit, & quomodo procedendum, quod erat vltimum principaliter propositum, iam explicandum.

Primo loco se offert febris maligna continens, quæ à sanguine producitur, vel seorsim, vel cum alijs humoribus malignè putrescente, aut in omnibus vasis, aut in maximis circa cor existentibus, seu inter alas, & inguina locatis.

Si itaque morbosus apparatus in omnibus consistat vasis, in toto venoso genere, ibique maligna, & pernitiola accedente qualitate, putrescat, & febrem pariat, Quælibet vena selecta poterit esse apta ad illum exhaustiendum, vnde non minus in superioribus partibus, quam in inferioribus venam incidere, aut etiã hæmorrhoides aperire, censebitur oportunum; nihi-

lo tamē minus, cum in partibus superioribus, ubi vena caua decurrit, quę est veluti corporis humani flumen amplissimum, saltem in viris, magis abūdet sanguis, febrile efferuescat incendium, venam in brachio, cęteris cōsistentibus, prius pertundere expediet, magis vtile existet; huius namque apertio, atque incisio à partibus superioribus sanguinem, & humores malignē in venis circa cor putrescentes citissimē deturbare, & è corpore extrahere potentior est; & ratio ita suadet, quoniam licet omnis vena è corpore euacuet, neque tamen æquē celeriter id præstat, neque similiter, quemadmodum docet Gal. cum. 2. in lib. Hipp. de rat. vict. in morbis acut. tex. 10. quare ad eam, quę id præstare magis est apta, est confugiendum, cuiusmodi illam esse quę in brachio inciditur docet apertē magister eodem in loco.

Præterquamquod illud animaduertendum, vt alibi obseruat Petrus Salius doctissimus, quod licet materia sit sparsa, tamen incendium maius est circa cor, aut viscera, adeo vt longinquę venę sectione non ita mitigari, & extingui flamma possit, sicuti ex proxima; quocirca & vena incendio proxima, & ex maioribus erit incidenda, cuiusmodi est basilica, & si hæc nō appareat ei vicinia, quam velocissimē euacuare, & plurimum ex his, quę principes sunt partibus, & corpus inanire docet idem magister lib. 4. cit. op. tex. 24. atque ob eam causam ad eam in morbis acutissimis se contulisse Hippocratem affirmat. Quibus rationibus addendum quod huiusmodi, sectione maior habebitur



bebitur diffatio, ac ventilatio, & insignior per consequens etiam refrigeratio, in febrium curatione quā maximè expetita.

Quo peracto, si adhuc perseueret febris, serpat maligna putredo, & sanguinem extrahendi vigeat indicatio cum prohibentium absentia, in cruribus, & alijs etiam partibus venas aperire fore vtile censendum, vt materię infensę, ac venenatę, vbique pateat exitus, eadē planē ratione, qua in cachochymia, quę vniuersum genus venosum ocupat, idem faciendum esse optimò consilio insinuat Magatus considerat. medicor. par. 2. quęst. prim. scribens, *si in omnibus venis redundant prauī succi, non ex eadem vena mittendus semper sanguis, sed modo ex hac, modo ex illa, vt ex omnibus venis facilius quod vitiosum est educatur*; quod pariter prestandum esse in summa, & maligna putredine monet Sanctacruꝝ vir experientissimus cit. oper. cap. 8. dicens *quod ea gaudet multiplicatione numeri, & repositione melioris succi*, idemque fecisse Galenum in vitio, & corruptella sanguinis, renutriendo, & reparando, & temperando medio alimento corruptionem ipsam, affirmans.

Si verò sanguis, & materia putrescens in vasis maximis cordi proximioribus, in trunco scilicet venę caue supra iecur contineatur, quod euenire, vt plurimū Mercatus, & alij viri doctissimi testantur, ita vt summa vigeat eò loci, & maligna putredo extrā verò in alijs nimirum vasculis puri, & citra aliquod vitium supersint humores, vt notum est fieri, & euidenti demon-

demonstratione à sanguine per venam sectam detracto probāt idem Mercatus, & Felix Platerus, qui in tract. de feb. causis scribit. *sanguinem uniuersum, nisi ad extremum vitium peruenerit, vix putrescere*; venam in brachio absolutè, & absque vlla hæsitacione secandam esse, præsertim basilicam appellatam luce clarius existit; ea siquidem est, quæ ob euidentem, & immediatam, quam habet cum vena caua communicationē, plurimum ab ea sanguinem, & humores vallidissimè prollicat, vt testantur diuinus Hippocrates 4. de rat. vict. in morb. acut. tex. 24. & Gal. in comentario, & in libris methodi aliàs adductis, Fernelius lib. de euacuandi rat. c. 11. Augenius idem ubique in suo opere de sang. miss. & ceteri omnes Medici.

Erraret quippè quam maximè, qui in febribus, vbi materia peccans, & praua in vena caua supra regionem hepatis, & circa cor consistit, secta vena longinqua, & à minera, & foco putredinis distantissima, puta in pede, vbi vel sanguis, vel alij humores naturæ infensi haud continentur, materiam, quæ educenda non est, sanguinem scilicet purum, & inculpatum, educere tentaret, ea in corpore relicta quæ naturæ infensa est, illam grauat, & opprimit, & reprehensione ea dignus esset, qua vitur Gal. lib. de venæ sect. cap. 4. contra Erasistratum proponētem indicationem pro euacuatione sanguinis fluentis ad phlegmonem, scribens *cur enim quis id euacuet, quod euacuatione opus non habet? aut cur aliquis elliquat carnes, cum*  
*sanguine*



*sanguinem subtrahere licet? quo pariter modo, & nobis eum, qui illud agere tentaret increpare liceret, dicendo nimirum, cur sanguinem imputrem audes euacuare, si putris est educendus? cur humorem naturæ vtilem, & familiarem educere, quando infensus, atque molestus, est subtrahendus?*

Contrarium Sūmus Dictator imperat lib. de loc. in hom. sect. 2. num. 55. hisce verbis, *ceterum morbi ea parte, qua proximi sunt educendi sunt, & qua parte singulis exitus est, quam maximè extrahendi illudque perpetuum esse præceptum diuini senis notauit Gal. lib. 6. aphor. tex. 36. dicens, in suis libris in omnibus morbis existentibus in partibus, quæ suprâ hepar sunt, è manibus sanguinem mittere, in inferioribus autem existentibus venas, quæ in poplite vel talo sunt, secare consueuisse; cui & ipse plenis assentitur votis, vt pluribus in locis à nobis iam adductis satis est euident.*

Quod sanè & omnium sapientum Medicorum calculo confirmatur, qui statuunt, à parte affecta, & si id fieri ne queat à proxima, & cum ea comunicante faciendam euacuationem, ita ab eodem magistro edocti lib. de sang. miss. cap. 8. & 19. vnde optima ratione Romanorum Hippocrates Cornelius Celsus lib. 2. suæ medicinæ cap. 9. scriptum reliquit, *mitti verò debet sanguis si totius corporis causa sit ex brachio, si partis alicuius, ex ipsa parte, aut certè quam proxima, eorumque ignauiam qui aliter se gerunt admiratus, neque ignoro quosdam dicere sanguinem quam longissimè inde, ubi ledit, esse mitendum, sic enim auerti materiæ cursum,*

*sum, at illo modo in id ipsum quod grauat euocari, sed id ipsum falsum est, proximum enim locum primò exhaurit ubi is suppressus est, quia non trahit, ne venit quidem; certum est enim, inquit vir alius clarissimus, venam in parte distantissima incisam noxium humorem ignauius, tardiusque concitare, neque hunc à sede laborante abducere, sed benignum dumtaxat tollere, & si copiosa sit hæc sanguinis missio, vitiosum è propria sede raptum sanguinem cum utili, salutarique confundere, vnde redditur malum quod curandum erat, pristino deterius, quod & optimè expressit Magatus considerat. p. 2. quest. 2. scribens, in primis enim secanda est vena, quæ societatem habet cum parte in qua moratur trahenda materia, aliter nihil proficimus; si putredo sit in maioribus vasis, suprà regionem hepatis, & secemus venam in pede, vix sperari potest eius attractio, quod attrahendum foret, nisi magna valde fiat sanguinis euacuatio, quam fortasse vires non perferent, nimis quippe distant inferiores venæ à putredinis loco, at si secetur vena in cubito, præsertim iecoraria, quæ amplam habet societatem cum vena caua, quæ suprà regionem hepatis fertur, facili negotio quod molestum est eferetur.*

*Hisque planè rationibus omnes ferè Medici in malignis febribus quoniam, vt alibi adnotauimus, putredo vt plurimū consistit in vasis maximis circa cor, vbi per venam sectam euacuandi se offerat indicatio basilicam, seu illi proximam tundedam imperant, vt in eorum scriptis licet animaduvertere, cuius sectione materiam peccantem putridam non solum, sed vermiculis*



miculis aliquando scatentē educere, Kircherō doctissimo asserente, notauit Petrus à Castro, & euacuare, ac insuper incendium febrile, facta euacuatione corrigere, ac putredinem inhibere patet euidentissimè;

Quod si præterea reuulsionem, aut deriuationem à foco, seu loco putredinis quis expostulet, hanc etiam eadem secta vena haberi, euidenter constat, trahuntur namque humores à centro ad circumferentiam, ab intra ad extra, quam esse speciem reuulsionis à Gal. eodem expetitam scribit Oribasius de reuuls. cap. 20. cui & consentit Augenius lib. 7. de sang. miss. c. 32. & alibi, vt Manardum, Hieronymum Fabricium ab Aquapendente, & ceteros omittam viros famatissimos, qui secta eadem vena fieri euacuationem simul, ac reuulsionem non dubitarunt, quemadmodū ex Gal. deducitur com. prim. in lib. morb. acut. tex. 10. alibi adducto, vbi in pleuritide ad mammā, brachium, & clauiculam se extendēte in cubito venam præcipit incidendam, eo quod sanguinem ab affecta parte & magis, & velocius, tū reuellere, tum euacuare possit.

Hinc est, quod inanis prorsus, & nullius momenti sit illorum obiectio, qui asserunt, facta venę in brachio sectione, trahi sursum materiam, & ad cor duci, certum est enim, vt pluribus rationibus ostendit Magatus loco cit. omnem venę sectionem à cētro ad circumferentiā trahere, seu in omni venę sectione quod in penitioribus est partibus ad exteriores moueri, ad locum videlicet vbi secatur vena; quod & confirmat doctissimus Sanctacrux de impe. magn. auxil. lib. 3. cap. 9.

cap. 9. scribens, *secta vena omnes humores venarum mouentur ad orificium successione necessaria corporum fluentium, aliter non fieret, tolendaque esset omnis reuulsio; humores secta vena reuelli ab internis, ad Venas externas sensus demonstrat, & per consequens fluere ad locum ubi incisa est vena; & ita quantum ad hoc non est periculum concursus sanguinis, & venenosa qualitates ad interiora, & ad cor, quia ista qualitates non habent motum proprium, neque ab extrinseco proueniunt, ut in vera peste, de qua aliter discurrendum, sed mouentur ad motum subiecti in quo sunt, scilicet sanguinis.*

Animaduertendum autem, quod debita tantum, & conueniens sanguinis quantitas debet auferri, ne immoderata facta humoris effusione, vasa præter modum exhauriantur, & inaniantur, vnde alium sanguinem atrahere ab vniuerso corpore necesse sit, quemadmodum monebat prudentissimè Magatus loco citato; Qua seruata conditione, si vena incidatur, tantum abest, quod prauam, & venenosam qualitatem ad partes superiores, & ad cor ducat, quin potius illam manifestè ad exteriores ab interioribus, & à corporis penetralibus ad extra abducat, quinimmo è corpore deducat, quod clarissimis Hippocratis, & Galeni testimonijs confirmatur lib. 4. acut. vbi scriptum est, *venam brachij internam velocissimè, & plurimum ex ijs quæ principes sunt partibus euacuare*; Quibus rationibus, & auctoritatibus adiungitur experientia, qua apertissimè constat ex venæ sectione in cubito menstruas purgationes per multum etiam tempus suppressas



fas multoties quam citissimè euocari, vt alibi à me fuit adnotatum, quod quidem non contingeret, si venæ superioris incisio per se, & absolutè sursum traheret, vt falsò supponebatur.

Quod si aliquando contrarium euenire contingat, ea forsàn ratione fit, quoniam facta immoderata sanguinis euacuatione exinanitis venis, natura ad indigentiam reducitur, adeò vt à partibus etiam inferioribus humores rapere, vt vacuum repleatur, & seruetur humorum proportio, & equilibrium sit coacta, & ideo eo pacto procedendum esse, quando per sectam in brachio venam ab vtero reuellere optamus iuxta Galeni præceptum libro 2. ad Glauc. cap. 2. censendum est. Alioquin tantum abest, quod ad partes superiores humores retrahantur, quin potius ad inferiores depellantur, exonerata namque natura à premēte sarcina, acrius insurgit, & consuetam per inferiora promouet euacuationem, vnde iure meritò potest affirmari, venarum etiam superiorum incisionem, dummodo moderata fiat sanguinis extractio, & quæ naturæ modum non excedat, non solùm sanguinem ad partes superiores non attrahere, sed ad inferiores potius depellere, ac detrudere, modo explicato.

Sin autem sanguis, & materia peccans in venas inter alas, & inguina locatas extendatur, nam vt obseruat Platerus modò in trunco venæ caue sursum, deorsumque à cordis regione iuxta spinam delato, modò in ramis maioribus ab ea circa iugulum, & inguina propagatis putredo praua consistens febrē producit,

ducit, utrobique venam pertundere erit rationabile, in brachijs nimirum ratione venarum, quæ inter alas & circa iugulum excurrunt, prout mineram continent vel focum malignę putredinis; in talis, seu poplitibus in gratiam illarum, quę inter inguina sunt locatæ, in quibus alia consistit pars morboſi apparatus; ea tamen animaduersione, ut prius ſecentur venæ in brachio sitæ, ut prius materia praua, quę cordi proximior est è corpore educatur, & ocyus ventilatio fiat, ac refrigeratio, unde promptius deferueſcat incendium circa cor conſiſtens, inhibeat, & corrigatur putredo, ut alibi aſſerebamus.

Et eo magis, quod agitur de curatione morbi præſentis, & facti, quo in caſu venę ſectio à partibus affecto loco proximioribus eſt peragenda; non enim in curatione morbi præſentis, & facti locum habet reuulſio, & à longinquis partibus euacuatio, niſi quando ſymptomaticas, & ſenſibiles euacuationes ſiſtere in animo eſt, ut notat Martianus in libro de humor. num. 10. aut materię in aliquam partem principem ſenſibiliter irruentem fluxum auertere.

Vnde ellicitur, quod ſi in febrib⁹ malignis detur, ut nonnumquam accidit, ab utero, vel ab alijs partibus inferioribus ſanguinis, & humorum ad caput, vel aliam principem ſuperioremque partem manifeſtus materię motus, atque confluxus, ut in cephalalgijis, paraphoricis, & cathaphoricis ſymptomatibus apparet, quemadmodum obſeruat Meniotius alibi citatus, ad illum auuertendum, & reuellendum, ſum-



ma ratione, & ex arte venæ in partibus inferioribus siue in talis, siue in poplitibus sitæ erunt incidendæ.

Tandem præter relatas continentes febres quæ vel in omnibus vasis, vel quam maximis sanguine, & humoribus putrescentibus oriuntur, aliæ aliquando eueniunt, vt plurimum malignæ, quas vel comitatas, vel symphomaticas hodiæ Medici appellant, à sanguine in parte determinata accenso, similiter, & putrefacto, vt latè ostendit Saxonia in tract. de feb. cap. 7. productæ, & generatæ; Sanguis enim ob sui copiam, feruorem, tenuitatem, & impuritatem factus naturæ grauis, nec potens consistere in venis, vel statim febre inuadente mouetur, vel postea vi naturæ propellitur, & in aliquam partem effunditur, velut in pulmonē, pleuram, Iecur, aut vterum, vbi vel concepta putredine febrem generat continentem simul, atque malignam, quemadmodum in vtero manifestè euenire docet Galenus com. prim. in 6. epidem. tex. 2. vel partem calefaciendo inflammationem, cui postea associatur febris ardens, & praua, vt de Iecore habemus exemplum lib. 3. eiusdem operis in Hermocratis casu, aliosque immanes affectus, atque insensissimos; in quibus cum manifestè appareat sanguinis motus, licet alterius sint considerationis, quomodo, ex methodo procedendum sit in curatione per sectionē venæ saltem obiter inquirere fert animus;

Principijs itaque propositis inherens, eadem prorsus ratione rem peragendam esse asserere non dubito, habendo nimirum considerationem non solum materię

riæ fluentis, ac eius motus, sed & locorum in quibus continetur, & ad quos fluit, ea insuper adhibita cautione, ut non minus ad febrem, quam ad morbum, qui vel eam comitatur, vel ipsi succedit, curatio dirigatur; quocirca in primis considerandum est, an ille motus naturæ sit impediendus, an sinendus; quamvis enim exiens à venis maioribus, in quibus continebatur sanguis, & in partem irruens, deterrimam in eam inducat affectionem, in venis tamen eisdem retentus naturæ magis fortè infensus fuisset ac perniciosus; unde constat quod ita subito, aut quocumque modo motus, & fluxus eius aut reuellendus non sit, aut cohibendus; quod si ob urgentiam, & gravitatem symptomatum, quæ interdum accidunt, fluxionem illicò compescere necesse sit, ita tamen agendum, ut dum uni prodesse studemus, alteri nō noceamus, quod fieret profectò si reuelleretur materia ad venas, unde fluit; unde optimum consilium tunc temporis erit materiam fluxuram, & fluentem auferre à corpore, atque auertere, non ad partem principem, aut nobilem, sed ad ignobilem, quod fiet commodissimè ea vena secta, quæ materiā inde ubi exuperat, erit aptior educere, & euacuare, quocirca si in partibus superioribus sanguis supra modum abundet, venæ in partibus superioribus sitæ erunt incidendæ, si in inferioribus, in inferioribus locatæ; sic enim euacuatio materiæ simul habebitur, atque reuulsio; nec inde timendum erit maius discrimen, facta namque venæ sectione in quacunque parte, cō sanguis confluit, & ita mate-



ria ab interioribus partibus, ad quas ferebatur auertitur ad exteriores, quæ sunt ignobiliores, cuiusmodi auersionem esse veram reuulsionis speciem, alibi cum Galeno satis ostensum fuit, quem in pleuritide eadem vena secta haberi euacuationem simul, ac reuulsionem, loco alibi adducto asseruisse, non alia ratione videtur arbitrandum; ita censeo procedendum, qui teneo facta euacuatione materiæ fluxuræ, compesci absque dubio, & tolli eius confluxum, vnde postea opus non est aliam instituere reuulsionem, facta in parte distantissima venarum sectione. Nouum fortasse videbitur hoc assertum, & à communi medicorum sententia alienum, casu tamen proposito rem ita se habere clarum fiet; Supponamus in Socrate sanguinis plenitudinem in venis superioribus (constat enim ex dictis dari non minus plenitudinem in vniuerso corpore, quam in partibus determinatis) qui data occasione concitatus commoueatur, & ad pleuram à venis exiens confluat, & deferatur, si vena in parte distantissima, puta in pede, secetur, cum per eam plenitudo à partibus superioribus non ita promptè tollatur, fluxio non cohibebitur, esto quod sanguini in corpore existenti motus ad aliam partem quoquo pacto concilietur; verum si secetur vena parti, in qua sanguis abundat proxima, & cum ea communicans, puta basilica, per quam promptissimè à partibus superioribus tollitur plenitudo, sublata sanguinis abundantia, & materia per consequens fluxura euacuata, cessabit eiusdem motus, atque confluxus, & insuper cum huiusmodi sectione

Aione venæ sanguis, qui in corpore remanet ad partem  
 exteriorem, & à pleura distantem retrahatur, eius  
 etiâ reuulsio non incongruè instituetur; Similiter concedamus  
 in partibus inferioribus sanguinis redundantiam, puta in vtero,  
 indeque ob aliquè errorem eiusdem ad pleuram fluxum,  
 si ab vtero ad pleuram fluentis multitudinis fiat euacuatio,  
 fluxionem desitutam esse inficiari non potest; Sicque facta  
 sanguinis extractione ab illis venis, licet minus distent  
 ab affecla pleura, quam venæ tali, in quibus veluti distantissimis  
 partibus facienda esset alioquin incisio reuulsionis ergo,  
 cessabit materiæ motus, & morbi per consequens productio  
 inhibebitur, quod secta vena in distantissima parte non  
 potest euenire, cum per eius incisionem non euacuetur materia  
 fluens, vel fluxura, & mox clausa vena, vel paulò post cesset  
 reuulsio, vt fuit alibi explicatum; Hæc methodus seruanda  
 in morbis à fluxione abortis, quando materia fluens à parte  
 aliqua determinata procedit, & habet originem; Esto quod  
 aliter fieri possit, aut debeat, quando fluxio est à toto,  
 exuberante nimirum materia in toto corpore, vt in vniuersali  
 plenitudine euenire perspicuum est: tunc enim, cum quælibet  
 vena vniuersalem sit apta demere plenitudinem, addita præterea  
 reuellendi indicatione, vena in parte distantiori est incidenda,  
 iuxta reuulsionis leges superius explicatas, & illud est quod  
 assererat Augenius in alatis epistolis, errans in eo manifestissimè,  
 quod supposebat semper, & in quocunque febricitante vniuersalem adesse



se plenitudinem, per venam quamcumque sectā commodè exhauriendam, quod tamen falsum esse fuit abundè ostensum, vbi obseruatum laborare maligna febre corpora cuiuscunque habitus, tam cum vniuersali plenitudine, quam sine, atque vt plurimum cum sola particulari, in quibus quamlibet venam nec licet, neque expedit incidere, sed eam quæ insensam est apta imminuere particularem plenitudinem in quacunque parte consistat, vnde modò in vna parte, modò in alia peragenda phlebotomia, vt satis superque fuit demonstratum;

Quò plane modò facienda sanguinis missio, vbi ex sanguine eodem in aliqua parte collecto, accenso, & putrefacto febris accendatur, absque eo quod in aliam partem fluat, siue fuerit antea trasmissus, siue quocunque modo ibidem coaceruatus, quemadmodum ex dictis colligitur, atque deducitur, & fuit in superioribus clarissimè declaratum.

Hec, si equo expendantur animo, nostram sententiam à Viris sapientissimis non improbatam fore speramus, atque confidimus;

Hac igitur arte, hac ratione in venæ sectione in synochis, seu continentibus malignis febribus vtendum ducimus, ex quarum curatione sicuti venarum inferiorum sectionem penitus non excludimus, ita eam semper faciendam esse, vt Augenius, & alij opinantur absolutè negamus.

Quomodo autem in reliquis agendum sit habitacorum, quæ dicta sunt consideratione facillimè innotescet,

tescet, in febribus siquidem continuis proportionatis cum materia in venis maioribus consistat simul cum sanguine, vel in liene, aut iecore, ac inde ad medias venas in febrium accessione trudatur, aut delabatur, à venis maioribus, à iecore, aut liene esse educendam manifestum existit, idèdque ibi celebranda phlebotomia, vnde plurimum, & celeriter sanguinem ab illis partibus licet exhaurire, & citissimè magno hoc auxilio ægrotanti succurrere; propterea quod, dicebat Caprillius de feb. lib. 2. licèt adsint materiæ quæ plurimum recedunt à natura sanguinis, sunt tamen mixtæ cum sanguine, & venæ sectio est auxilium equaliter omnes humores euacuans, vnde hæc etiam materiæ ab ipsa euacuantur; illud autem obtineri posse melius, ac promptius sectis in brachio venis, ad satietatem iam fuit demonstratum, quare ad eas esse confugiendum certo certius existit; quod si à partibus inferioribus, puta ab utero, materiam ad locum, seu focum putredinis effluere constaret, in partibus etiam inferioribus venam incidendam fore minimè dubitandum. Ita namque materia fluxura exactè tollitur, à centro ad circumferentiam trahitur, quo pacto noui paroxismi prohibita inuasionem, & morbi totius causa deturbata, pristina valetudine Ægrotans redonatur; quod alioquin euenire impossibile esse Medici norunt, non potest enim auferri morbus non sublata causa.

Simili prorsus methodo in febribus malignis intermittentibus est vtendum; has dupplici præcipuè ratione oriri fuit demonstratum, vel putrescentibus cir-



ca præcordia humoribus, vbi fuerunt geniti, & cum-  
mulati, vel in venis cōmunibus, vel minoribus, vel  
in ambitu corporis, quò vel expulsi defluunt, vel at-  
tracti; si igitur in primis vijs consistent, ventriculo,  
mesenterio, & vicinis locis, ibique putrescendo febrim  
pariant, venæ sectione, vt sic, non sunt mouendi,  
humores namque à sanguine separati, & extrà venas  
tale præsidium per se nequaquam postulant, si tamen  
vel in vniuerso ægrotantis corpore, vel in aliqua par-  
te sanguis ita abundet, vt fiat naturæ grauis, & ad  
locum, seu focum putredinis confluens febrim foue-  
at, & augeat, tunc profectò illum euacuandi insur-  
git indicatio, vt imminuta eius abundantia fluxio si-  
statur, ac febris incrementum prohibeatur, idcirco ea  
vena tundenda, quæ vel ab vniuerso corpore, vel à par-  
te illa determinata est aptior euacuare, vnde si in par-  
tibus supra iecur sanguis exuperet, vena in partibus  
superioribus erit incidenda, si infrà, in inferioribus.

Et simili prorsus modo agendum in alijs febribus,  
licet superfluitates, quæ illarum causæ sunt, à loco vbi  
fuerunt productæ ad venas cōmunes, vel capillares,  
vel ad ambitum corporis pellantur, cum ob exposi-  
tas solummodo rationes sanguinis missio in illis lo-  
cum habeat, ipsasque superfluitates venæ sectione mo-  
uendi, aut reuellendi nulla, vt fuit alibi expositum;  
se offerat indicatio; idcirco vel toto corpore pleno  
existente, vel parte, plenitudo minuenda, et ita vena,  
quæ aptior est vniuersalem, & particularem aufer-  
re plenitudinem, vbicunque ea sit, est incidenda.

Si verò per vires, vel ob aliam quampiam causam  
venam secare non liceat, ad alia præsidia, quæ san-  
guinem euacuare sint apta, & indicationi oblatae sa-  
tisfaciendi vim habeant, est confugiendum; Cuius-  
modi omnium consensu hirudines sunt, præsertim  
hæmorrhoidibus appositæ, & cucurbitulæ scarifica-  
tæ; De quibus, vberioris doctrinæ gratia illud obser-  
uandum moneo, quod si adhibeantur sanguinem in  
vniuerso corpore exuberantem minuendi gratia, &  
tamquam venæ sectioni substitute, partibus inferiori-  
bus erunt apponendæ, natibus scilicet, femoribus, &  
cruribus; natibus namque affixæ à toto corpore tra-  
hunt Auicennæ testimonio lib. 1. fer. 4. doctr. 5. cap.  
21. femoribus autem, & cruribus, eadem possunt  
afferre commoda, quæ à scarificationibus habentur Ori-  
basij testimonio 7. collect. cap. 20. non autem parti-  
bus superioribus, tum quia morbo cordis, cuiusmo-  
di est omnis febris, & corpore nondum in vniuersum  
euacuato, quam longissimè à partibus nobilioribus  
administranda est euacuatio, attractioni coniuncta, vt  
notat Mercurialis lib. 3. consil. cons. 5. qui ob eam cau-  
sam in huius præsidij administratione se mutasse sen-  
tentiam ingenuè confitetur, tum ob alias rationes quas  
affert doctissimè Hieronymus Fabricius ab Aquapen-  
dente in tract. de abusu cucurbitularum in febribus  
putridis, medicis notas.

Quod si in gratiam reuulsionis, aut deriuationis in  
vsum ducendæ sint, vel particularis euacuationis, mo-  
dò parti eidem euacuandæ, habita prius vniuersali,



si ea opus sit, euacuatione, modò proximè, modò distantissimè, & contrariè, iuxta medendi methodum erunt adhibendè;

De Hirudinibus autem, quod, cum ita se habeant venę hæmmorrhoidales iuxta recentiorum obseruationes, vt non minus cum vena caua, quam porta communionem habeant, vnde ab vna non minus quam ab altera sanguinem possunt commodè educere, si illis hirudines apponantur plenitudini vniuersali minuendæ aptissimè censentur; Hinc earum operationi tantum tribuunt in febrium malignarū curatione Petrus Salius diuersus, & Hieron. Fabr. ab Aquapendente Viri doctissimi simul, & famatissimi, vt ille in curatione febris pestilentis hoc solum præsidium pro sanguinis detractiōe admittendum censeat, hic verò magis conferre absolutè, quam venę in brachio sectionem asserere non dubitet, & reddit rationem inquiring, *in malignis febribus in vasis maioribus, vt constat apud omnes, est putredo, & venę hæmmorrhoidales magis sunt vicina venę cauę ubi maxima est in lumbis, & ad os sacrum, quam in brachio, ubi longius absunt à maioribus ramis, vt puta axillaribus, & venę cauę trunco, ergo magis loco putredinis subuenient, tantæ molis est apud præstantissimum Virum à loco affecto, & à sede putredinis moliri euacuationem;*

Quod si reuellendi, deriuandi, aut à parte aliqua particulari euacuandi adsit indicatio, vel parti eidem, vel alijs illas affigere iuxta Artis præcepta erit opportunum, omnibus namque corporis partibus possunt

com-

commodè apponi, vt latius à nobis alibi fuit demon-  
 stratum. Facta modò præscripto venarum incisione,  
 sanguinis, & humorum in venis exiltentium copia im-  
 minuitur, febris vel causa, vel concausa aufertur, & è  
 corpore educitur; vnde & in febrium accessioni-  
 bus minor sanguinis fiet ad locum, seu focum pu-  
 tredinis confluxus; eoque magis quod per venæ sectio-  
 nem præscripta methodo factam contrarius sanguini  
 motus inditur, et conciliatur, ab interioribus nimi-  
 rum, ad exteriora, vt latè demonstrauius; exonera-  
 tur ita, & subleuatur natura à premente sarcina,  
 vnde ocyus insurgat, et quod coquendum, et expellen-  
 dum est promptius expellat, et concoquat; inhibe-  
 tur facta ventillatione putredo, & remittitur febrile  
 incendium, facta namque calidi succi euacuatione  
 corpus refrigeratur, teste Galeno lib. de venæ sectione  
 aduers. Erasistr. cap. 5. & extinguitur tandem em-  
 pyreuma, et calor, qui post paroxysmum in imo, at-  
 que in interiorib<sup>9</sup> concipitur, et cuius impressio noui  
 paroxysmi occasio est, vt notat Ballonius prim. epid.  
 cap. prim. statuens hac ratione phlebotomiam, & si  
 in febribus semper necessaria non sit, tamen semper  
 prodesse, & maxima cum ægrotantium vtilitate admi-  
 nistrari; nec siluit Galenus libro 2. de diff. feb. cap.  
 vltimo, vt acrius intuenti patet manifestissimè.

Quod si optata illicò sanitas ægro non affulgeat  
 (quod audio denique nobis, perperam quamuis op-  
 poni) non tamen in validissimum alioquin præsid-  
 ium ex methodo, & arte administratum est reicien-  
 dum;




dum; Omitto quod, *Non est in medico semper releuetur, ut eger, &c.* Illud enim norunt Medicæ artis cultores, quod maxima quamuis etiam ex parte morbotus imminutus fuerit apparatus, & minera praua, non tamen semper penitus est exhausta: remanent improba morborum semina, prauæ radices, viscerum intemperies, veneni portio, pessimi morbi fomes, ac veluti fermentum, hinc et nocua rursus producit materia, producta inficitur, noua febris oritur; quibus profectò omnibus occurrere solius venæ sectionis, aut sanguinis quocunque modò fiat euacuationis, opus non est, sed alia sunt necessaria remedia, alterantia, deobstruētia, corroborātia, et Alexipharmaca; vnde perperam damnatur generosum adeò præsidium, atque iniuria afficitur; At sanitatem nec illicò restitunt, morborū causas penitus non auferunt purgantia, aut alia medicamenta, ergo & ipsa reicienda? omnibus erit destituta præsidij ars medica, si remedia, quibus optatum illicò non assequimur finem, sint reuellenda, sint deserenda. Agnouit has omnes difficultates mirabili suo ingenio diuinus Hippocrates vnde lib. 2. aph. tex. 52. auream hanc sententiam ad Medicorum solatium scriptam reliquit *omnia secundum rationem facienti, si non succedat secundum rationem, non est transeundum ad aliud stante eo, quod à principio visum est.* Quemadmodum enim, inquit eius interpres in commentario, *in gutta subiectam petram percutiente vix longo tempore sensibilis passio in lapide manifestatur, sic accidit etiam in crudis, & quæ difficulter concoqui possunt dispositionibus, in*  
*quibus*


*quibus cum recta ratio inuenerit id, quod conducit, non discedit ab illo, quod primum faciendum existimauit, etiam si nihil ex facto manifestum sit subsecutum.*

Quam igitur venam in febribus malignis incidere magis expediat sat arbitror explicasse, & quando, & qua ratione venarum inferiorum incisio in illis admittenda sit, abundè demonstrasse, & per consequens Augenij, & aliorum sententiam, qui illud semper præstandum asserunt ex arte expugnasse; meam ideo, vel omnium magis sapientum Medicorū sententiam tamdiu firmam, ac stabilem reputabo, vt verbis Augenij vtar, donec Vir quispiam insignis pro sua eruditione, & scientia meliorem docuerit; quod si contigerit, equo animo cedere, eamque libentissimè amplexari non erubescam.

Meum interim qualemcunque pro veritate inuestiganda, atque è difficultatum puteo eruenda conatum læta aspice fronte, MARCE ANTONI doctissime, Teque, vt ex corde precor, bonorum omnium largitor diu sospitet Deus Opt. Max. vt Serenissimorum Principum sanitatem, & vitam tuę sapientię, & fidei creditam ad Subditorum non solum, sed vniuersi Orbis solatium, nestoreos producere in annos foelicissimè valeas.







CONSIDERATIO  
CVRATIONIS GALLICI TVMORIS  
IN FRONTE D. N. N.

An Scilicet

*Eiusdem rectè, & ex Arte facta  
fuerit Incisio.*

PROGYMNAS. QVARTVM.

*Ad Per Illustr. & Excellentiss.*

D. HIERONYMV M RINALDV M

*Medicum Ferrariensem.*

*Eximium.*



Nfelix nuncium immanis egritudi-  
nis per Illustr. atque Excellentiss. D.  
N. N. mihi antiqua necessitudine  
coniuncti tuis alioquin pergratis  
litteris delatum, doctissime HIE-  
RONYME, eo me dolore percul-  
sit, qui tanti viri meritis debetur, atque virtutibus.  
Disidium verò inter Medicos ortum, tela in excellen-  
tiss. D. N. N. ob incisionem tumoris gallici in fron-  
te præstantissimi egrotantis factam coniecta, ani-  
mum

mum meum veritatis auidum, accepti beneficij haud immemorem ad rem attentius considerandam excitant, & quid verè de ea operatione statuendum censeam explicandum; rationes itaque, & principum Medicorum auctoritates peractam incisionem tumoris ex arte factam fuisse, et methodo, restantes ad remitto, vt illas excellentissimo D. N. N. cui, vt nosti, plurimum debemus, meo nomine exhibeas, vt habeat Vir, alioquin strenuissimus, ex meo etiam Medico armamentario clypeum, quo calumniantium ictus valeat retundere, Tu verò ipse, quem ob morum suauitatem ab incunte etate summopere dilexi, nunc autem ob eximias virtutes, sūmamque præsertim in mendo peritiam suspicio, & veneror, perpetui amoris, & obseruantia meæ aliquod saltem pignus, & argumentum.

Ex omnibus apostematibus, & tumoribus, cuiuscunque generis sint, vt rectè curentur, extrahendum humorem esse, & euacuandam materiam à quibus producuntur, est cōmunis sententia omnium Medicorum, desumpta ab Auicena lib. 4. fen. 3. tract. 1. cap. 3. vbi scribit *Curatio apostematis in quantum apostema, est extractio materiei, quæ facit apostema*; quod accepisse videtur à Galenō, quem in omnibus secutus est, lib. 14. meth. cap. 7. vbi inquit, *Indicatio autem omnium communis est, vt quod præter naturam est vacuetur, in quo- cunque id contineatur*. Quare vniuersaliter loquendo hinc primū elucescit, euacuationem materiæ, quæ in tumore, quo ledebatur Æger præstantissimus conti-



nebatur, non absque ratione, sed ex arte, & metho-  
do fuisse factam, quoniam tumores etiam gallici sub  
nomine apostematum cadunt, ita enim eos appellant  
Nicolaus Massa tract. de morbo gallico cap. 5. & 6.  
& alij viri doctissimi, & est res plana apud Tagau-  
tium lib. 1. cap. 1. *quod tumores omnes, qui prater naturam  
consistunt recentiores tum Medici, tum Chirurgi, atque etiā  
vulgus ipsum sub nomine apostematum comprehendunt.*

Non me latet nomine extractionis non intelligere  
Principem euacuationem ferro solummodo incidenti,  
aut medicamento rumpenti factam, cum immediatè  
subiungat, & illud fit per ressoluentia, & mollificatiua &c.  
& quandoque excusat scarificatio, & est curatio sufficiens;  
quod pariter confirmat Falloppius in libro de tumo-  
ribus cap. 19. dicens, *materiam sui requirere euacuatio-  
nem insensibilem cum fieri potest, aut sensibilem, imò im-  
perare Gal. lib. 18. meth. cap. 5. etiam si pus aliquod  
notabile in suppurante particula contentum sit, non  
expedire protinùs, quod nonnulli faciunt, incidere, im-  
mo exhallationem moliri, ad id valentibus; quo mo-  
nitus præcepto Hyeronimus Fabricius ab Aquapenden-  
tè de Chir. operationibus asserit, se curasse multoties  
abscessus etiam maximos absque aperitione, sed per  
dissolutionem, & exsiccationem insensibilem pus  
euacuando.*

Verùm euidens est, & clarissimum Galenum loco  
eodem paulò post subiungere, *sin aliquando puris copia  
medicamenta superet, nec ea videatur tibi totum posse dige-  
rere, secare exitum ei quod digestionem non cessit, sicuti, &*

Aui-

Auicenam asserere quod si perducatur ad corruptionem membrum, & humor in apostemate contentus, nec possit hoc medicamento euitari, ac impediri, tunc scarificandum locum, & faciendam scarificationem profundam, & non expectandam collectionem, neque maturationem; Cui assentitur apertè Hier. Fabr. ab Aquapendente, vbi paulò inferius scribit, quod si differatur aperitio abscessus, interdum in nimis longum tempus protrahitur curatio, & abscessus interim serpit, ac nimium dilatatur propter puris moram intus erodentis; Qui pulcherimum deinde dat præceptum subdens, non semper expectandam esse spontaneam aperitionem, vt Celsus suadet, quinimmo interdum necesse est aperire crudos abscessus, hoc est antequam in pus versi sint, quod, & præcipit Paulus lib. 6. cap. 34. ex Hippocratis, & Galeni sententia, vbi pus videlicet, aut puris vapores aliquam propiorem partem offendere possunt maioris momenti.

Hinc est, quod ex alatis sapientum virorum sententijs duas eliciam rationes, quibus necessariò conuincitur debere aperiri apostemata, ac tumores; Prior est quando non possit tota materia contenta in apostemate resolui, siue ob nimiam quantitatem id accadat, siue ob prauam qualitatem; Posterior quãdo imminet vel facta iam est corruptio partis ipsi tumori, vel apostemati subiectæ, nobilis, vel magni momenti; quas etiam breuibus expressit versatils. Falloppius de tumor. cap. 13. scribens, quod si sanies multa sit, & mala, & erodens, ex qua timeatur aliquod malum tunc debemus illam euacuare, & loquitur de euacuatione fa-



cta per incisionem tumoris, vt ex sequentibus verbis est manifestum.

Quod igitur hę locum habeant in proposito casu, nulla potest haberi difficultas, cum Tumores Gallici, (qui etiam sub nomine abscessuum possunt comprehendi, cum, vt testatur Sennertus, non solum pus in illis reperiatur, sed & interdum pulti, melli, & sebo similes materiae, & quę nunc olei amurcam, mucoremque multoties valde fetentem representant) nimium natura rebelles sint, ac pertinaces, & producantur à materia, si non adeo copiosa, praua tamen maligna, ac venenata, quę medicamentis haud cedens prestantioribus, & validioribus, deturpat, & torquet miseros ægrotantes, & corrumendo subiectas partes, & ossa ipsa, irreparabile vniuerso corpori excidium minuitur.

His rationibus plerique Medicorum adhibitis frustra digerentibus, ac ressoluentibus medicamentis (quemadmodum factum suppono in presenti casu) gummata, & tumores Gallicos quoscunque incidunt, aut alijs ex arte remedijs disrumpunt, vt inde materiam extrahant putridam, ac malignam. Ita Zecchius de morbo Gallico cap. 18. *tumoribus adhuc sequentibus*, inquit, *incisio administretur, vel caustico medicamento, vel ferro crudo*. Ita Fallopius cap. 95. diuersis tumorum Gallicorum speciebus prius expositis, concludit, *si igitur videamus esse meleum, vel anteromaticum, vel diurnum, eadem est curatio, quia debemus aperire subito, ne materia erodat os, & corrumpat*; Ita Nicolaus Massa

tr. 3. cap. 5. ressoluentibus adhibitis, si durities, aut apostema gūmosum non ressoluatur, sed potius ad maturitatem declinet, *maturatiuis*, ait, *adiuuare oportet*, cum Medicus sit natura adiutor, inde subdit, *aperiatur apostema cum sagitella, vel alio instrumento incidente, & hoc secundum incessum Villorum præterquam in fronte, & alijs locis &c. quæ contrario modo aperiuntur*; & ecce quomodo in fronte, absque vlla hēsitatione ferro hic auctor vtitur. Addit deinde modum vtelli cauterijs actuali, & potenciali in jis, qui ferrum abhorent, quem breuitatis gratia pro nunc omitto. His assentitur Sennertus de morbo Gallico cap. 23. vbi paucis verbis discernit, si ista non satisfaciant, idest emmolientia, & digerentia tumores causticis aperiendos, præsertim si non sint in articulis, aut neruis, aut tendinibus, & locum apertum seruandū, & os subiectum, quod plerūque lesum est, deradendum.

Et sanè quando cetera argumenta infirma, & nullius roboris essent ad suadendum in gummatibus alijsque Gallicis tumoribus deueniendum esse multoties ad ferrum, & ad ignem, sola ossis corruptio, aut imminens, aut præsens (quæ est secunda ratio præcipua) id absque vlla dubitatione conuincere viderur, & si iam adsit, non posse alio modo egrum curari, & sanitati restitui, est euidentissimum;

Nam si docet Arabum Princeps lib. 4. tr. 3. cap. 1 *recurationem corruptionis esse fricationem, & ipsius destructionem, aut abscissionem, nam necesse est, inquit, ipsum fricare, & radere, & cauterizare, &c. & vno verbo abscindere*



dere bonum à malo, et quod corruptum est, & vita priuatum ab eo quod sanum est, & vita præditum, ne corruptio latius se extendat, & serpat, quod enim tangitur à putrido putridum fit, idq; confirmat Gal. 6. aph. t. 45. vbi scribit, *ulcera omnia exsiccare oportet præcipue verò in quibus os patitur, terminus autem siccationis est, ut abscedat pars eius, quæ est vitiosa; & est doctrina communis omnium Medicorum, ut patet apud Tagautium, Fallopium, & alios Doctos viros.*

Quomodo vnquam poterit quis abradere, & abscindere os corruptum, vel super ipsum apponere medicamenta exsiccantia, ut separetur à sano, absque eo quod idem detegat, ac denudet? quod idem est, ac dicere, absque incisione, aut aperitione tumoris, siue ferro facta, siue igne, vel actuali, vel potentiali? Hinc omnes Chirurghi statuunt, ut detegatur corruptio, ea ipsa vtendum, quod cum satis superque sit notum, in adducendo eorum auctoritates pro nunc non laboro, & pro cunctis sat erit Cornelij Celsi sententia dicentis, *oportet autem ante omnia os denudare ulcere exciso, & si latius etiam vitium est, quam vlcus fuit, carnem subsecare, donec integrum os undique pateat.*

Quod autem sub tumore in fronte D. N.N. de quo loquimur, immineret corruptio, & partis præstantissimæ, certissimum existit apud Medicos cum consuetus, & proprius effectus morbi Gallici sit, ossis corruptio, ut viri præclarissimi testantur, ita Zecchius, *inter seuiissima symptomata morbi Gallici, dicens, ossium tum capitis, tum aliarum partium corruptiones ab acri, &*

*ero.*

erodente humore prouenientes primum locum obtinent, sic  
Fonseca 6. aphorif. scribens, *qua corruptionem habere so-*  
*lent, sunt ulcera gallica, & gūmi dicti;* Quod manifestat,  
& ratio, cum enim in Gallicis tumoribus materia  
contineatur praua, venenata, & erodens, subiectas  
partes corrumpere aptè natam esse non est ambigen-  
dum.

Quod verò de facto fuerit autopsia iam patet, osse  
nudato, & detecto, sed eius manifesta etiam aderant  
inditia antequàm detegeretur, tumor enim mollis eua-  
ferat, signum subiecti ossis corruptionis, vt docet Aui-  
cēna scribens, *cum ossi accidit corruptio videtur caro su-*  
*per ipsum molis fieri;* & præcesserat dolor vt ipse pa-  
tiens pluries obseruauerat.

Quibus sic stantibus, osse videlicet sub tumore cor-  
rupto, & putrefacto, non erat curatio naturæ comit-  
tenda; vt fuit nonnullorū opinio nam potest quidem  
natura os sanum ab eo quod est corruptum separare,  
si corruptio superficialis sit, atque leuis, quandoqui-  
quidem, vt exponit Brassaulus 6. aphorif. tex. 45. *pau-*  
*latim inter illam partem, quæ abscedit, & os ipsum carnem*  
*inducit, quæ paulatim crescens os, vel eius squamam ad cir-*  
*cumferentiam transmittit,* sed quando totum os sit vi-  
riatum, id non potest efficere, ita statuunt Massa, &  
Hieron. Fabr. ab Aquapendente dicentes *si corruptio in-*  
*signis, & profundior sit, Chirurgia est opus,* & Brassauo-  
lus ipse videtur idem à Philoteo elicere dicente, *debere*  
*intelligi non totum os abscedere, sed eius squamam.*

Quando igitur, vel totum os, vel maxima eius pars  
putre-



putrescit, vt in nostro casu, debet sine dubio aperiri tumor, vt extrahatur, & eradatur, & medicamentis sanetur, ratio, mea sententia, validissima, & inexpugabilis & quæ incisionem prudentissimè, & ex arte, & methodo factam fuisse ostendit, ac probat, qua moti Doctores omnes illud agendum statuunt, & præcipuè Brassauolus in fine tractatus vbi exposito prius, & demonstrato in hoc seuo morbo corrumpi capitis ossa, & aliarum partium, præsertim sub tumoribus, concludit, *tunc igitur considerandum est an sit detectum carne, vel sub carne, & cute, si detectum sit, apparet ad oculos putredo &c. & ibi apponi debent medicamenta, quæ ipse ex arte, & exactè præscribit, Verùm si ossa sint carne tecta, & cute, tunc, inquit, negociari difficilius est, cum autem vides dolores nunc abire, nunc redire, & iam inueteratos esse, tunc suspicandum est de ossis corruptione in capite potissimum; & si suspicetur Medicus os esse corruptum, non consulit iam ipse vt naturæ curatio committatur, sed expressè imperat contrarium, dicens, etiam si id certè nesciat, tumori illi causticum capitelli vocatum apponere debet, & tumorem durum aperire, quousque ad os perueniatur, & oculis an putridum sit, an non putridum conspiciatur &c. indè subdit, immò hoc notato, perduros tumores quando non possunt dissolui esse causticis aperiendos, nam deinceps corriguntur facilius; adeò parum fudit ille naturæ in hoc pessimo morbo, quando iam peruenit ad ossa.*

Eius sententiæ prorsus similis est Botalli opinio, qui cap. 15. de lue Gall. cur. scribit, *si iuxta vel supra*

pra os tubercula apparere incipient nihil equè ijs auxilio  
 est, atque protinus eam partem vefsicare &c. & paulò in-  
 frà, demum si tuber peruicacior sit, qui huic remedio non ce-  
 dat, præcipuè ubi is iam dudum infederit altius paulò vre-  
 re fas est candenti ferro strenuis, caustico vero meticulosus,  
 postea addit, errant quippe grauiter, qui ceratis linimen-  
 tis, vel alijs dissoluentibus præsedij ijs occurrere nitun-  
 tur, quamquam quandoq; hæc inuent, verum etiam ple-  
 rumque patientem, & Medicum illudunt præ humoris  
 crassitie, & pertinacia, quæ his Medicamentis vinci ne-  
 queunt, unde dum hac inutili spe ducimur, propagatur  
 putor ossibusq; inseritur, quæ tandem corrodere fas est &c.  
 quod si naturæ comittas, multo sepe annales circuitus in iu-  
 gi hac miseria infelices patientes transcurunt, vel denique  
 huius iniuria obeunt, tam perniciosum videtur huic  
 docto viro rem ressoluentibus transigere, & opus  
 committere naturæ; Quod si corruptione iam esse fa-  
 ctam manifestum sit, ac certum, eandem, & ipse, ac  
 alij instituit curationem, nouacula, vel cultellari ferro  
 os detegens, lineis duabus ad crucis formam ( si locus  
 concedat ) ductis, quo cariem totam patentem reddat,  
 talem sectionem, docens, ferre caput, & anteriorem  
 tibie partem; vnde apparet ipsum non pertimescere  
 ferrum capiti admouere; Tomitanus denique, libro  
 2. de morbo Gallico ubi de gummatibus agit, profe-  
 ctò, inquit, sunt qui vtuntur audacter Aqua ardenti,  
 & ad incisionem festinant si opus fuerit, itaque; subiun-  
 gens, quoad fieri potest fugienda semper incisio, tamen si  
 postea subsit ossis corruptio, aperte in sequenti capite scri-  
 bit,



bit, *Aperiendus est locus siue ferro, siue inurenti medicamine, ut quod ossis corruptum est detegatur, atque foras educatur.*

Optima igitur ratione facta fuit incisio tumoris gallici in fronte D. N. N. sub quo os erat cariosum, atque corruptum, ut inspicientibus patet, nullaue alia erat curationis methodus, aut spes sanationis, cum necessaria sit eius quod corruptum est separatio, & ablatio, quæ sine cutis incisione, & tumoris aperitione fieri haud potest; ita felicissimè curauit olim dolorem capitis intensissimum nullis alijs remedijs expugnatum ab ossis corruptione productum Amatus Lusitanus in nostra Ciuitate Ferrariæ, ut habetur in eius ceter. prim. curat. 4.


Esset modo aliquid dicendum de modo incisionis, & gummatiss, seu tumoris aperitionis, cum in hoc etiam variæ, ac diuersæ sint Medicorum sententiæ, alij enim ferro crudo vtuntur, alij ferro ignito, alij causticis medicamentis; sed quoniam iam facta est tumoris præstantissimi D. N. N. incisio, & aperitio, de his in præsentī agere opus non est; ne tamē intactam penitus hanc etiam partem relinquam, cætera præteriens dicam breuiter de causticis cum Hieron. Fabricio ab Aquapendente de Chir. op. vbi de carnis Chirug. rationē illam pessimam esse, quia causticum maiorem excitat inflammationem, prauam imprimit in parte affecta qualitatem, & interdum gangrenam, & foramen maius efficit quam par sit, & maior, turpisq; consequitur cicatrix &c. De ferro autem ignito cum Fallopio, illum esse modum  
hodiè

*hodie solum in Brutis usitatum, in hominibus vero non esse frequentem propter subiecti nobilitatem, & quoniam homo multo afficitur ex tali aspectu, quamvis materia frigida existente, tumoreque in partibus venosis, & arteriosis sito, non sit improbatus omnino, ac reiciendus; quocirca cum his doctis viris concludam, laudabilius esse uti solo ferro, ut docet etiam Galenus, nec abnuat Cornelius Celsus, ut factum in nostro casu, ferro enim melius aperitur via ad os detegendum, & conceditur in loco aptiori aditus materiae euacuandae, minusque turpis tandem sequitur Cicatrix.*

Hæc qualiacunque sint pro veritate exarata æquibonique consule, Hieronyme doctissime, nec egre ferant alij, quibus contraria opinio magis arrisit, Homines enim sumus, unde potest unusquisque errare. Excellentiss. interim D. N. N. meo nomine salutem plurimam dicas, & me tui amantissimum ut soles ama. Est enim magnus amoris amor. Vale.







DE  
ROMANA MULIERE  
BIENNIO GERENTE VTERO

*Ad Praestantissimum Virum*  
D. HIERONYMVM BARTOLVZZIVM  
CONSULTATIO.



HISTO.



*M*ulier Romana annorum 28. habitus melancolici, & quadrati, bonę constitutionis, ter iam nupta nunquā concepit, præterquāquod ab hinc annis duobus cōcepisse credita; Mense vii. dolores partus passa nihil eddidit, iterum mense viij. & ix. demum per dies x. inanes parturientis conatus passa est.

A primis mensibus tamquam grauidæ corpus intumescibat sensim ac intus motus, tamquā fetus intrò existentis sentiebat; Post ix. mensē per sex subsequētes menses parum venter illi intumescere videbatur, vis tamen intus existentis in motu augebatur, postea verò magis, atque magis, & tumor, & vis moti intus corporis fiebat vehementior, & modo in mense xxiiij. ab initio summa vis, & impetus percipitur intus existentis, præsertim cum venter premittitur, etiam si leuiter prematur, & multò magis si manu frigida tangatur;

Cibum appetit more solito, quandoque tamen, & vehementius appetit, & comedit copiosius per viij. aut x. dies, ac per totidem subinde nauseat, & modo aliquando vomit parum pituitæ insipida; Excernit more solito, menstruas purgationes habet sed imminutas, sitis illi molesta non est, tamen quando abundantius comedit graue illi alimentum est. Uterus colem more solito admittit sine molestia, virum tamen non potest ferre superincubantem; lac apparet, aut quid lacti simile ad pappillam, nihil tamen effunditur. Pulsus paulò frequentior solito, respiratio eadem est. Ad motum agilis more solito, nisi quantum præ tumore grauatur.






Et quod intus existit hac, illac mouetur vehementer, Et multo corpore, ita ut interdum ab utroque latere vis sentiatur, interdum in medio tumorem durum efficiat, ac renitentem.

Color faciei idem, qui in sanitate est, Et excrementa pariter parum à naturali constitutione, Et cursu dimota; Os uteri non hyat, neque coeunti resistsit, aliàs tamen clausum est, Et aliquando tumentius, ac durius est;

Queritur an hæc Femmina fuerit ab initio grauida? Et an sit modo? Et quid intus sit quod mouetur? Et ubi sedem habeat? Et unde impetum? si animal est, cuiusnam sit generis? Et quomodo nutriatur? quis possit illi contingere exitus aut natura, aut ex arte.



PRESTANTISSIMO VIRO  
D. HIERONYMO BERTOLVZZIO

Sal. & Fel.



Erarduum, ac difficillimum casum  
 proponis, Prestantissime HIERO-  
 NYME, quem summa quidem ratio-  
 ne sublimiora suspiciunt ingenia, mi-  
 ratur Urbium Princeps Roma; in  
 cuius contemplatione præclarissimi  
 meritò laborant Philosophi, desudant Artis medicæ  
 Proceres sapientissimi; meam sententiam in re pror-  
 sus arcana, & incerta efflagitas, sed quid Anserin-  
 ter Olores? ad quid ferre Noctuas Athenas? ne ta-  
 men mihi deesse videar, non auræ popularis captan-  
 di gratia, sed ut tibi, quem ob eximias animi dotes,  
 & præclara merita vnicè diligo, plurimi facio, mo-  
 rem geram, calamum arripio, & quid de longa mu-  
 lieris gravidatione, & fetu in eius utero existente  
 statuendum censeam breuibus aperio.

Incerta, & infida esse conceptionis signa, cautè, ac  
 prudenter procedendū esse in pronunciando an fæm-  
 mina utero gerat, adeò certum est apud Medicos, ut  
 non defuerint viri famatissimi, è quorum numero nō



excludēdi Paulus Zacchias Illust. Rom. Medicus lib. pr. quest. medicolegal. tr. 3. quest. 1. & Alphonfus à Carranza iuris consultus eruditissimus Tract. de Partu nat. & legit. cap. prim. sect. pri. num. 33. qui grauidationis nulla posse haberi signa certa, fixa, & infallibilia asserere non dubitarunt; Vnde nil mirum, dicebat doctissimus Zacutus lib. 3. de Medic. Principi Hist. hist. 14. Auenzoarem medicum licet experientissimum in cognoscenda conceptione vxoris suę deerasse, vt idem ipse refert lib. 2. Thezir, quod sibi, & alijs viris prudentissimis similiter contigisse ingenuē fatentur Ioannes Matteus de Grado super 9. Raf. cap. de mola, & Michael Sauonarola tr. 6. cap. 21.

Et tamen si plures simul in femmina ad concipiendum apta concurrant conceptionis notæ, eam vtero gere rationabiliter videtur affirmandum; Quocirca cum Romanę Mulieris, bonæ alioquin habitudinis, teritiō iam Viro coniunctæ (quem admisisse suppono) *corpus intumescere sensim ceperit, motus tanquam intus existentis fœtus ipsa persenserit, lac, aut quid lacti simile in mammis habuerit, clausum os vteri extiterit, quod tanquam magnum conceptionis signum ponitur à Galeno lib. 5. aphor. com. tex. 51. eam à principio grauidam fuisse, ac etiam in præsentī vtero gestare statuendum iudico; nec obstat quod menstrua purgationes, quamuis imminutè fluxerint, & adhuc fluant, inanes pariendi conatus fuerit experta, menses iam sint xxiiij. elapsi, & nondum fœtum eddiderit, Nam primum nec nouum est, quando mulieribus grauidis toto etiam gestationis*

nis tempore menses effluere multoties fuerit obseruatum, vt apud Schenchium lib. 4. obseru. & alios videre est, & solum fetum morbidum esse solet demonstrare, vt docet Hippocr. lib. 5. aph. tex. 61. scribens, *si Mulieri vtero gerenti purgationes procedant, impossibile est fetum esse sanum*. Ex reliquis autem quid aliud tantum præter naturam in vtero consistere licet argumentari;

Non me latet fetum in vtero xxiiij. menses gestatum apud Turronenses, referre Pascalem Gallum in bibliotheca Medica, Vxorem Ducis Baruc Vandali biennio prægnantem fuisse, & parturisse infantem loquentem, & gradientem narrare Albertum Krantium in confut. legendæ cuiusdam germanicæ in calce Hist. Eccles. aliamque femminam biennio pariter ferentē vtero matrem loquentem enixam, nec non Matronam nobilissimam triennio vterum gestasse, & filium pepperisse ridiculum, & monstruosum Auentinum, & Schnitzerū testari Annal. Boior. lib. 5. & litteris ad Schench. datis anno 1596. Vnde in vtero præsentis mulieris fetum naturalem existere non posset videri prorsus impossibile; Tamen rarissima ea sunt, præter naturæ ordinem, & vix fide digna, ne dicam fabulosa, quemadmodum ea censuit Carranza supracitatus tract. eiusdem cap. 17. num. 42. Quocirca cum proposita mulier consuetopariendi tempore inanes parturientis dolores, & conatus fuerit passa, statutum partus tempus longè præterierit, quod (licet homini indeterminatū sit, iuxta Aristotelis lib. 4. de hist. anim. cap. 4. Hip-



pocratis lib. de septim. & octim. partu, Plinij lib. 7. nat. hist. cap. 5. Paramati lib. de hom. procreat. cap. 9. aliorumque grauissimorum virorum animaduersionē) ultra xiiij. mensem non solet extendi, vt Philosophi, & Medici tenent, & plurimi etiam Iuris Periti, quos refert idem Carranza tract. eodem cap. 15. num. 3. affirmant, eam naturalem fatum in vtero gestare, haud debet rationabiliter asseuerari.

Et sanè si fētus naturalis, atque humanus in eius vtero existeret, vel aueretur assidue, vel non amplius cresceret, quod vtrumque absurdum est, & sensui, & rationi haud consonum;

Si enim dicatur fētum perpetuò crescere, vterum etiam iugiter extendi, & in immensum ferè attolli, vt illum capiat necessarium erit, quod nec in præsenti factum refert historia, nec vnquam absque cruciatibus, & doloribus sauiissimis posset contingere, qui, vt euentur, Matris incolumitati intenta pijsissima natura fētum ipsum edocuit, cum ad iustam, & sibi proportionatam deuenerit magnitudinem manibus, & pedibus sese agitare, et calcitrare, vt disruptis membranis, & vinculis, quibus alligatur, & excitata expultrice facultate emittatur in lucem, quo pacto Hominis partum fieri docuit Hippocr. lib. de nat. pueri num. 39. Si verò fētum non amplius incrementum sumere quis asserat, quo pariter modo id euenire possit præter naturæ ordinem, & institutum non poterit explicare, fētum enim assidue alimentum sibi proportionatum capere, & cum natura augeri ita apte natum, & dispositum.

spositum sit, vt eius actio dum in vtero concluditur nulla alia esse videatur, quam sui ipsius augmētum, vt latē ostendit Hieronymus Fabricius ab Aquapendente de fœtu formato par. 2. & Aristotelis, & Galeni auctoritate probat, non tamen crescere, difficile est intellectu, & nisi vim patiente natura potest euenire.

Fœtus ergo in vtero mulieris continetur, sed non naturalis, idcirco quid illud sit, iam altius disquirendum.

Nonnullorum fuisse sententiam audio, flatum esse crassum, qui vterum, ac ventrem distendit, falsam grauidationem simulat, mulierem, & Medicos decipit, quod sanē multoties fieri Paræus lib. 25. cap. 34. Iason de Pariente, & partu cap. 2. & alij Viri docti recensent, Ita legimus apud Valescum de Taranta *Se dum tempore pueritię suę artes liberales Ulissipone addisceret, vidisse quod quadam Iudea credidit se pregnantem, cui fuerunt preparata omnia, quę erant necessaria, & dum Obstetrices matricem tractarent, tantam ventositatem sine ullo liquore exiuisse à matrice ipsius, quod fuit mirum; Ita se, & alios Medicos eximios, & Matronas expertas in propria vxore fuisse delusum fatetur Io: Matteus de Grado; & à quodam rustico, vxorem ipsius cum toto biennio, vel circiter vterum tamquam pręgnans gestaret tandem miro quodam sonitu, vel potius tonitru in ventre, & pudendis facto magnam flatuum copiam pepperisse, refert Taddeus Dunus lib. miscelan. cap. 8. quod & Mantuę multos vidisse Medicos non*



sine magna omnium admiratione in Anna de Fortis Hebræa ex Castro Brisseli narrat Marcellus Donatus lib. 4. de hist. medica mirab. cap. 25.

Verum ab eorum assertionem me auocat Hippocrates lib. 2. de morb. mul. num. 44. & 61. scribens, *si inflati fuerint uteri venter atollitur, & inflatur, & sonitum edit, & pedes, & caua faciei partes intumescunt, & color deformis fit, & menses occultantur, & genitura hoc tempore non manet intus, & anhelat, spumat, & anxiosa est, & paulò infra, si ventus in utero fuerit flatus exit, ac stridet, & tota intumescit, & febris habet, & ardor, & adhuc valde exilit præ dolore, & virum non admittit, & valde egrè fert coitum, & erigi non potest, & velut onus graue ipsi in utero iacet, & caput dolet.* Quorum nullum, si ventris eleuationem excipias, in nostra muliere apparet, *Quæ bene colorata est ut tempore sanitatis, agilis ad motum, colem more solito admittit sine molestia, pedes, & faciem tumidam non habet, febre non premitur, dolore non concutitur,* Vnde flatum in eius utero consistere non potest affirmari; præterquam quod quomodo subsultantis, calcitrantis, & percutientis imaginem potest referre flatus? quomodo certis temporibus moueri, & impetum adeò vehementem facere? cur nullus vnquam editur sonitus, crepitus, aut rugitus? quemadmodum in flatuosis fœminis fieri innuit Hippocrates monuit Fernellius de morb. et simpt. lib. 6. cap. 15. & cæteri obseruant Medici; non est igitur flatus, qui vterum, ac ventrem mulieris distendit, & falsam grauidationem simulat.

Sed

Sed multò minus est Aqua, quamuis, & hæc ipsa mulieres pariter, & Medicos multoties fallat, quemadmodum expressit Hippocrates primo de morbis mulier. num. 85. & alij non silent Medici præstantissimi, inter quos Iacobus de Partibus com. ad lib. 3. Auic. f. 3. tr. 4. cap. 21. qui lepidam satis habet historiam de quadam generosa domina, quæ se pregnantem esse credidit, & ita Medici visitantes eam existimabant, & dum venit pariendi tempus, & iam prouisum esset de bona obstetrice, & compatribus, & comatribus multa Aqua prodijt à matrice ipsius per vuluam defluens, & illicò venter penitus detumuit, unde, & ipsa, & Medici fuerunt illusi, cui non absimiles referunt de vxore cuiusdam Textoris Marcellus Donatus loco supra citato, & Iacobus Oęteus in obseruat. de femina quadam Eichstadiana;

Quando enim aqua reperitur in vtero, non solum imus venter intumescit, sed, & tibię, & lumbi, & mammae solidae molles fiunt, & vt cetera omittam Aquę ipsius vteri osculum significationem præbet, ad tactum enim gracile, & humidum apparet, & rigor, & febris corripit, & quanto magis processerit, tanto magis dolor habet imum ventrem, & lumbos, & laterum mollitudinem, & inguina, ita dictante Hippocrate primo de morb. mulierum num. 85. & 86. Quæ tamen in hac muliere nequaquam obseruantur, non enim inflatę sunt eius tibię, Os vteri molle non est, febris, & rigor abest, & dolores (vt satis ex historia liquet) imum ventrem non turbant, nec lumbos, nec laterum mollitudinem;

Ex



Ex quibus nec Aquam in eius vtero esse, sat arbitror elucescere, & ideo restat, quod sit vel mola, vel monstrum.

Molas enim ad plures annos in vtero gestari posse docent viri Clarissimi, qui ad 4. 5. 6. 12. & 20. annū, & quod maius est toto etiam vitæ tempore circumferri posse cum Arist. statuunt, vnde cum in propositæ mulieris vtero fætus iam biennio contineatur, non crescat, non augeatur, molam ipsam habere rationabiliter suspicandum.

Verūm, vt gestationis tempus, & incrementum omittam, de quibus reddetur ratio paulò infrà, plura sunt, quæ omnem de mola suspicionē è medio tolunt; Et primò quidem est *motus vehementia*, quamuis enim, & mola aliquem possit habere motum (quod tamen negat Hippocrates libro de sterilibus num. 20. vbi ex motus, & lactis defectu in tumido alioquin ventre reperiri molam argumētatur) non tamen adeò *vehemens* esse potest, *tantoque impetu fieri*, vt in nostra muliere, in qua *vis intus existentis in motu augebatur*, & *magis*, ac *magis fiebat vehementior*, & *modo in mense xxiiii. summa vis*, & *impetus percipitur intus existentis*, præsertim cum *venter premitur*, & *multò magis si manu frigida tangatur*. Secundo mouetur mola ad motum matris, & quouis motu se vertat, mouetur & ipsa, siue in dextrum, siue in sinistrum latus procumbat, & si in dorsum pondus aliquod durum lapidis instar, & graue sentit propè pubem, non propè vmbilicum; hic autem *quod intus existit hac illac mouetur vehementer*, & mul-

to corpore, ita ut interdum ab utroque latere vis sentiatur, interdum in medio tumorem durum efficiat, ac renitentem.

Tertiò, in mole gestatione mulier est languida, ad incessum grauior difficilè habet respirationem, artus gracilescunt, dolores dorsum, inguina, & ventrem infestant; in presenti autem mulier *agilis est ad motum, colorem eundem, & habitum habet quem tempore sanitatis, facile respirat*, non est languida, (saltem non describitur talis) non gracilis, nec ullos dolores patitur, quare molam in eius contineri sinu minimè statuentum.

Remanet ergo ut sit monstrum, extra humanam speciem anima rationali carens; quod neque admiratione dignum, neque impossibile, cum ex materiæ, & Instrumentorum vicio, spiritus atque caloris, & ex deprauata imaginatione (ut dei voluntatem, & Astrorum efficientiam omittam, de quibus Diuus Augustinus lib. 11. de Ciuit. Dei cap. 22. l. 16. cap. 18. Albertus Magnus secundo lib. de miner. cap. 2. & Cælius Rodiginus lib. 24. Ant. lect. c. 3.) multoties producantur monstra, ut Medici & Philosophi norunt, & historiarum restantur monumenta; quæ omnia in presenti muliere locum habere potuisse minimè dubitandum, materiam siquidem, & humores prauos, partium, ac ipsius vteri intemperie, impuros spiritus, vnde, & deprauate oriuntur imaginationes, ex mali succi edulij generari, nemo non nouit; huiusmodi autem cibis vesci ut plurimum infemæ sortis feminas vulgo notum; quocirca in corpore dispositum.



posito, concurrentibus diuina voluntate, & astrorum efficientia, quæ non minus Pauperum ingreditur tabernas, quam Regum turres, monstruosum productum fuisse fetum non est à ratione alienum.

Cuius autem generis statuendum sit, qua forma, & figura præditum certò affirmare impossibile cenſeo. Multiformes enim multoties viſi ſunt monſtruoſi par-tus, ferarum, vermium, ſerpentum, Buſſonum, Ra-narum, Piſcium, ac murium, & quod mirandū ma-gis, Elephantum, Leonum, Canum, atq; porcorum imaginem, & figuram præſeferentes, vt narrant Li-coſtenes, Plinius, Reineccius, Viues, Iuſtinus, Pareus, Gordonius, Sauonarola, & Alij Illuſtres Viri, Quos collegere Schenchi-  
us Donatus lib. 4. obſeruationem Marcel-lus Donatus lib. 4. de hiſtor. med. mir. cap. 25. & Carianza, de partu nat. cap. 15. num. 93. vnde co-rum narrationes, ne in longum nimis creſcat oratio, lubens prætereo; quare in re tam dubia, & arcana quid certi conſtituere humani ingenij vires excedere prorsus iudico.

Mihi, ſi meo Marte liceat philoſophari, aut Ver-mem inſignis magnitudinis, aut è ſerpentum genere quidpiam eſſe, placet aſſeuerare; Quamuis enim rari-us in vtero generari vermes placeat Gordonio, ibi ta-men multoties etiam produci, cum ſit ſentina omni-um excrementorum Auctor eſt Hippocrates lib. prim. de morbis mul. nu. 3. ſentiunt Io: Mattheus de Gra-do, lib. 4. præſ. & alij viri doctiſſimi apud Senner-tum, nec iple Gordonius negat, & in honeſtiſſima  
Matro-

Matrona id se obseruasse scribit Philippus Geringus lib. 2. cap. 8. de font. acid. sicuti in alia femmina ob id doloribus, & lancinationibus in ventre vexata Amatus Lusitanus cent. 7. cur. 17. Quemadmodum, & mihi ipsi contigit hic Guastalle anno 1652. in Illustri Muliere, quæ cum se grauidam esse arbitraretur, nonum gestationis mensem ingressa sæuissimis doloribus, ac febre per dies aliquot conflictata fato tandem cesserit, dissectoque cadauere loco infantis inuentus fuit in vtero cum insigni aque copia vermis permagnus, vlnæ vnus excædens longitudinem, crassitudine minimum manus digitum equans, viuens, & viuax, cum alijs pluribus minoribus, qui aque innatantes, ac se se agitantes, mortua adhuc femmina motu infantis simulabant, & ita miseram mulierem nouem mensium spatio deceperant, atque vexauerant

Serpentes autem Romæ sicuti in alijs regionibus è mulieribus nasci nouum non est, quando Mulierẽ Serpentem enixam Romæ, testis sit Appianus Alexandrinus de bellis ciuil. lib. prim. & inter initia Marsici belli Ancillam Serpentem peperisse referat Plinius lib. 7. hist. cap. 3.

Illud autem, instar humani fetus, menstruo nutrimentum sanguine, cum ad præfinitam quandam, & sibi conuenientem deuenierit magnitudinẽ, nullum amplius incrementum suscipere rationabile est, indeque fit, vt neque vterus amplius extendatur, neque fetus vel loco, vel alimento priuatus intereat, quare neque ex denegato incremento, neque ex longa in vtero mora,



molam ibi consistere, licet argumentari; vt supra adnotauimus.

At incredibile videbitur fortasse, monstrum posse in vtero tamdiu à muliere sustineri absque insigni noxa, cum, vt Mercatus obseruat lib. 3. de morb. mul. cap. 6. in monstroso conceptu matrem graui, & nouo aliquo simpthomate premi, quod vel admirationem inferat, rationabile sit. Verum, vt sit res noua, & magna admiratione digna, non tamen vsque adeò videtur impossibile, monstrum debito alimento fruens, locoq; calenti, & capaci contentum, nec vitę hominis suapte natura inimicum absque vilo vteri detrimento ibi vitam degere, quinimmo cum vitiosi Succis, qui quotidie ex alimentis succrescunt in muliere in eius nutritione assidue consumantur, summa ratione sit, vt prospera satis valetudine eadem fruatur; Id quod nonnullis fætum naturalem gerentibus euenire conspicitur, quippe quę vbi in vtero nihil habent stomacho, capite, & lumbis valde laborant, quam primum autem conceperint, cunctis molestijs soluuntur, & melius habent.

Pręterea etiam mirabile, quommodo seipsum agitet, & prout motu, calore frigore, (quod in historia notatur *dum manu frigida venter mulieris tangitur*) cibo, vel quappiam alia causa stimulatur, calcitrations, percussiones, & alios motus edat, haud secus ac legitimi parrus facere consueuere, nec tamen exitum quęrat.

Sed omnis admiratio desinet, si quę superius sunt dicta

dicta rursus animaduertantur, habere scilicet suppositum in utero monstrum ea omnia, quæ ad propriam vitam commodè sustentandam videntur necessaria; & obseruetur insuper, quod huiusmodi monstra quia exanguia sunt, parumque caloris habent sola transpiratione contenta in uteri latebris per multos annos solent delitescere, nec sponte vnquam sua foras prodierint, nisi aut uteri vi, aut arte medica pellerentur quemadmodum doctissimè obseruat disertissimus Andreas Laurentius hist. anatom. lib. 8. quæst. 31.

Quibus rudi minerua sic breuiter constitutis, ad omnia in casu proposita quæsitæ facilis est responsio; dum enim quæritur primò an mulier ab initio fuerit ac etiam in præsentis sit grauida? Respondetur fuisse, & adhuc esse; dum petitur secundo quid intus sit, quod mouetur? Monstrum, dicitur, vermis insignis magnitudinis, aut Serpentis imaginem præseferens, quod sedem habet in utero, vt tertio postulatur; mouetur autem cum animal sit è genere Serpentum modo supra exposito, & impetus adeò vehementes facit, ictus, & percussiones, quoniam alis fortasse, & pedibus est armatum. Nutrimentum capit perinde ac ceteri fœtus ex menstruo sanguine, vel ipsum suggerendo, si vermis naturam habeat, vt vermes plerique solent, vel per venas vmbilicales illud trahendo, cæterorum fœtuum more; Exitus illi potest etiam contingere à natura fœlix, cū multas fœminas absque insigni noxa eiusmodi eddidisse monstra apud viros clarissimos sit manifestum, & esse id frequentissimum in



Mulieribus Lombardiæ, aut quia magis laborant, quia magis sunt subiectæ, aut propter corruptionem alimenti, referunt Gordonius, & Sauonarola, sicuti in Apulia propter feminis, & menstrui sanguinis vitiū, aut vim constellationis, nec non in alijs meridionalibus, & australibus præsertim regionibus, testes sint Guainerus, Alexander Benedictus, & alij plures.

Et animaduersione dignum quod refert Gaspar Bauhinus in append. ad partum Cels. Roussetti, quandam scilicet Annam Tromperim puerulum cū duobus Serpentibus enixam longitudinis vlnæ, qui crassitie penè infantis brachium æquabant, ab illo deinde tempore quattuor etiam liberos habuisse, licet parum firma fuerit prædita valetudine.

Possit tamen arte iuuari, immò de facto id agendū vt tantum mulieri incommodum auferatur, & ab ingenti adeò sollicitudine vindicetur.

Cum itaque validis, ni fallor, rationibus statum sit rem tota substantia præter naturam, ita enim vermes Galenus, & monstra appellat Aristoteles lib. 4. de hist. animal. cap. 4. immò contrà naturæ leges, atque humanæ rationis prorsus expertē in vtero habere, absque vlla dubitatione ea remouenda est, è corpore tollenda ita enim Arsdocet, & præcipit Galenus libro 14. meth. cap. vltim.

Sed cum animal esse à nobis sancitum fuerit, illud viuum è corpore deppellere solius esse videtur opus naturæ, & tamen potest hoc pariter ab arte obtineri remediorum ope, quibus vermes plerumque viuos  
è cor-

è corpore detrudi est manifestum ; verum id in presenti assequi, quod iam vetustum est , & uiribus ualens, quemadmodum, *ex uehementia motus* decet argumentari, perarduum, ac difficile, quare satius multò uidebitur Galeni consilio uti loco citatò, vel scilicet illud stupefacere prius, ac veluti semimortuū reddere, vel penitus enecare; mortuo namque fœtu, ut lib. 3. de nat. facult. idem obseruat, miro naturæ consilio, os uteri aperitur, quantum ad eius exitum sit ex usu. Neque impium, aut ab humanitatis officio alienū censendum hoc opus, estò enim, quod monstra clam nutrienda voluerit Diuinus Plato libro 5. de legibus, Aristoteles 7. politicorum cap. 16. non censuit educanda, sicuti neque apud nos, qui Christi Domini nostri fidem exactè colimus, ea alere permittitur, ideoque qui monstrum occidit, de homicidio non tenetur, ut docet Alph. à Carranza cit. oper. cap. 17. Eoque magis, quod monstruosi partus, præsertim si plus de sua natura discedant, viuere nequeunt, Philosophi sētentia, cui consentit Lucretius lib. 5. de rerum natura sciens.

*Quæ neque florescunt pariter, nec robora sumunt  
Corporibus, neque præiiciunt ætate senecta.*

Adeò ut ne quidem in principio possint consistere, ut inquit Alexander Aphrodiseus in opusc. de fato.

Omitto quod monstruosæ istæ parturitiones Antiquis semper aliquid mali præsagiebant, & velut iræ Deorum habebantur tanquam res prodigiosæ, ut ex Tacito lib. 12. annal. Nonio, Marcélllo, & alijs colligitur



ligit idem Carranza, vnde partus istos portentosos è-  
nixis, etiam imprecationibus, vitare conabatur, vt col-  
ligitur ex Dalencampio ad Plinium lib. 7. cap. prim.

Porro ad fœtus viuos, Vermes, atque Serpentes vel  
in penitioribus corporis partibus interficiendos, multa  
habentur præsidia in arte medica, amara omnia id  
prestant Galeni, & Auicennæ testimonio: sed mul-  
ta præterea existunt suo loco afferenda; interim, vt quod  
in votis est consequi possit, animal quodcunque sit sal-  
tem, vt dictum fuit, videtur infirmandum, stupefa-  
ciendum, & veluti aduersus medicamenta pugnan-  
do ineptum reddendum.

Possunt id præstare diæta, sanguinis missio, atque  
purgatio, quibus subtracto alimento fœtui necessario  
non solum debilior redditur, atque imbecilior, sed in-  
terimitur plerumque, atque corrumpitur, vt notat idem  
Magister lib. 3. aphor. com. aphorismor. 37. & 52.  
verum sola diæta, veluti matri non minus quam fœtui  
inimica, suspecta redditur, & purgatione tantum, vel  
sanguinis missione id agere, periculo non vacat, vires  
enim non prorsus deiciende: non tamen hæc omitten-  
da, sed & illis, & aptis ad fœtum iugulandum, & de-  
pellendum medicamentis summa prudentia, & con-  
silio simul vtendum.

Instituenda ergo primùm à Medicis assidentibus ali-  
qua ex parte attenuas victus ratio, ita videlicet, vt mu-  
lier perferre possit, ac perdurare, deinde purgatio of-  
ferenda ijs medicamentis, que ventrem emolire pitui-  
tam in ventriculo genitam, & exuberantem, vt ex vo-

mitu,

*mitu, qui aliquando contingit est manifestum, euacuare nec non aliqua ex parte bilem, & melancoliam educere sunt aptè nata; huiusmodi erit potio ex folijs senę, Agarico, & Rhab. parata, in aquis conuenientibus infusis, additis correctiuis, & manna, vt apud nos Ferrarienses est in vfu, vel ex elect. diacatolic. cum syrup. & melle ros. solut. concinata, vel bolus ex elect. lenitiuo cum hiera simplici Galeni, vel aliud simile; ea peracta syrupus offerendus ex his quę incidendi, & aperiendi facultatem possident, vermes, & serpentes necandi, ac educendi: quam plura huiusmodi profert Medicinę sylua, & multa habentur apud Gal. lib. 8. de simp. med. fac. Auicennam, & Dioscoridem, ex quibus parari potest in hunc modum Recip. camedrij, scordei, dictamni, calaminthę, marrubij, pulegij an. q. s. fiat s. a. decoctio. Rec. dictę decoctionis vnc. 5. oximel. simp. vel compos. vel syrup. de duab. radic. ad vnc. 1. & s. fiat s. a. syrup. septem saltem diebus in aurora assumendus. vno vel altero exhibito syrup. vena communis secanda in dextro cubito, & sanguis extrahendus ad vnc. sex, vel octo arbitrio Medici.*

*Assumptis syrupis purgatio denuo instituenda, vel concinata rursus potione priori simili, addita tamen portione radic. elebori nigri, & nonnichil dictam. scord. & similium: vel syrup. de polipod. & melle ros. sol. cum diacatol. elect. indo, vel confect. hamec. aut pillulis, si magis arrideant, de fumoterre, aleophanginis, vel de hiera quarum, sicuti ceterorum medicamentorum dosim, atque mensuram Medici assidentis*



dentis iudicio consultò relinquo . Ab hac purgatione  
 rursus propinandus syrupus priori non absimilis, ex decoct.  
 dictamni, calamint. marrub. camedrij, elitropij  
 min. rad. filicis fœm. sabine, seminum rutę, & dauci  
 cum oximelite composito, syrup. de artemisia, de cicor.  
 cum rhabar. &c. Et rursus post primum, aut secundum  
 syrupum vena incidenda in talo dextri pedis,  
 & sanguis educendus Medici arbitrio.

Quinque, vel septem exhibitis syrupis ulterius progrediendum : & quoniam fœtum, si non extinctum, saltem inualidum, atque imbeciliorem redditum sperandum est, de eius expulsionē cogitandum ; Dentur Mulieri itaque pillulę huiusmodi. Rec. trociscor. de myrrha scrup. duos, pillular. aleophang. drac. semis. castorei, boracis miner. ana scrup. sem. vel unum, si opus sit, elaterij grana duo m. & cum melle rosat. fiant pillulę. Vel, si magis placeat, talis potio. Rec. trocisc. de myrrha scrup. duos, castorei, styrac. borac. ana scrup. unum, dictamni cret. puluerizati dracm. sem. decoctionis sabinae, scordei, camedrij, radic. filicis fœm. unc. sex. m. & fiat potio; cui non absimiles additis etiam ualidioribus medicamentis, tum simplicibus tum compositis ad expellēdos mortuos fœtus passim usitatis poterunt ex tempore parari curantis Medici consilio, prout res ipsa exposcere uidebitur.

Internis hisce remedijs externa sunt adenda. Quocirca & inunctiones, & emplastra umbilico erunt apponenda suffumigia adhibenda, pessaria immittenda Unguentum de Arthanita hyppogastrio, & pubis regioni

gioni adhibitum mirè proderit, vtpote quod vermes interficiendi, & expellendi facultate est præditum, validius tamen operabitur præhabito fotu ex dictamino, sabina, artemisia, matricaria, mercuriali, radice iridis, & filicis; laudatur à nonnullis radix cyclaminis cum modicò aceti acerrimi tusa in mortario, & in emplastri formam redacta, atque vmbilico apposita, & folia cupressi ventri imposita ad idem valere à proprietate creduntur. Inunctiones ex olco rutaceo, seminum lini, liliorum alborum, & similibus erunt ex usu, veluti suffumigia ex lupinis, sabina, mandragoræ radice, eleboro albo, myrrha, galbano, mezereo, & sulphure viuo, ex arte parata, & per tubulum, vt moris est, in vterum excepta; neque omittenda quæ à proprietate agere creduntur, vt vngula asini, pisces saliti, pili mulierum, & similia. Pessaria tandem mirè proderunt, quorum forma esto, Recip. succi cucumeris asinini vnc. i. myrrhæ, elebori nigri, aristolochiæ rot. ana drac. i. mellis q. s. m. & fiat sec. art. pessarium cui, & addi potest colocynthis, amoniacum, fel tauri, & alia huius census, quæ gossypio excepta in vterum imituntur. His peractis si foetus mortuus sit nec tamen exeat, manus opera vtendum, quod fieri commodissimè in Vrbe poterit, vbi, sicut in ceteris, habentur in Chirurgia Viri præstantissimi.


Hæc sunt HIERONYME Clarissimè quæ in proposito casu acutioribus, & sublimioribus ingenijs digno potui dixisse, vt meam erga te promptitudinem palam facerem; Quibus, si à veritatis scopo aberr-



uerim, minimè reprehensione dignus censendus sum;  
De his enim, quę per accidens existunt, & non ha-  
bent speciem in natura determinatam, non potest ha-  
beri Scientia, Philosophi testimonio vndecimo Me-  
thaphisicę.

Dabam Guastallę die X. Septembris Anni curren-  
tis M. DC. LXIII.





## ALCANNAM ARABVM

*Ex qua remedium paratur tutissimum, ac præstantissimum  
Ad Tingendos Aureo Colore Capillos*

Apud Amatum Lusitanum cent. 3. cur. LIX.

### NON ESSE CASSIAM

*Ut malè censuit Vir Doctus, & quid eius nomine sit  
intelligendum.*

## PROGYMNASMA SEXTVM.

*Ad Per Illustrem, & Excellentiss.*

### D. IO: FRANCISCVM LANZIVM

*Accerrimi Ingenij Iuuenem, & optime spei apud  
Ferrarienses Medicum.*



Ta planè res habet, IO: ERANCIS-  
SCE doctissimè, bonus quandoque  
dormitat Homerus; Non potui NN.  
Viri alioquin eruditissimi, atque in  
interpretandis Antiquorū Arabum,  
Græcorum, & Latinorum scriptis  
versatissimi probare sententiam, ac interpretationem  
nominis ALCANNÆ ARABVM, quam esse Cassi-  
am asseruisse tuis ad me litteris significasti; Quare,  
etsi summum viri præstantissimi ingenium, atque cru-  
ditionem magnopere semper fuerim admiratus, eius

Bb 2

tamen



tamen opinioni non possum in presenti assentiri (abfuit enim semper à me pessimum veri affectus venenum adulatio) & aquiescere. Aliter Principum in arte medica Virorum docet auctoritas, suadet, & ratio, quibus in rebus medicis perpetuò est inhærendum.

Quid igitur, ut Tibi, cui semper in omnibus placere studui, hac etiam in parte satisfaciam, nomine Alcanne Arabū sit intelligendum, quænam illius sint facultates, & usus, breuibus aperiam, in re namque omnibus bonarum litterarum cultoribus, ut puto, satis nota, tempus non conterendum.

Alcanne meminit Auicenna lib. 2. tr. 2. cap. 51. Eiusque nomine Ligustrum intelligendum esse Interpretes illius, ac alij viri doctissimi affirmarunt, hoc autem idem esse, quod Græcorum Cypros, Plinius lib. 24. cap. 10. Hermolaus Barbarus corol. in Dioscorid. cap. 126. Mattioli lib. 1. cap. 105. & Durantes cap. de ligustro testatum relinquerunt;

Et sanè, si quæ in descriptione ligustri, ac eius facultatum, & virium ennaratione habentur, cum ijs, quæ de Alcanna, & Cypro Græci, & Latini scriptores asseruerunt, attentè conferantur, rem ità se habere palam fiet; Alcannæ formam, & figuram omisit Auicenna, arbustumque solummodo esse protulit eius interpres Iacobus Foroliuiensis, eam tamen sic descripsit Bellonius lib. 2. memorab. & singular. cap. 74. *Alcanna in punice mali magnitudinem excrescit, sed cum cedatur, virgulas dum taxat profert, saliceorum vi-*

*minum instar*, Ligustrum autem hisce coloribus depinxit lib. prim. Dioscorid. cap. 126. *Ligustrum est arbor olivæ folijs, circum ramos latioribus, mollioribus, ac virentioribus, flore candido, mucoso, & odorato; neque ab simile exhibuerunt Mattioli lib. prim. cap. 106. qui cecos eos appellandos statuit, qui Ligustrum esse Græcorum Cyprum negare contendunt, & Durantes capite proprio; quocirca ex plantæ similitudine vnum, & idem esse satis potest deduci, ac deprehendi.*

Sed multò id clarius ellicitur ex facultatibus, ac viribus quæ singulis tribuuntur, nam si de Alcanna scripsit Arabum Princeps *illam frigidam esse in primo, sicam in secundo, & in ipsa esse resolutionem & stipticitatem, & exsiccationem sine nocumento, & esse resolutivam & c. eius decoctionem conferre adustioni ignis embrocatam, & oleum florum ipsius resolvere lassitudinem, lenire nervos, cõferre ossium fracturæ, ac liniri cum aceto supra frontem adfoda, & similiter conferre ulceribus oris & c. de ligustro pariter docuit Dioscorides lib. prim. cap. 126. commaducatum ulceribus oris mederi, illitum feruidis inflammationibus, carbunculisque prodesse, decocto eius ignis ambusta foueri, florem ex aceto fronti illitum capitis dolorem sedare, Cyprinum oleum quod ex eo fit excalescere, & emolire nervos; quemadmodum, & de Cypro prodidit Gal. lib. 7. de simpl. med. facult. inquit huius arboris folia summaque germina in usum veniunt, & facultatis, & qualitatis mixtæ, habent enim quiddam digereus cum aquea substantia modicè calida, habentque etiam adstrictorium*  
quid-



quiddam ex terrena substantia frigida; itaque eorum decocto quidam ambusta fouent, utuntur etiam aduersus igneas phlegmonas, & carbunculos, nam absque molestia, & morfu dessiccant, quin etiam sponte prouenientibus in ore ulceribus, & maximè quæ aphthodæ sunt, & ipsis etiam puerorum aphtis commansa commoda sunt. Quibus similia profert Paulus Aegineta lib. 7. illud insuper addēs medicamentis lieni dicatis vtiliter permisceri.

Præterea in singulis est insignis facultas, & vis mira tingendi aureo colore capillos (quod nobis hæc scribendi ansam obtulit) ut de alcanna primùm affirmat Princeps lib. prim. fen. 2. doct. 3. cap. prim. ubi docens Medicos quonam se debeant gerere modo in vrinarum inspectione, hoc præ cæteris obseruandum monet, ne corpus ab aliqua re externa infectum fuerit, quæ vrinam tingere sit apta, & sunt eius verba, neque sit qui exteriora sui re tingente infecerit, sicut Alcanna, quoniam cum ex ea aliquis tingitur, fortasse eius urina ex ea inficitur. ubi Costeus, quamuis Alcannam ligustrum esse absque vlla dubitatione affirmet, atque ligustri flores ad picturam usurpari certum esse asserat, eam tamen tingendi facultatē, quā illi Princeps tribuit, videtur improbare dum scribit, pro Alcanna legendum esse archenda suspicari; archendamque esse puluerem quædam tinctorum, quo nostra etiam tempestate Parthi atque id genus homines ornatus gratia ungues, & totum corpus quandoque inficiunt; In quo tamen decipitur Vir alioquin doctissimus, cum Archenda non aliud sit, quam puluis ex folijs Cypri, idest ligustri, & Alcanne

ne concinnatus, ut paulò infrà Alpini testimonio demonstrabitur; nec desint alij Viri Clarissimi, qui Aui-cennæ doctrinam sequuntur, probant auctoritatem, ut Iacobus Foroliuiensis Philolophus non minus, quā Medicus Illustris in commentario subdens, *Nota Alcanna arbusculum est, & habet tincturam fortem, & penetrantem valde qua Saracenni tingunt ungues suas, & facit etiam ad flauedinem capillorum, idè si quis hac re fuerit tinctus, est contingens urinam inde tingi, & Bellonius loco cit. addens, magnum adfert quæstum Egipti incolis nam eius folia siccata in pollinem terunt, flauo colore inficientem, huius pollinis census tam ingens est per eas regiones, quæ Turcarum Imperatoris subiacent imperio, ut plus quam octodena ducatorum millia reddat; inualuit enim ea consuetudo, ut omnes mulieres manus, pedem, capillorum partem rubro, aut flauo, Viri autem ungues rubro colore hoc puluere inficiant; addito præterea alumine puerorum utrîusque sexus Capillos tingunt, equorum iubas, pedes, & caudam. Eius regionis Mulieres ad formæ decorem multum accedere putant, si ab Umbilico infrà etiam coarum partem flauo colore inficiant. nec non Io: Baptista Porta magiæ natural. lib. 9. cap. 2. scribens, ex Affrica puluis nobis affertur, quem vulgo Alcanna dicunt, si lixiuio eum ebulliemus, donec coloretur, & Capillos perungamus rufo colore tingit ad multos dies indelebili.*

Quod, & de Cypro narrat Prosper Alpinus de plantis Aegipti cap. 13. hæc proferens, ex folijs Cypri Orientalis arboris, quem Egiptij Elcanna, vel Tamarendi vocant, puluerem conficiunt, quem Archevda illi appellant; Hoc

Mulie-



*Mulieres vtuntur ornatus gratia manus , & pedes colore aureo tingentes , non autem in succo lanarie , aut struthij , vt ait Dioscorides , sed simplici aqua eam miscentes , aquā auream faciunt , quæ aureo colore tingit ; quod arcanum si nostræ Mulieres agnouissent , pro deaurandis ipsorum Capillis nihil haberent , quo securius vterentur , neque sub radijs solis se vrerent , varijsque modis caput lederent .*

*Ac de Ligustro Dioscorides cap. proprio scribens , Capillos ruffant trita folia , quæ in radicle succo maduerint , & Castor Durantes vbi cecinit .*

*Ambustis prodest , Crines ruffatque ligustrum*

*Inest ergo tam in Alcanna appellata , quam Cypro , atque ligustro vis , & facultas tingendi aureo colore Capillos , vngues , & alias partes , vnde meritò ex hac etiam facultate in singulis præstantissima vnā , eandemque plantā esse licet argumētari , varijs quamuis nominibus nuncupetur , ab Arabibus nempe Alcanna , à Græcis Cypros , à Latinis Ligustrum , quare non incōsultò scribit Amatus Lusitanus ex Alcāna Arabum parari remedium ad tingendos aureo colore Capillos tutissimum , ac præstantissimum , cuius descriptionem in gratiam mulierum nobiliū hīc placet subnectere , Foresti exemplo lib. 8. obs. obs. 9. & est huiusmodi ; Alcannam Arabum in puluerem redactam , vt à Græcia , & Mauritania Mercatores afferunt accipito , quam pauco vino tepente exceptam in pulmenti formam redigito , & ea postea Capillos per ordinem vniuersos ad radices vsque illinito , quos sic illitos per horas 24. stupis coopertos , & bene fasciatis finito , postea verò tepente vino*  
caput

caput lauato, & eburneo peſtine, vel altero dentes oblongos, & plicabiles habente prædictos peſtinato capillos, breui enim eos vt aurum reddes.

Nec abſque ratione admonet Auicenna cauendum in inſpectione vrinæ, ne corpus à re tingente fuerit infectum, veluti Alcanna, cum non modo apud Turcas, ſed etiam in Vallachia, Ruſſia, & Boſſina Capillos, vngues, manus, & corpus ea ab vmbilico infrà tingendi vſus inualuerit. Quomodo autem ex linimento extrinſeco infecta corporis cute humorum corporis color, atque vrinæ poſſit immutari, explicat doctiſſimè Coſtæus in allata adnotatione ſcribens, *Quod licet mirū id videatur non tamen id forteſſe abſurdum exiſtimabitur, ſi quis mutuum corporis totius conſenſum, ſpiritu-umque extrà, & foras recurrentium motum aduerterit cuius vi, & aeris, circumſtantium nobis rerum qualitates profundis etiam corporis noſtri partibus veluti, & humoribus, & excrementis comunicari quotidie re ipſa experimur; Quod tamen prius docuerat Hippoc. lib. de Alim. n. 4. docens corporis noſtri confluxionem vnā eſſe, conſpirationem vnā conſentientia omnia. Ex qua humorum, & excrementorum infectione non in cute ſolū ſed vel in Capillis, & pilis corporis vniuerſi mutatio contingit, cum humorum, & excrementorum ex quibus producuntur naturam, & colorem induant, ac præſeferant, vt loco eodem expreſſit Dictator aſſerens, in pilos alimentum, & in vngues, & in extremam ſuperficiem intrinſecus peruenit, forinſecus alimentum ex extrema ſuperficie ad intima peruenit. & Auctor eſt Galen. lib.*



2. de temperam. cap. 5. ac inuit Auic. lib. prim. fen. 2. doct. 1. cap. 6. vnde rationabile simul, ac validum censendum ad canitiem arcendam, & denigrandos pilos, & Capillos medicamentum expositum à Schenchio lib. prim. obl. obl. 4. quod & in gratiam Illustrum virorum, ut aliquid etiam amœnioris, nostris hisce lucubrationibus inseratur, refferre non grauabimur, & sic habet, *Mense Septembri virentis nucis, & procerę radicem cruris crassitudine sub terra latentem per transversum secabis, sublataque parte inferiore illius loco vas vitreum, aut figulinum vitreatum oleo oliuarum plenum submittito, ita ut vas ipsum radicis truncum, ex quo reliquum præcidisti, recipiat intus, immergaturque oleo. Deinde vasis os cera ita obline, ut cera radicis caudicem cum vasis summis labris coniungat, ne terra intus possit penetrare, inde linteo circumdato terram sensim super impone, ut vas radicis quam præcidisti loco sub terra sepultum iaceat, donec Nux ipsa flores emittat; tunc vas diligenter ne terra in illud cadat cauendò detrahito, oleum inuenies nigru succo nucis in illu defluente perpetuis ix. iam mensibus. Ex hoc scrotum diligenter, postquam homo in balneo sudare cæperit inungito, atque assiduè in ipsum testes immisos foueto, nam ad omnes pilos, & Capillos denigrandos optimè facere existimatur; sufficereque aiunt si semel in anno quis hoc præsidio utatur; nam vim testium transferri in totum corpus pilorumque caulam esse indicio est, quod, qui castrati sunt nec calui fiunt, nec barbam emittunt.*

Nec obstat, ut ad propositum sermo reuertatur,  
quod

quod cassia etiam fistula tingendi urinam dicatur habere facultatē, ut exprimit loc. cit. Princeps hisce verbis, & non sit qui in cibo aut potu rem tingentem accipit, sicut crocum, & cassiam fistulam, quoniam urinam tingendo ad citrinitatem, & rubedinem immiscet, Ex quo Auicennę contextu errandi fortasse occasionem arripuit vir doctissimus; nam ratio propter quam mutatur ab assumpta cassia urinae color ad citrinitatem, non est eius facultas hoc colore tingendi, sed ea prouenit coloris in urina mutatio Iacobo Foroliuensi asserente, altero duorum modorum, primò quia cum sit euacuatiua, secundum partem transiens per vias urinae, secum ducit coleram, quae citrinat urinam, secundò imaginando, quod licet cassia sit nigra, permiscetur tamen rei ad albedinem tendenti, ex permistione autem horum resultat color rubeus & citrinus, sicut etiam de fuligine dispersa per aquam patet.

Tandem Alcanę nomine cassiam nullo modo intelligendam patet considerantibus; quęcunq; enim cassia à nobis intelligatur, nullo pacto cum ligustro, aut alcanna conuenire manifestum existit; & primò quod cassia fistularis, vel solutiua alcanę nomine nequaquam sit accipienda ex vtriusque arboris forma, & figura constat euentissimè, nam alcanna, ut alibi exposuimus arbutum est in punice mali magnitudinē excreescens, vliuę folijs, virgulas, dumtaxat proferens saliceorum viminum instar, floresque candidos, mucosos, & odorosos.

▲ Cassia autem solutiua, quam Hiarxamber Arabes



appellant, tametsi Auicenna corrupto nomine *Fhiar-*  
*lamandar*, ut refert Garzias ab Horto, cap. 29. *Ar-*  
*bore est Pyri magnitudine, folijs mali persice, angustioribus*  
*tamen aliquantulum, & virescentibus, floribus geniste*  
*perquam similibus, luteis, cariosilorum odore emulantibus,*  
*quibus decidentibus exiliunt oblonge siliquae virescentes admo-*  
*dum ante maturationem (non autem rubentes ut scripsit La-*  
*cuna) quae per maturitatem nigrescunt, longitudine inter-*  
*dum quinque palmorum, numquam vero infra binos palmos.*

Secundò, quod neque *Calsia* odorata, euidens pariter  
 est apud Galenum, Dioscoridem, Manardum, Mattio-  
 lum, & alios, qui de ea exactè scripserunt, nam ut  
 plura eius genera, colorem, saporem, odorem, & cæ-  
 teras eximias dotes omittam, illud est omnibus notum  
 plantam eius, quæ lignea appellatur, ac pro *Cinamo-*  
*mo* venditur, quam esse veram *Calsiam* statuit Manar-  
 dus lib. 8. epist. prim. folio eiusdem testimonio, con-  
 stare ad rotundum vergente, vel ut Dioscorides scribit  
 lib. prim. cap. 12. folijs piperis, illiusque arborem sic  
 describere Garziam ab Horto cap. 13. (*Cinamomum si-*  
*ue canella arbor magnitudine est oleæ interdum minor mul-*  
*tis ramis prædita non ijs quidem contortis, sed rectis fer-*  
*mè, folijs lauri quidem colore, sed forma ad citri folia ac-*  
*cedente (non verò folijs iridis, ut quidam scripserunt) flo-*  
*ribus candidis, fructu nigro, & rotundo, auellane ferè*  
*magnitudine, aut exiguis oliuis simili;*

Quod denique ea *Calsia* non sit, quam Plinius lib.  
 21. cap. 12. cum Thymo, rosas, violis iuxta Apum  
 alu caria serendam consulit, & qua Romani utebantur

tum olim pro coronis, vt notat Mattiulus lib. prim.  
cap. 13. luce clarius existit, nam eam esse herbam nō  
arborem eiusdem testimonio fat est euidens.

Ita, ni fallor, satis superque demonstratum cenſeo  
quid nomine Alcannæ Arabum veniat intelligendum,  
& quam malè egerint, qui cassiam, quocunque mo-  
do acceptam; pro ea assumendam esse iudicarunt.

Meam hanc itaque sententiam candidè, & libe-  
rè expressam læta accipe fronte Io: Franciscæ Carissi-  
me, naturamque interim tuam, quæ veluti ager est  
Hippocratis testimonio in lege, industria colere, ei-  
que dogmata Præceptorum, quæ veluti semina sunt,  
alacri animo, vt cepisti, mandare ne desinas, quò  
tandem feliciter, & cum profectu suos valeat pro-  
ducere fructus, & me ama.

F I N I S.





177  
[Faint, illegible text in a single column, likely a list or index of names and titles.]



*Errata maioris momenti sic corrigito.*

**P**agina 9. linea 10. plurrima, lege, plurima p. 25. l. 8. effluget l. effulgeat. pag. 26. l. 10. medicamenrum l. medicamentum. p. 30. l. 16. venatum l. venarum p. 33. l. 4. concedere l. concedi. linea 23. respiciens l. respiciens. p. 39. l. 14. educto l. adducto. p. 42. l. 16. solercia l. solertia. p. 44. l. 5. Acutor l. Auctor. p. 47. l. 13. nullius l. nullius. p. 53. l. 29. excelentis l. excellentis. p. 56. in tit. Ferrarientim l. Ferrarientem. p. 67. l. 28. exenentibus l. exerente. p. 68. l. 9. penetrationum l. penetrationem. p. 69. l. 24. coagolatio l. coagulatio. p. 70. l. 12. expurgandis l. expugnandis. p. 98. l. 3. in quidem adde, in his quidem. p. 117. primum l. plurimum. p. 123. l. 11. ppter l. propter. p. 128. l. 7. dele l. 3. p. 131. l. 12. cum l. com. p. 132. l. 12. cor. l. car. p. 134. l. 26. quam l. quan. p. 145. l. 21. tollit l. tollitur. p. 150. l. 3. morbotus l. morbosus. p. 156. l. 23. inquit l. inquit. p. 157. l. 9. vtelli l. vtendi. p. 157. l. 28. ctiorum l. ctionum. p. 176. l. 14. obseruationem l. obseruationum. l. 17. narrurtiones l. narationes. p. 179. l. 8. prodirint l. prodirent l. 14. respondet l. respondetur. l. 24. naruram l. naturam. p. 180. l. 18. natum l. statutum. p. 183. l. 24. nonnichil l. nonnihil. p. 130. l. 15. in singula, l. in singulis. p. 131. l. 29. huiusmodi, teccione l. huiusmodi teccione.



Die 6. Martij 1665.

De mandato Reuerendiss. Patris Inquisitoris Mantue  
Frater Ioannes Baptista Gherli Vic. Sancti Offitij Gua-  
stalle vidit.

Attenta tali attestatione

Imprimatur.

Fr. Hyacinthus Maria Granaria Sac. Theolog.  
Magist. & Mantuæ Inquisitor.





